

*Et. cor. Ecclesiastis
et Song i. Solomon.*

R. D. D. RUPERTI

ABBATIS TUTTIENSIS

IN CANTICA CANTICORUM

DE INCARNATIONE DOMINI

COMMENTARIORUM

PROLOGUS.

373 Qui contra hominem similem sibi luctatur, aut in agone contendit opus habet fortitudine corporis, ut athleta vactor existens, justa laurea mereatur coronari. Porro qui cum Deo luctari, et regno colorum vim inferre praesumit, alia et meliori fortitudine opus habet, scilicet fortitudo mentis. Nam fortitudo corporis quid illuc valet? Spiritus enim est Deus, et sicut eum, qui adorat, adorare oportet in spiritu et veritate (Joan. iv), ita non ilominus eum qui luctatur, colluctari oportet in spiritu et veritate. Exemplum laudundae fortitudinis habemus in patre nostro Jacob, quemadmodum Scriptura dicit: « Cumque mature surrexit Jacob, traductis omnibus, quae ad se pertinebant, remansit solus: et ecce vir iactabatur cum eo usque mane. Qui cum riceret, quod eum superare non posset, dixit ad eum: Dimitte me, jam enim ascendit aurora. Respondit: Non dimittam te, nisi benedixeris mihi. Et benedicens illi: Si contra Deum, inquit, fortis fuisti, quanto magis contra homines pravalesbis (Gen. xxxii). » Secundum illud exemplum, vir ille adhuc sese a colluctante patitur vinciri quoties studiosus et fidelis animus tandem versatur circa verbum Dei, donec extorqueat ab illo benedictionem Spiritus sancti, qui est verus et utillis intellectus mysterii, vel Scripturæ quam Deus rationabiliter signavit, ut non facile possit apprehendere: « Quia margaritæ non erant mittendæ coram porcis (Matth. viii), et nulla difficultate vincitur, ut desistat, donec apprehendatur, quanvis quodammodo fugiat sermo Dei, seque jubeat dimitti. Igitur, o dominae Dei genitrix Maria, et incorrupta mater Verbi aeterni Dei et hominis Iesu Christi, non meis, sed tuis armatus meritis cum isto viro, scilicet cum Verbo Dei, cupio luctari, ut de Canticis canticorum opus extorqueam quod non dedecet vocari de Incarnatione Domini, ad laudem et gloriam ejusdem Domini, ad laudem et honorem tuæ beatitudinis. Non nova hæc voluntas nunc incidit. Ante annos aliquot cum essem junior, cingere me volueram, et hujus nominis opus aggredi, scilicet de Incarnatione Domini, per occasionem hujusmodi. Coram regina cælorum loquer, a conservo meo quolibet irrideri non debeo, dicente: « Ecce somnior (Gen. xxvii). » Sedebam quasi solitarius per risum noctis, et ecce quasi cibitus auræ tenuis (III. Reg. xix) per utramque aurem transcurrentem, velocius quam dici possit, ut in me versiculos depositus:

Femina mente Deum concepit, corpore Christum:
Integra fudit eum nil operante viro.

Cum reversus ad memet versiculos taliter acceptos mente retractarem, et nonnullis, unde vel qualiter accepimus, secretius non sine admiratione denarrarem, atque ad multorum notitiam versiculi pervenissent, qui tamen nescirent unde accepisset, ex multis et diversis quæ audiebam, occasio se præbuit, ut scribere aliiquid caperem de Incarnatione Domini, versaturus grande onus invalidis humeris. Circa idem tempus et hoc aliud accidit: Frater quidam innocentis vitæ, et mundæ ac simplicis adolescentiæ retulit mihi, se vidisse Filium tuum Dominum nostrum Iesum Christum, sedentem super altare suum, et circa eum collegium sanctorum, neque assidentem cum quiete, et tenentem Cantica canticorum. Hæc interim transisse videbantur, et inreterata mihi erat memoria horum, cum ecce quidam de amatoribus Verbi Dei, ex te, o B. Virgo, incarnata, Cuno pater canonobi Siebergensis, qui me pene dormitare volentem, nonnunquam excitavit, et multis inrigilare fecit, quæ nescio per occasionem opportune importune mihi insistere cepit, ut scriberem aliiquid hujusmodi, qualis est hoc, quod nunc proposui. Tunc dum recordatus sum eorum quæ nunc dixi, simulque cuiusdam premissi tui, quia per visum mihi dicere risa es: Pascha cum beata Trinitate facies. Loquebar enim tecum, et dulce de beata Trinitate habebam colloquium, nesciens quod ipsa esses. Sed postquam illud ex te responsum accepi, tum scire volenti quænam esset tam sancta mulier, et hoc flagitanti in nomine Patris, et Filiæ, et Spiritus sancti, teipsam esse misericordiae matrem stellantibus oculis gratianter demonstrasti. Sequor divinum præsagium, si quando merear videre faciem tuam, et ante Christum tenere Cantica canticorum, juxta quod canimus in psalmo: « Venientes autem venient cum exultatione, portantes manipulos suos (Psal. xxv). » Dicendum in primis de isto Salomonis libro tertio, super quem velut fundatum adificari cupio adificare hujus nominis, scilicet de Incarnatione Domini, cur vocetur Cantica canticorum, et deinde cur non singulariter canticum, sed pluraliter Cantica canticorum. Omne quod in Scripturis nominatur canticum, propter aliquod cantandum est Dei beneficium, et gratiarum actione auctorem suum probans, accepti beneficis et gratiae non immemorem sive ingratum. Sunt autem in Scriptura veteris instrumenti cantica nota vel insignia numero sex, istud autem est septimum idemque novissimum. Primum est canticum Mosi servi Dei, pro illo beneficio quod Deus populum suum filios Israel liberavit, submerso Pharaone in mari Rubro cum curribus et equibus suis (Exod. xv). Secundum canticum ejusdem Mosi, canticum Denteronomii, quod scripsit canendum tam pro illo, quam pro cæteris ejusdem rei beneficis (Deut. xxiii). Tertium canticum Auctor prophetis-

sæ, quæ fuerat steriles, quod cecinuit pro nativitate Samuels (*I Reg. ii.*). Quartum canticum *Iesai* quod et scripsit, et canendum prophetavit: « Confitebor tibi, Domine, quoniam iratus es mihi (*Isa. xiij.*), » pro 374 beneficio, quo liberandus erat Iuda ab Assyriis. Quintum canticum *Ezechiae regis*, quod cecinuit vel scripsit pro beneficio Dei, quia de infirmitate sua convaluit (*Ezech. xxxviii.*). Sextum canticum *Abacuc*, quod propheticæ cecinuit pro futura dejectione diaboli, secundum typum *Nabuchodonosor regis Babylonis* (*Habac. iii.*). Septimum, ut jam dixi, idemque novissimum est canticum istud maximæ et singularis beneficij Dei, canticum amoris, quo Deus in B. Virginem descendit, ita ut filium ex ea generaret, qui est Christus Jesus, homo verus « Et Deus super omnia benedictus (*Rom. ix.*), » quantum istud beneficium, cætera cuncta Dei beneficia generi humano impensa, supereccellit. Recte igitur dicitur Canticum cantorum, quia quod in eo canitur, beneficium est omnium Dei beneficiorum. Quare autem non singulariter canticum, sed pluraliter Cantica cantorum? Ad hanc percutationem viam respondendi parat considerata subdistinctio quatuor periodorum, id est recapitulationum, quarum est signum capitulum hoc tertio repetitum: « Adjuro vos, filiae Hierusalem, per capreas cervosque camporum, ne suscitatis, neque evigilare faciatam, quoadusque ipsa velit (*Cant. ii.*)». Idem sacramentum per omnes periodos continetur. Unius enim ejusdemque amoris prima decantatio est, ab eo quod ait: « Osculetur me osculo oris sui (*Cant. i.*), » usque: « Adjuro vos, filiae Hierusalem. » Secunda ab eo, quod dixit: « Vox dilecti mei, ecce iste veniet saliens in montibus (*Cant. ii.*), » usque itidem: « Adjuro vos, filiae Hierusalem. » Tertia prolixior, sic incipit: « Quæ est ista quæ ascendit per desertum (*Cant. iii.*), » usque ad tertiam adjurationem: « Adjuro vos, filiae Hierusalem. » Quarta: « Quæ est ista, quæ ascendit de deserto deliciis affluens (*Cant. viii.*), » usque ad finem. Non ignoro quantum vel quale suscepimus negotium, scilicet historiæ sive rei gestæ aliquod ponere fundamentum, et super illud magnum, quod sub istis vocibus continetur, superaedificare mysterium. Tunc enim expositio mystica firmius stat, neque fuitare permittitur, si super historiam certi temporis vel rei demonstrabilis rationabiliter superaedificata continetur. Labor magnus et difficultas, sed exinde spei solatium est, quia sermo Dei talis est, qui secundum similitudinem viri supra memorati, qui luctabatur cum Jacob, possit vinci, si colluctator, id est inquisitor ejus legitime luctari nonerit. Quid est legitime luctari? Nimis fortitudine uti vere et sanctæ humilitatis in precibus et lacrymis. Sic enim ille Jacob superavit (*Gen. xxxii.*), teste alia Scriptura, in qua per Osee Spiritus sanctus de illo dicit: « In fortitudine sua directus est cum angelo, et invalidus ad angelum, flevit et rogavit eum (*Osee xii.*). » Igitur ejusmodi fortitudinem tribuat Dominus virtutum, et Victoria dulcis gratum subsequetur duellum.

IN CANTICA CANTICORUM

DE INCARNATIONE DOMINI

COMMENTARIORUM LIBER PRIMUS.

« Osculetur me osculo oris sui. » Quæ est ista exclamatio tam magna, tam repentina? O beata Maria, inundatio gaudii, vis amoris, torrens voluptatis, totam te operuit totamque obtinuit, penitusque inebriavit, et sensisti quod oculus non vidit, et auris non audivit, et in cor hominis non ascendit (*Isa. iv.*), et dixisti: « Osculetur me osculo oris sui. » Dixisti enim ad angelum: « Ecce ancilla Domini, fiat mihi secundum verbum tuum (*Luc. i.*). » Quod erat illud verbum? Quid locutus fuerat tecum? « Invenisti gratiam, » ait, « apud Dominum: Ecce concipies et paries filium, et vocabis nomen ejus Jesum? *Ibid.* » Acdeinceps: « Spiritus sanctus superveniet in te, et virtus Altissimi obumbrabit tibi. Ideoque et quod nasceretur ex te sanctum, vocabitur Filius Dei (*ibid.*). » Nonne hoc verbum angelii, verbum et sponsio erat jam imminentis osculi oris Domini? Igitur prudens ponderator dictum utrumque appendat in statera rationis, et istud, « osculetur me osculo oris sui, » quod dictum fuit animæ vel cordis jubilantis, et illud: « Ecce ancilla Domini, fiat mihi secundum verbum tuum, » quod dictum fuit oris exsultantis. Nonne sunt ejusdem ponderis? Nonne sensus idem est in verbis seu vocibus diversis? « Sicut audisti et credidisti, » sicut tibi met imprecando dixisti, « fiat

A mihi, » ita et factum est tibi. Deus Pater te osculatus est « osculo oris sui. » Quis oculus hoc vidi? quæ auris audivit? cuius in cor hominis ascendit? Tibi autem, o Maria, semetipsum revelavit, et osculans, et osculum, et os osculantis. Longe minoris gratiæ, quælibet anima dum datum optimum, sive donum perfectum concipit, de sursum descendens ab eodem Patre luminum (*Jac. i.*) taliter afflatur, talemque intus in semetipsa persentit osculantis attacum, ut dicere non dubitet, nobis autem revelavit Deus per spiritum suum (*I Cor. ii.*). Quanto magis, tu, o beata, in perceptione doni singularis, dum Spiritus sanctus supervenit in te, et virtus Altissimi obumbravit tibi, revelationem hujusmodi accepisti. Profecto anima tua liquefacta est (*Cant. v.*), ut dilectus locutus est, scilicet Deus Pater locutione admirabili, locutione ineffabili, dum substantiam Verbi sui, cum illo amore suo Spiritu sancto tua mente, tuo ventre penitus insereret: in quo nec primam similem visa es, nec habere sequentem. Et ad angelum quidem dixisse sufficerit, « fiat mihi secundum verbum tuum, » angele Dei, ut ille « osculetur me osculo oris sui, » ad ipsum autem dilectum Deum conversa, loqui et jubilare anima tua non desiit, in ipso experimento suavitatis inenarrabilis, cuius videlicet ju-

bilationis summa hæc est : « Quia meliora sunt A ubera tua vino, fragrantia unguentis optimis. Oleum effusum nomen tuum, ideo adolescentulæ dilexerunt te. » In Isaia loquitur idem ipse Deus : « Audite me, donus Jacob, et residuum Israel, qui portamini a meo utero, qui gestamini a mea vulva. Usque ad se-nectam ego ipse, et usque ad canos ego portabo. » Ergo et ubera recte dicitur habere, quæ Psalmista non ignorans, dicebat : « Si exaltavi animam meam, sicut ablactatum super matre sua, ita retributio in anima mea (*Psalm. cxxx.*). » Quid ergo per ubera ejus nisi dulcedinem ejus recte intelligimus? Et quid est dulcedo ejus, nisi Spiritus sanctus. Talis dulcedo pulchre in duo ubera discernitur, quia duo sunt data ejusdem sancti Spiritus. Alterum datum est in remissionem peccatorum, cuius videlicet dati ubere nullus ante hanc B. Virginem lactatus est sauctorum antiquorum. Alterum datum est in diversarum divisiones sive distributiones gratiarum, quo videlicet ubere lactati veteres sancti, et prophetaverunt, et multa miracula operati sunt. Utrorumque hujusmodi uberum letificata dulcedine ineffabili, dum concipiis, o virgo beata, dum tibi sit secundum hoc verbum angelii : « Spiritus sanctus superveniet in te, et virtus Altissimi obumbrabit tibi, » quibus duabus clausulis, jam dicta significabantur duo data ejusdem Spiritus sancti, quid aliud dices, nisi « meliora sunt ubera tua vino, fragrantia unguentis optimis? » Non fueras experta vitium hujus saeculi, vinum voluptatis carnalis, sine cuius ebrietate nulla unquam mulier præter te concipere potuit, aut poterit, et tamen dijudicare nosti quam melior aut vehementior, dulcior atque fortior esset voluptas sive amor Dei, in quo concepisti, sine dubio potata illius torrente voluptatis (*Psalm. xxxv.*). **376** Et tu quidem veraciter dicere potueras : « Ecce enim in iniquitatibus concepta sum, et in peccatis concepit me mater mea (*Psalm. 2.*). » Cum enim esses de massa quæ in Adam corrupta est, hæreditaria peccati originalis labo non carebas : sed ante faciem hujus amoris peccatum, nec illud, nec aliud stare potuit, ante faciem hujus ignis stipula omnis interierit, ut totum sanctum fieret habitaculum, in quo Deus totis novem mensibus habitaret, tota omnino munda materia, de qua sancta Dei sapientia, domum æternam sibimet ædificaret (*Prov. ix.*). Et quia cum tanta dulcedine amoris, pretiosa plenæ gratiæ simul infusa sunt charismata, quæ ceteris ab eodem spiritu dispartiuntur sanctis et electis, recte « ubera » illa dixeris « fragrantia unguentis optimis. » Optima namque unguenta sunt charismata hæc, sermo sapientiæ, sermo scientiæ, fides, gratia sanitatum, opera virtutum, prophetia, discretio spirituum (*II Cor. xii.*), etc.; quæ qui habent, boni odoris sunt et suaviter fragrant, sicut unguentum optimum. Unde Apostolus : « Deo gratias, » inquit, « qui semper triumphat per nos in Christo Jesu, et odorem notitiae suæ manifestat per nos in omni loco, quia Christi bonus odor sumus Deo (*II Cor. ii.*). » Inter ceteros odores unguento-

rum, quibus perfusa es, prophetia fragravit, etiam longe antequam nascereris. Hoc enim senserat propheticis naribus ille, qui dixit : « Et accessi ad prophetam, et concepit, et peperit filium (*Isa. viii.*). » Nunquid ille solus ad te accessit, o prophetissa filialis? Imo prophetæ omnes ad te accesserunt, quia prophetia omnium, et Scripturæ omnes in tuum sensum, cum superveniente in te Spiritu sancto, convenerunt (*Luc. 1.*). Ubi enim totum se indidit Patris Verbum, quomodo abessent Scripturæ, quæ de ipso Verbo fonte suo prodierunt? Taliæ tam bona ubera sunt. Quid deinde? Oleum effusum nomen tuum. Cujus ubera sunt, ejus est nomen, id est, cuius est amor vel spiritus, per quem cocepitur, ejus est Verbum sive Filius qui concipitur. Nam Filius nomen est Patris, præsertim talis Filius, tale Verbum, per quod Deus in cœlo et in terra valde nominatus, valde est inclitus. Nam per Verbum omnia facta sunt quæ fecit Deus. Et quis potest aestimare fortitudinem ejus? Porro nomen hoc tam forte, tam magnum, ecce est oleum effusum. Mira res! quid verbo fortius, et quid oleo suavius? Ergone Verbum a suis est natura immutatum? Non. Sed qualitates creaturarum, cum quibus illi ratio est, hinc pro virtute, illinc vitio diversæ, imo contrarie sunt. Verbi gratia : Diabolus in cœlo per vitium superbus fuit : tu, virgo, per virtutem humilis in terra apparuisti. Pro qualitatibus tam diversis, tamque contrariis, vitium idemque Verbum, illi ut flumen tibiique ut oleum sese exhibuit, juxta illud : « Deus superbis resistit, humilibus autem dat gratiam (*Jacob. iv.*). » Quomodo autem, vel in quo est effusum hoc oleum? Nimirum in eo, quod a Deo processit, et de invisibilibus suis ad nostra visibilia venit, quem adinodum ipse dixit Iudeus : « Si Deus Pater vester esset, diligenter utique me. Ego enim ex Deo processi et veni (*Ioann. viii.*). » Effusum ergo est oleum, id est, nomen tuum, quia processit de secreto substantiæ tuæ, Verbum tuæ fortitudinis cum suavitate miserationis. Et ideo « adolescentulæ dilexerunt te. » Nihil verius. Nisi enim oleum taliter effusum fuisset, nisi verbum tuum taliter processisset, adolescentulæ, id est animæ imperfectæ, non ausæ fuissent diligere te, imo nec ausæ fuissent audire te. Exempli gratia : « Steterunt procul, dicentes Mosi : Loquere tu nobis, et audiemus. Non loquatur nobis Dominus, ne forte moriamur (*Exodus. xx.*). » Et alibi. « Et accessistis ad me, » ait Moses, « atque dixistis: Ecce ostendit nobis Dominus Deus noster majestatem et magnitudinem suam. Vocem ejus audivimus de medio ignis, et probavimus hodie, quod loquente Deo cum homine vixerit homo (*Deuter. v.*), » etc. Adeo tunc timebant adolescentulæ, nondum quippe oleum erat effusum. At nunc, dum illud effundis, sicut tunc promisiisti, dicens Mosi : « Bene omnia sunt locuti, prophetam suscitabo eis de medio fratrum suorum similem tui (*Deuter. xviii.*), » et cætera, dum, inquam, taliter effundis, « ecce adolescentulæ dilexerunt, » id est, certissime diligent te perfecta charitate

(*d. Joan. iv.*) foris mittente timorem, quia consideratio tanti beneficii fiduciam dabit, et credentium mentes excitabit ad vicissitudinem dilectionis. « Trahe me post te, curremus in odore unguentorum tuorum. » Hactenus exclamationem tuam, o dilecta Domini, imitari conabatur in admiratione, quasi grandior modus elocutionis : deinceps sermo noster remissior in demonstratione sit. « Trahe me post te, » inquit. Ubi discessit angelus, « exsurgens autem Maria, » inquit Evangelista, « abiit in montana cum festinatione, in civitatem Juda, et intravit in domum Zachariæ, et salutavit Elizabeth. » Dixerat enim illi angelus : « Et ecce Elizabeth cognata tua, et ipsa concepit filium in senectute sua. Et hic est mensis sextus illi, quæ vocatur sterilis, quia impossibile non erit apud Deum omne verbum (*Luc. i.*). » Habent sancti hoc proprium omnes, qui in veritate sanctum habent charitatis spiritum, ut ita gratulentur de beneficiis, quæ aliis impensa perceperunt, quemadmodum et de illis, quæ a Deo sibi met collata sunt. Tum properant mutuos sibi præbere conspectus, tum dulcia miscere colloquia, certaminque opportuna, importuna impendere invicem devotæ charitatis obsequia. Quid est hoc, nisi trahere et currere in odore unguentorum Domini? Pretiosum erat unguentum, magnum erat beneficium, quod deducrat Dominus sterili conceptum tanti viri, qui in spiritu et virtute Eliæ deberet præire ante Dominum, et quo major non surrexerit inter natos mulierum (*Luc. i.*; *Matth. xi.*). Tanti ac talis unguenti odorem perceperat ; talis ac tanti beneficii famam sive nuntium ab ipso angelo accepérat : et de hoc, sicut de cæteris, quis finis, quæ consummatio futura esset Spiritu sancto docente, magna prophetissa non ignorabat. Trahebatur ergo post Dominum femina desideriorum, trahebatur et currebat in odore unguentorum talium : et ipsum currere, id est, in montana cum festinatione abire, erat dicere « trahe me post te. » Nam qui veraciter diligit, et trahitur, et trahi cupit. Cum igitur traheretur, sive ubi tracta est et eucurrir, quid dixit? « Introduxit me rex in cellaria sua. » Quomodo vel cui hoc dixit? Nimirum per aspirationem Spiritus sancti in mente ejus redundans, in ventre ejus jam operantis, hoc dixit cognatae suæ Elizabeth, et infanti, qui erat in ventre illius sumi mensilius sex. Intravit enim in domum Zachariæ, et salutavit Elizabeth. « Et factum est, ut audivit salutationem Mariæ Elizabeth, exsultavit infans in gudio in utero ejus. Et repleta est Spiritu sancto Elizabeth, et exclamavit voce magna, et dixit: Benedicta tu inter mulieres, et benedictus fructus ventris tui (*Luc. i.*), et cætera. Ergo vere dixit, et mirabiliter dixit, quæ salutando cognatam repente prophetissam efficit, ut confestim sciret illa omnia, quorum ista summa est : « Introduxit me rex in cellaria sua. » Vere pulcherrius et optimus explanationis modus, uti verecundæ pueræ prolocutor sit ipse Deus, ipse Spiritus sanctus, Spiritus propheticus. « Qui non tentatus est, » ait vir sapiens,

A « quid scit? » (*Ezech. xxxiv.*) Vir in multis expertus, cogitabit multa, et qui multa didicū, enarrabit intellectum. Horum idcirco meminerim, quia revera nonnisi qui tentatus est 377 in his que accepit, et a Deo revelata sunt sibi, digne potest perpendere religiosum silentium Virginis, sive custodiam oris ejus, circa secretum Dei. Quis enim ab illo, qui somnia primus vidit et enarravit, quorum utique visio visitatio fuit emissa ab Altissimo, id est a puero Joseph filio Jacob (*Gen. xxvii.*); quis, inquam, usquæ in praesentem diem, ita novit vel potuit observare tempus tacendi, et loquendi, quin aliquando opus habeat increpari, doceri, cavere scandalum invidientium, sicut illum patet increpavit. Ergo quanto quisque amplius tentatus est in ejusmodi, et expertus est invidice malum quid sit, ipse scit, et enarrare potest intellectum hujus rei, quod tu, B. Virgo, vere fidelis fuisti et reverenter magnæ fidei; non solum quia credidisti angelo evangelizanti, verum etiam quia secretum istud custodisti, neque properasti aliquando cuiquam tua admirationem facere felicitatis, ut dices quid secesset tibi Deus, nisi ei cui prior ipse Deus vel Spiritus sanctus revelavit. Hoc non leviter perpendere vult evangelista, cum semel et iterum dicit: « Maria autem conservabat omnia verba haec conferens in corde suo (*Luc. ii.*). » Nunc dicta prosequamur : « Introduxit me rex in cellaria sua. » Hoc ipsa quidem dixit verbis aliis, scilicet verbis Cantici sui, quo anima ejus Dominum magnificavit, sed, sicut iam dictum est, prior eidem, videlicet Elisabeth, Spiritus sanctus, Spiritus propheticus revelavit. Et quæ sunt illa cellaria regis Dei? Nimirum sacra mysteria, quæcunque continentur in Scripturis sanctis. Nam ista cellaria sunt, meliora cellis aromatum et argenti, et auri, et odoramentorum, et unguenti optimi, et omnibus apothecis regiae supellectilis, thesaurorumque universorum, quales habere potuerunt reges terrarum, et ille præcipue temporalis rex Salomon. « In cellaria sua, » inquit, rex non qualiscunque, sed Rex cœli et terræ, « me introduxit. » Nihil enim a me abscondit, sed omni dulcedine sua me inebriavit. Qui enim verbum suum, quod erat, et est in corde suo, mihi totum infudit, quomodo non etiam cum illo mihi omnia donavit? Non enim introductio qualiscunque haec debet intelligi, sed introductio cum jure possidendi, sicut jus est sponsam legitimam cum tabulis matrimonii in dotem suam introduci. Quid ad haec illa Elizabeth, cum istud intus aure cordis percepisset? « Exsultabimus et letabimur in te. » Illoc vere dixit, et cum magno clamore dixit. Ait enim voce magna: « Benedicta tu inter mulieres, et benedictus fructus ventris tui, et unde hoc mihi, ut veniat mater Domini mei ad me? Ecce enim ut facta est vox salutationis tuæ in auribus meis, exsultavit infans in gudio in utero meo. Et beata, quæ credidisti, quoniam perficiuntur ea, quæ tuis dicta sunt a Domino (*Luc. i.*). » Nonne hoc era dicens, « exsultabimus et letabimur in te? Jam enim

incipimus, ego et infans in utero meo exsultare in gaudio, a voce salutationis tuae. Ex hoc et nos, et qui venturi sunt post nos, « exsultabimus et letabimur in te, » et cantabimus, dicentes quia Eva nos fecit plorare, Maria nos fecit exsultare. Nam quod illa tristis abstulit, tu reddis almo germine. Nec « exsultabimus et letabimur in te. » Quoniam dñe? Dicam paulo expressius. « Memores uberum tuorum super vinum recti diligunt te. » Hæc est et erit materia vel causa exsultationis vel lætitiae nostræ in te, memoria uberum tuorum, quis virginis uberibus lactasse illum prædicaberis, qui creavit te. Dicimus enim: « Beatus venter, qui te portavit, Christe, et beata ubera quæ surxisti (*Luc. xi.*). » Et si aliud quid mysticum per ubera recie potest intelligi, attamen causa ista cunctis erit amabilis, quia is, qui angelos sue visionis dulcedine pascit, tua, o felix Virgo, ubera surxit. Hujus rei « memores super vinum, » id est super omne quod in hoc sæculo dulce videtur aut jucundum, « recti diligunt, » id est certissime diligent te. Rectorum illorum primus est et erit infans iste, qui a voce salutationis tuae, qua salutasti me, jam exsultavit in gaudio in utero meo, et letatur in te. Cum caput exsultare et letari in te, et exsultare non desinet, memor uberum tuorum super vinum, id est omne seculum respuens et carnalis voluptatis commercium, virum se Deo dedicans virgineum, proper uberum tuorum lac dulcissimum, quæ videlicet ubera tua de coelo plena lacte virgineo lactaverunt Deum. O quam multi utriusque sexus, proper hoc ita te diligenter et similiter facient. Num parvum est hoc memoriale tuum? Imo inter omnia, quæcumque fecit Deus memorabilia, præcipuum et omnis creaturæ exspectatione est dignum, quod is, qui angelorum cibus est, homo factus ex te propter homines, tuis uberibus lactari dignatus est. Recti ergo, hoc ipso quod recti sunt, quod non invidi, imo benevoli sunt, memores uberum tuorum, diligent te. Quis fructus dilectionis hujus? Quæ merces aut quod premium? Abundantia. Dicit enim Spiritus sanctus in Psalmo: « Rogate quæ ad pacem sunt Hierusalem, et abundantia diligentibus te (*Psal. cxxi.*). » Cujus rei abundantia diligentibus te, o sancta Hierusalem, nisi quis, qui diligitur in te. Tale est bonum tuum, bonus videlicet a Deo datum, ut quisque diligendo facere possit, et faciat esse suum. Diligendo ergo in te, quod mater es Domini, fidelis anima et ipsa mater sit: « Ipse enim meus, inquit, et frater et soror et mater est, quicunque fecerit voluntatem patris mei, qui in coelis est (*Math. xii.*). » Cujus videlicet paterna voluntatis, si summam querimus, credere, sperare, et diligere est. Non ergo parvo pro præmio, habendo fidem recti sumus, habendo spem memores sumus, habendo charitatem te diligimus. Sequitur: « Nigra sum sed formosa, filia Hierusalem, sicut tabernacula Cedar, sicut pellis Salomonis: nolite me considerare, quod fusca sim, quia decoloravit me sol. » Res ipsa exigit ut queramus quounque vel quandiu beata Virgo Maria mansit cum illa Elizabeth

A cognata sua. Utique mensibus tribus, fere usque dum Elizabeth tempus pariendi impleretur. Illo namque mensis sextus erat illi, quæ vocabatur sterilis, quando Maria nuntio bono impleta, exsurgens abiit cum festinatione in domum Zachariæ, et salutavit Elizabeth. « Maria autem mansit, inquit evangelista, cum illa quasi mensibus tribus, et reversa est in domum suam (*Luc. i.*). » Statimque subjungit: « Elizabeth autem impletum est tempus pariendi, et peperit filium (*ibid.*). » Ergo Maria jam non erat illuc, quando Elizabeth peperit filium. Cur, quæso, non intersuit? Cur tanti gaudii, tantæ exsultationis festivitatem non exspectavit. Cur discessum suum non distulit, donec videret infantem, quem vidisse gaudium fuit? Non ignorabat angelum dixisse ad Zachariam: « Et erit gaudium tibi et exsultatio, et multi in nativitate ejus gaudebunt (*ibid.*). » Item: « Et ecce eris taceus, et non poteris loqui usque in diem quo haec flaut, pro eo quod non credidisti verbis meis (*ibid.*). » Cur non exspectavit videre hoc miraculum, scilicet eum qui mutus fuerat, aperto ore ejus et lingua ejus, cum nomine Joannis loquentem et benedicentem Deum? Nonne magis ad eam quam ad quamlibet aliam pertinebat congratulari, et audire verba Cantici de ore prophetantis: « Et tu, puer, propheta Altissimi vocaberis, præbiis enim ante faciem Domini parare vias ejus? » (*Ibid.*) Cur igitur quæ et eatenus non venisse causam babere videretur, usq; saltem illa die veniret, cognata cum vicinis 378 et aliis cognatis illius, et congratularetur, econtra cum jamdudum venisset, idcirco discessit ne interesset gaudentibus et congratulantibus. Causam nesciremus, rem ipsam, id est, discessum ejus non animadverteremus, nisi excitasset intellectum vox ista, per Spiritum sanctum in persona ejus prolatam, « nigra sum sed formosa. »

Quid enim hoc erat? Quid putamus facturos vel dicturos fuisse vicinos et cognatos, qui multi convencrunt, si inter eos inveniretur in utero habens? « Ipse Joseph vir ejus, cui desponsata erat, quoniam invenit eam in utero habentem, cum esset justus, nolebat traducere eam, sed volebat occulte dimittere eam (*Math. 1.*). » Ergo in oculis ejus nigra erat, et est adhuc in oculis sive in sensu illorum, qui, cum sint filii matris suæ, de quibus postmodum dicendum est, pugnant contra eam, contradicendo nobis creditibus et conscientibus, eam de Spiritu sancto fuisse imprægnatam. At illa dicere poterat et veraciter dicit, « nigra sum sed formosa; » — « nigra, » inquam, id est prægnans inventa sum; « sed formosa, » id est salva virginitate de Spiritu sancto imprægnata. Bene actum, optime provisum est, ut ventura postmodum multitudine ad illud nativitatis Joannis gaudium, reverteretur in domum suam, ne prius ab illis deprehenderetur in utero habens, quam ab ipso beato Joseph, qui dignus esset corrigi per angelum dicentem: « Joseph, fili David, noli timere accipere Mariam conjugem tuam: quod autem in ea natum est, de Spiritu sancto est (*ibid.*). » Nec istud sufficiat;

set, nisi etiam priusquam complerentur dies Mariæ ut pareret, locum mutavisset. Poterat namque vicinis et notis fieri occasio loquendi, quod tam cito peperit, vix habens menses sex, ex quo monente angelico, beatus Joseph conjugem suam accepit. Bene igitur et hoc provisum est, quod exiit edictum a Cesare Augusto, ut describeretur universus orbis (*Luc. ii.*), quatenus per hanc occasionem et Scriptura impleretur, quæ Christum de Bethlehem nasciturum prædixerat esse, et Virgo ab omni vicinorum quæstione liberaretur, quomodo tam brevi tempore exacto, ex quo in conjugium accepta fuerat, peperisset. Dicat igitur : « Nigra sum sed formosa, filia Hierusalem. » Secundum opinionem male videntium nigra, secundum fidem recte credentium formosa. Quam nigra, et quam formosa ? Nigra, sicut tabernacula Cedar; formosa, sicut pellis Salomonis. Sicut enim Ismael, ad quem pertinet Cedar, niger, id est ferus homo, jure fuit ejectus cum matre sua, dicente Sara : « Ejice ancillam et filium ejus non enim erit haeres filius ancillæ cum filio liberæ (*Gen. xxi.*) » et e regione omnium fratum suorum in solitudine fixit tabernacula, ita et ego jure ejicienda visa sum, ita ut vir meus Joseph nollet traducere, sed vellet occulite dimittere me. Multum erat miserationis in eo, quod occulite dimittere voluit, cum lex multo asperius censeat de puella ejusmodi (*Deut. lxxii.*), qualis ego, dum prægnans essem, poteram existimari. Ergo « nigra, » ego « sicut tabernacula Cedar. » Quia sicut ille cum matre sua, ita et ego cum eo, quod conceperam, videbar ejicienda, viri mei domo et hereditate indigna. Cedar, ut jam dictum est, pertinet ad Ismael. Quare autem magis hic placuit dicere tabernacula Cedar, quam tabernacula Ismael? Videlicet quia Cedar *tenebrae*, Ismael interpretatur *exauditio Dei*, magisque nomen tenebrarum, quam exauditionis Dei congruit meæ, quæ putabatur, ingenii nigredini. Econtra, sicut pellis Salomonis, id est, exterior cultus et omnis dignitas sapientissimi Regis incomparabiliter splenduit, ita ut nullus ei regum potuerit unquam comparari, ita et virginitatis meæ splendor præ omnibus sanctis et filiis regni Dei est admirabilis, nec ei qui ex me natus est quisquam sanctorum, nec ipse Isaac eidem Cedar longe prælatus et præserendus, potuit unquam vel poterit comparari. Quare autem non dixit, sicut Solomon, sed « sicut pellis Salomonis? » Videlicet, quia quidem formosa pellis Salomonis, sed non ipse Salomon valde formosus fuit. Intus enim quamdam deformitatem habuit, etiam quando fulgebat formositas pellis. « Dixit enim Dominus illi : Quia habuisti apud te hoc, et non custodisti pactum meum et præcepta mea, quæ mandavi tibi, disrumpens scindam regnum tuum (*III Reg. xii.*), » etc. Quidnam est dicere, « habuisti apud te? » nisi ac si diceret, qualem te nunc ostendisti, sequendo deos alienos, talis eras etiam, cum de foris me honorares omni adoratione et pulchri templi ædifici. Igitur melius dicere fuit, « sicut pellis Salomonis » quam sicut Solomon, ita « formosa

sum, » quia non sicut habuit apud se, sed sicut de foris ædificavit templum manufactum, et sicut dixit : « Sapientia ædificavit sibi domum (*Prov. ix.*), ita ex me Deus templum sibi non manufactum, et non manufactam sapientia sibi ædificavit domum. » Nolite, filiae Hierusalem, considerare me, quod fusca sim, id est corrupta, quia quod tuarentem uterum habeo, quod inventa sum in utero habens, non fecit vir, quia virum non cognosco, sed ita « decoloravit me sol. » Verus sol, et sole Deus longe pulchrior semetipso me implevit, de semetipso uterum meum tumentem reddidit. Hoccine est decolorari? Non apud vos, o filiae Hierusalem, quæ habetis oculum simplicem, sed apud superborum cogitationes, quorum nequam est oculus. Non erat nequam oculus Joseph, sed quamdam excusabilem ignorantiae nebulam habens, cito purgatus est, dicente sibi angelo Domini, quod sana cute decolorata essem, quam non flammæ ignis de deorsum, sed desuper « sol decoloravit, quod salva virginitate gravida essem, quam non vir terrenus, sed Pater coelestis de Spiritu sancto gravidam fecit. Non ita cæteri omnes cognitam veritatem sequuntur. Sed quid : « Filii matris meæ pugnaverant contra me, posuerunt me custodem in vineis, vineam meam non custodivi. » — « Filii matris meæ, » Judæi sunt, filii synagogæ [al., synagoga], imo qui se dicunt Judæos esse, et non sunt, sed sunt synagoga Satanæ. Isti « pugnaverunt, » id est certissime pugnabant contra me, considerantes et considerare volentes, quod fusca sim, quod non vere decoloraverit me sol, sed nigra sim nigredine omnimoda, « sicut tabernacula Cedar. » Hinc ab illis passa sum, vel patiar pugnas verborum, pugnas linguarum blasphematiuum. Prædicatum est eis, quod non nigra, imo, et jam dixi, « formosa » sim « sicut pellis Salomonis, » et econtra pugnaverunt repleti zelo, et contradixerunt propugnatoribus meis blasphemantes. Diximus ergo : « Vobis oportebat primum oqui verbum Dei, seo quoniam repellitis illud, et indignos vos judicatis æternæ vitæ, ecce convertimur ad gentes. Sic enim præcepit Iohannes Dominus : « Posui te in lucem gentibus, ut sis in salutem usque ad extremum terræ (*Isa. xlxi.*). » Hoc modo « posuerunt me custodem in vineis, » id est in gentibus, quæ non quidem erant, sed ex mea custodia factæ sunt vineæ Domini. Posuerunt, inquam, id est ut ego ponerer efficerunt per incredibilitatem suam. Non euim ego prior illos, sed ipsi priores me repulerunt et custodia mea sese indignos judicaverunt. Igitur justo iudicio tales matris meæ filios reliqui, et vineam meam non custodivi, gentem meam non adjuvi, non defendi, quin venirent, locumque et gentem tollerent Romani. Putaverunt quod, si me repulissent, errare deberem in solitudine, sicut Cedar vel **379** sicut Agar (*Gen. xvi.*). Verum non ita est. Pro una vinea, quæ debuit esse mea, utpote gens mea, sanguis meus, et caro mea, multas vineas acquisiri, multas Ecclesias in gentibus dilatavi, quæ omnes custodiā meam habent, et habere desiderant, de meritis meis præsumentes, de intercessionibus meis

confidentes, et pro hujusmodi custodia clamantes ad me jugiter : Hæc ad filias Hierusalem elocuta, quales refugit, ut supra iam dictum est, ne consideraretur ab eis, et inveniretur in utero habens, in illa frequentia venientium ad Elizabeth, ut congratularentur ei, mox ad dilectum conversa, dicit : « Indica mihi quem diligit anima mea, ubi pascas, ubi cubes in meridie, ne vagari incipiam per greges sodalium tuorum. » Seusum vocis hujus quærenti, nec dubitanti mihi, quin veraciter congruat tantæ tamque beatæ Virgini, magnum et mirum sese ingeni et aperit sacramentum illius evangelicæ lectio-
nis : « Cum factus esset Jesus annorum duodecim, ascendentibus illis Hierosolymam secundum consuetudinem diei festi, consummatisque omnibus, cum redirent, remansit puer Jesus in Hierusalem, et non cognoverunt parentes ejus, » etc., usque, « et dixit mater ejus ad illum : Fili, quid fecisti nobis sic ? Ecce pater tuus et ego dolentes quærebamus te (Luc. ii). » Quid enim ? Nunquid casu gestum es, ut puer Jesus remaneret in Hierusalem, et parentes ejus illum esse in comitatu existimarent, ut requirent inter cognatos et notos, et non invenirent, regressi in Hierusalem, requirentes, post triduum invenirent, non quomodocunque vel ubicunque, sed in templo sedentem in medio doctorum, audiensem illos, et interrogantem ? Nunquid hoc evangelista tam diligenter scriberet, nisi rem sacramenti plenam esse sciret ? « Sunt et alia multa, » inquit Joannes, « quæ fecit Jesus, quæ si scribantur persingula, nec ipsum arbitror mundum capere eos, qui scribendi sunt, libros (Joun. xxi). » Si solam species tem gestam, quantum est hoc inter alia tam multa, ut illis omissis ab evangelista non deberet omitti ? Igitur et in voce ista, « indica mihi quem diligit anima mea, ubi pascas, ubi cubes in meridie, » et in illa re gesta, qua dixit eadem diligens et dilecta : « Fili, quid fecisti nobis sic ? Ecce pater tuus et ego dolentes quærebamus te, » unum idemque mysterium spectare juvat. Quid enim est comitus de die festo redeuntium, nisi frequens vel ritus ceremoniarum Judaicarum, ceremoniarum carnalium ? Ista namque mandata vita non præcesserunt, sed comitata sunt, et si rite consideres legis ordinem, postquam præcepta bona data sunt, quæ faciens homo viveret in eis, istæ ceremoniae præceptaque non bona, in quibus non viverent, a reatu vituli sumperunt initium (Lerit. xviii; Ezech. xx; Exod. xxi), et hoc erat jugum gravissimum, quod « neque nos, » ait Petrus apostolus, « neque patres nostri portare potuimus (Act. xv). » Super his magna conquisitio futura erat, et facta est, sicut in Actibus apostolorum legimus : « Et quidam descendentes de Iudea, docebant fratres, quia, nisi circumcidamini, non potestis salvi fieri, et quia oportet precipere, servari legem Moysi (ibid.). » Hoc et parentes Jesu existimare, Jesum esse in comitu. Sed non erat ibi Jesus. Imo erat et esse illum aportabat, in medio doctorum, audire et interrogare

A verba vitae. Illic per Hieremiam prophetiam fuerat prædictum : « Quia non sum locutus cum patribus vestris, et non præcepsti eis in die, qua eduxi eos de terra Ægypti, de verbo holocaustatum et victimarum, sed hoc verbum præcepsti eis, dicens : Auditæ vocem meam et ero vobis Deus, et vos eritis mihi populus, et ambulate in omni via, quam mandavi vobis (Jer. vii), » subauditur, in monte Oreb ante reatum vituli, ubi justifications et præcepta vitae dedi, scripta in tabulis digito Dei (Exod. xx). Ilerum discernendorum utique magistram te esse oportebat, o B. Maria, et magistra magistrorum, id est, apostolorum, juxta illud : « Fons hortorum, puteus aquarum viventium, quæ fluunt impetu de Libano (Cant. iv). » An quia Spiritus sanctus illos docuit, idcirco tua vox magisterio non illis opus fuit ? Imo vox tua vox illis fuit Spiritus sancti, quidquid supplementi opus erat eisdem mortaliibus vel testimonii, ad confirmandos singulorum sensus, quos acceperant ab eodem Spiritu, dividente singulis, prout vult (I Cor. xii), ex religioso ore tuo percepserunt, instructo ad loquendum, bene composto ad tacendum, prout tempus erat opportunum. An quia loco supra memorato de Actibus apostolorum, ubi facta seditione propter cærenonias Judaicas convenerunt apostoli et seniores videre de hoc verbo, nullam tui mentionem Scriptura fecit, idcirco putandum est quod conventus ille te omiserit, et sanctum de tuo pectore, de tuo ore Spiritum non consuluerit ? (Act. xv.) Imo et illic et in cæteris agendis tu princeps, omnem solvisti quæstionem : ita tamen, ut non clamares, neque contenderes, neque audiretur vox tua foris (Isa. xlii) : quia, sicut ante nos dictum est, tu sola es Virgo, quæ universam hæreticam pravitatem interemisti. Dixeris ergo : « Indica mihi quem diligit anima mea, ubi pascas, ubi cubes in meridie, ne vagari incipiam per greges sodalium tuorum. » Indicari tibi flagitas, ut aliis indicare scires. Sed dico : Nunquid nesciebas ? Nunquid quod prophetæ sciverunt, tu ignorabas ? Utique nescires, nisi desuper indicatum tibi suisset. Et Deus tuus, filius tuus præsciebat, quod resurrectus esset a mortuis, et tamen in persona ejus Psalmistadicit : « Tu autem, Domine, miserere mei, et resuscita me, et retribuam eis (Psal. xi). » Dicat aliquis : Quid ergo est, quod in supradicto loco Evangelii, dum ista significarentur, dixit : « Fili, quid fecisti nobis sic, ecce ego et pater tuus dolentes quærebamus te, » etc., usque, « et ipsi nihil horum intellexerunt ? » Ad hæc inquam : Et quid illud est, quod evangelista continuo intulit : « Mater ejus conservabat omnia verba hæc conserens in corde suo ? » Igitur ecce duo quasi repugnancia. Si enim non nesciebat, quomodo quærens dolebat, dolens quærebat ? Si autem nesciebat, quomodo vel de quibus in corde suo conferebat ? Ergo neque a dextris, neque a sinistris sermo fit, quia veraciter magna hæc prophetissa, quid ageretur, non ignorabat, quoniam gratia plena erat, et tamen dolens

quærebatur, quoniam dispersione divinæ ipsa suo silentio serviens, quamvis cum illis quærerentibus quæreret, tempus tacendi custodiebat, et dolentibus condolebat. Quomodo autem dicenti, « indica mihi, » responsum est ex persona dilecti? Nam et percunctatio, et causa percunctationis melius cum responsione explanari poterit. « Si ignoras te, o pulchra inter mulieres, regredere et abi post vestigia gregum, et pasce hædos tuos juxta tabernacula pastorum. » O pulcherrima mulierum, o benedicta inter mulieres, cujus pulchritudo benedictio est, cujus pulchritudo ipse benedictus fructus ventris tui est, talis ac tanta causa tua est, ut si teipsam non ignores, statim scias illud quod quæris, dicens: « Indica mihi, ubi pascas, ubi cubes in meridie, » nec verendum tibi sit, « ne vagari » incipias « per greges sodalium meorum, id est, per conventicula, quæ sunt circa cathedras sive doctrinas Scribarum et Phariseorum, qui sese mihi sodales sive pares faciunt, qui in cæremoniis suis justificari volunt, qui suam quærentes statuerent justitiam, « justitiae Dei; quæ Christus est, » subjecti non sunt (*Rom. x.*). Quid enim? Unde pulchritudinem istam acquisisti, ut sis pulcherrima mulierum? Ex fide et humilitate, an ex operibus **380** legis? Nonne ex fide et humilitate? Nam et beata quæ credidit, ait illa prophetissa, illa cognata tua Elizabeth, repleta gaudio et exultans in Spiritu sancto cum infante in utero suo: « Beata, » inquit, « quæ credidit, « quoniam persicentur ea, quæ dicta sunt » ei « a Domino (*Luc. 1.*). » Non dixit, beata, quæ inventa est in operibus legis. Ecce beatitudo ex fide. Tu quoque statim cecinisti: « Quia respexit humilitatem ancillæ suæ, ecce enim ex hoc beatam me dicent omnes generationes. » Et ecce beatitudo ex humilitate. Ergo ex fide et humilitate, imo fides et humilitas tota pulchritudo tua est, et hic est locus requietionis meæ. Locus, in quo dilectus tuus pascendo et cubando delicietur in meridie, id est in hoc tempore plenæ gratiæ, quando figura jam præterita, res illexit, umbra depulsa, sol veritatis ascendit.

« Si hoc « ignoras, » consequens est quod dixi, « egredere et abi post vestigia gregum, » videlicet eorum, qui in lege vel in carne justificari volunt. « Et pasce hædos tuos juxta tabernacula pastorum, » id est, carnales habe alumnos secundum imitationem supradictorum sodalium meorum, quorum omnium cuncti greges, non oves, sed hædi sunt, utpote a peccato suo non justificati, imo in peccato suo morituri. Cui posthac licebit in carne gloriari? (*Joan. viii.*) Ecce illi, quæ de carne sua Verbum carnem factum peperit, si ignorat se, subauditur, unde Altissimo placuerit, dicitur: « Egredere et abi. » Et in Evangelio, cum extollens vocem quædam mulier de turba, dixisset: « Beatus venter, qui te portavit, et ubera quæ suxisti, » quid responsum est ei? « Quinimo beati qui audiunt Verbum Dei, et custodiunt illud (*Luc. xi.*). » Haec enim causa principalis est effectiva beatitudinis et sine hac beata

A non potuisset esse veldici. Attamen perseveranter et irrefragabiliter dicimus: « Beatus venter qui te portavit, et ubera quæ suxisti, » et bene dicimus, scientes quia hospitium ventris sui, quod Creatori suo præbuit, et alimoniam lactis sui, quod ori ejus ministravit, fide pretiosa et humilitate grata communivit atque perornavit, complevit et custodivit nullam habens unquam ignorantiam sui. Sequitur: « Equitatu meo in curribus Pharaonis assimilavi te, amica mea. » Hoc est quod nolo ignorare, et quod si rite perpendis, o amica mea, non ignoras te. Quisnam fuit ille meus equitatus in curribus Pharaonis? vel quomodo in curribus Pharaonis? Magnum et mirum spectaculum resplienti, inde currus Pharaonis, hinc equitatum meum. Currus namque Pharaonis valde multi, ferro armati, plerique etiam auro vel argento insigniti fuerunt; equitatus autem meus, virga una fuit, virga Moysi et Aaron (*Exod. vii.*). Virga illa contra sublimes currus Pharaonis taliter equitavit, hoc modo militavit. Primo, versa in colubrum devoravit virgas magorum, deinde percutiens aquas fluminis vertit in sanguinem, deinde extensa super fluvios et super rivos ac paludes eduxit ranas super terram Ægypti, deinde de percussit pulverem terræ, et facti sunt scinipes in hominibus et in jumentis, denique implevit domos Ægyptiorum muscis diversi generis, deinde fecit, ut morerentur omnia animantia Ægyptiorum, et deinde facta sunt vulnera vesicarum turgentium, deinde extensa in cœlum fecit tonitrua et grandinem mixtum igni, ac discurrentia fulgura super terram Ægypti; deinde extensa super terram ascendere fecit locustam, et devoravit omnem herbam, qua residua fuit grandini; deinde extensa in cœlum, fecit ut essent tenebrae horribiles in universa terra Ægypti; novissime elevata super mare, vertit illud in siccum, et divisit aquam, et transierunt filii Israel per medium maris, iterumque reducta super mare, operuit aquis currus, et equites cuncti exercitus Pharaonis (*Exod. xiv.*). Recte ergo virga talis dicitur equitatus Domini, quæ contra tot currus et equites Pharaonis sola sufficit, et victoriam peregit. Quomodo vel in quo tali equitatu meo « amica mea assimilavi te? » Videlicet in eo, quod posita coram Domino virga illa in tabernaculo testimonii, sequenti die inventa est germinasse, et turgentibus gemmis eruperant flores, qui foliis dilatatis, in amygdala deformati sunt. Erant enim quidam similes istorum sodalium meorum, pro sacerdotio contendentes, et concilia sua trahentes adversus Moysen et Aaron, sicut isti sodales mei, sacerdotium sibi vindicant, in carnibus taurorum et sanguine birorum, adversus sacerdotium meum, sacerdotium æternum, secundum ordinem Melchisedech juramento firmatum (*Hebr. ix.; Psal. cix.*). Dixi ergo: « Refer virginam Aaron in tabernaculum testimonii, ut servetur ibi in signum rebellium filiorum Israel, et quiescant quarelæ eorum a me, ne moriantur (*Num. xvii.*). » Illi signo, illi « equitatu meo as-

ritavite amica mea. » Sicut enim virga illa virgas A maleficorum et incantatorum devoravit, et omnem superbiam Ægyptiacam obrivit, ac deinde germinavit, fronduit, floruit et fructum protulit, non plantata, non succo terræ animata, sed virtute coelesti supra usum naturæ proiecta, sic tu pulcherrima mulierum, amica mea, cunctam pravitatem hereticam interemisti, superbiam diaboli dejecisti, conceptu florida, partu fructifera, virgo in conceptu, incorrupta in partu, virgo ante partum, incorrupta post partum. Nonne igitur pulcherrima es mulierum? Vere pulcherrima. « Pulchræ sunt genæ tuæ sicut turturis, collum tuum sicut monilia. » Pulchritudo tua pudicitia est, quæ multum appetet et spectabiliter lucet in genis tuis, quia non foris vagaris oculis, sed sicut solivaga et avis castissima turtur, solitudine delectabar, et solitariam te angelus invenit atque salutavit. Non ita pulchræ sunt genæ mulieris, qualem sapientia denotat: Ornata, inquiens, meretricio preparata ad capiendas animas, garrula et vaga, quietis impatiens, nec valens in domo consistere pedibus suis. Verum ut taceam de ejusmodi, pudicarum omnium virginum, viduarum atque continentium pudor sive pudicitia, religiositas aut verecundia, tuis genis, tuis oculis comparata, non est verecundia, non est pudor, non est, aut vix meretur dici pudicitia. Adde quod « collum tuum » sic est « sicut monilia. » Sicut enim monilia muniunt matronarum pectora pudica, unde et dicuntur monilia, eo quod pectus munit, ne quis extraneus, id est impudicus, manum suam injiciat, ita et collum tuum munit verba tua, non solum ne quid otiosum aut noxiun sive inordinatum per vocem erumpat, verum etiam ne ipsum bonum tuum, secretum tuum, divinum mysterium tibi creditum, leviter viam vel vocem inveniat, ut auris aliena, sive filia aliqua, quamvis videatur esse filia Hierusalem, quæ sole custodire nesciret hujusmodi margaritas, sicut custodiri oporteret propter porcos, maximeque propter Herodem et ejus complices, intelligat (Matth. vii). Vere igitur pulcherrima mulierum, pulcherrima in genis, pulcherrima in collo, id est tam oculorum, quam verbo: um tuorum moderamine decentissimo. Quid ad hæc dicunt amici vel familiares tui, quales primi fuerunt apostoli? « Murenulas aureas faciemus tibi, vermiculatas argento. » Murenula quoddam coll' ornamentum, vulgo sic vocatum, idcirco quod scilicet auri metallo in virgulas lentescente, quædam ordinis flexuosi catena contexitur, in similitudinem murenae serpentis. Hæc et interdum auri atque argenti texitur virgulis. Unde huc dicitur, murenulas 381 aureas, vermiculatas argento faciemus tibi. Aurum et argentum idem significant hic, quod in psalmo enim dicit: « Pennæ columbæ deargentatae, et posteriora dorsi ejus in pallore auri (Psal. lxvii). » Aurum in dorso, vel in posterioribus columbæ, interior est sensus sacræ Scripturæ, argentum vero sermo exterior, cuius nitoris nullo modo comparari

A possunt lepores sive exornationes eloquentiae mundanæ, quantumlibet exquisitæ fuerint sive accurate. Ergo per murenulas aureas argento vermiculatas, recte intelligimus sermocinationes sanctorum; sensibus aureas, eloctionis niore argenteas sive luculentas. Est igitur sensus: O Virgo virginum, quomodo factum est istud? Quia nec primam similem visa es nec habere sequentem. Laxa vocis iter, et collum tuum silentio communum pande interdum, et taliis auribus amicorum fidelium, vel breviter eloquendo committit secretum, ut dicas nobis, quomodo vel per quid Altissimo complacueris, qualis ille tibi fuerit, primum in corde sive in utero, deinde in convictu sive in colloquio, dum lactares uberibus, dum gestares eum ulnis trementibus. Sumus enim fidi artifices, argentarii fideles, et ad laudem illius, qui tibi hæc magna fecit, faciemus murenulas veritatis, ornamenta benedictionis et gratiarum actionis, benedicendo et gratias agendo, quia sic fecit tibi, ita ut non sit locus, ubi vox laudis hujus non audiatur, vox sonora, laus altisona, quæ tuum nomen concelebrans, jugiter te ambiat, et quodammodo de collo tuo dependeat. « Dum esset rex in accubitu suo, nardus mea dedit odorem suum. Fasciculus myrræ dilectus meus mihi, inter ubera mea commorabitur. Botrus Cypri dilectus meus mihi in vineis Engadi. » Hoc dico vobis, o amici, et hoc aurum verum est. Si habetis argentum, facite, ut dixistis, murenulas mihi, imo non mihi, sed Domino, memores illius dicti Sapientis: « Glorificant Dominum quantumcunque potueritis, supervalebit adhuc, et admirabilis magnificentia ejus. Benedicentes Dominum, et exaltate illum, quantum potestis, major est enim omni laude. Exaltantes eum replemini virtute, ne laboreatis, non enim pervenietis (Eccl. xlvi). » Quid enim? Cum esset in sinu vel in corde Patris, de illis altissimis suis respexit humilitatem meam. Hoc est quod dico: « Dum esset rex in accubitu suo, nardus mea dedit odorem suum. » Quid enim est, vel erat accubitus regis, nisi cor vel sinus Patris? Illi supradicti pastores vel sodales ejus qui sese pares ei faciunt, et greges non ovium, sed hædorum post se trabunt, dixerunt, quod ante me rex iste non fucrit, quod ex me initium sumpserit, quod homo tantum, et supra hominem nihil in eo sit. At ipse priusquam ego essem, imo et « antequam Abraham fieret, » est et erat (Joan. viii), et in illo accubitu suo erat. Nam « in principio erat Verbum, et Verbum erat apud Deum (Joan. i). » Dum ita esset, « nardus mea dedit odorem suum, » et hoc odore delectatus descendit in uicerum meum. Olim in Eva malo superbie fetore offensus, et ob hoc ab humano genere aversus fuerat, nunc autem delectatus bono odore, nardo humilitatis meæ, sic ad genus humanum conversus est. Propterea nardum meam dico humilitatem meam, quia sicut nardus herba aromatica, parvo quidem frutice vel parva spica, nequaquam in altum se subrigit, sed comosa atque

odoratissima, flore optimi odoris atque radicula suavi, multis usibus probatur utilis, sic humilitas mea, suo quidem arbitrio vel judicio parva res est, nimumque exilis, sed judicio regis pretiosior est cunctis operibus legis, in quibus homines justi sibi videntur atque magnifici, ipsumque regem et Patrem ejus Deum, sanctum quoque Spiritum unice delectat, velut suavis odor, qualis quantusque de nullo unquam usque ad ipsum spiravit, vel spirare potuit sacrificio. O amici, hoc ego experta sum. Humilitatem meam de illo accubitu suo sensit et respexit, et valde delectatus est, et placuit sibi, quod in isto sexu tantam humilitatem invenit: in isto, inquam, sexu, a quo initium superbiae generi humano superveniens, totam massam corrupit. Prius in virili quam in isto sexu fidam humilitatem invenit, et inter ceteros in ista gratia duo viri valde nominati sunt, scilicet Abraham et David, qui et ex verbis suis cognosci possunt, quam humiles fuerint in oculis suis. Abraham quippe, cum tantus esset ut cum eo Deus loqueretur, et amicus illi habebatur, non tamen oblitus sui: « Loquar, inquit, ad Dominum meum, cum sim pulvis et cinis (Gen. xviii). » David quoque cum esset unctus rex, et Saul persequeretur eum: « Quem persequeris, ait, rex Israel, quem persequeris? Canem mortuum et pulicem unum (I Reg. xxiv). » Propterea non solum non confunditur Deus, verum etiam istis duobus jurare Deum altissimum non piguit facturum se hoc mysterium, o amici, quod in me cernitis. In isto sexu tandem gratiam eamdem, et fortassis abundantiorem invenit. Nolite incumbere mihi, ut explicem quantam in me humilitatem mitis et humiliis corde invenerit (Matth. xi). Non possum eloqui, non possum verbis consequi: res ista non est effabilis. Quid vel quale sit hoc bonum, nemo scit, nisi qui accipit, et cum acceperit, nulli, nisi Deo, potest effari, qui ut videt, sic intelligit. Hoc tantum dixerim quia requies est mentis, et qui hanc invenit, sine dubio requiem animae suae invenit. Ego « in omnibus requiem » istam « quæsivi (Ecclesi. xxiv), » et vidit rex respiciens ubi nardi bujus ex me odorem sensit. Vidit, inquam, quod requiescere posset hic in suavitate animæ quietæ, id est humiliis, descenditque de illo accubitu suo, et requievit in tabernaculo meo. Hic requievit, hic habitavit totis novem mensibus, et cuius erat Dominus, ejusdem ancillæ suæ factus est filius. Vultis audire, amici, qualis exinde fuerit iste dilectus meus mihi, et ego illi? Ecce dico vobis: « Fasciculus myrræ dilectus meus mihi, inter ubera mea commorabitur. » Conserte istud illi dicto unius ex vobis, unius ex amicis, justi Simeonis: « Ecce, inquit, hic positus est in ruinam et in resurrectionem multorum in Israel, et in signum cui contradicetur, et tuam ipsius animam pertransibit gladius (Luc. ii). » Dico adhuc: « Botrus Cypri dilectus meus mihi in vineis Engadi. » Si haec scitis, si ista rite perpendatis, profecto in me invenietis, et unde mecum com-

A pungamini, et unde mecum dulciter consolemini. Nolite solam attendere horam vel diem illam, in qua vidi tales dilectum ab impiis comprehensum male tractari, scilicet illudi, spinis conorari, flagellari, crucifigi, felle et acetō potari, lanceari, mori et sepeliri. Nam tunc quidem gladius animam meam pertransivit, sed, antequam sic pertransiret, longum per me transitum fecit. Prophetissa namque eram, et ex quo mater ejus facta sum, scivi eum ista passurum. Cum igitur carne mea taliter progenitum, talem filium sinu meo soverem, uinis gestarem, uberibus lactarem, et talem ejus futuram mortem semper pre oculis haberem, et prophetica, imo plus quam prophetica mente præviderem, qualem, quantum, quam prolixam me putatis materni doloris pertulisse passionem? Hoc est quod dico: « Fasciculus myrræ dilectus meus mihi, inter ubera mea commorabitur. » O commoratio, duleus quidem, sed plena gemitibus inenarrabilibus! Ad ubera deforis stringebatur, et eisdem lactabatur uberibus, simulque inter ubera intus in corde futurorum præscio, semper parebat quali esset morte moriturus. Verumtamen et illud sciebam quod esset resurrecturus. Hujus rei præscientia dulcis erat. Igitur dilectus meus 382 mihi et fasciculus myrræ, qui moriturus, et « botrus Cypri » erat, quia resurrecturus, et ultra non moriturus. « Botrus, » inquam, « Cypri, » videlicet terræ vel insulæ, botros perules, vinumque optimum afferentis, quia non qualemque, sed optimum est vinum resurrectionis, et hoc « in vineis Engadi, » id est fontis hædi, hoc enim interpretatur Engadi. Cur ergo ita dixerim? Idcirco nimirum, quia meus iste dilectus non justos, sed peccatores vocare venit (Luc. v), ut resurgent in resurrectione prima (Apoc. xx), qui fuerant per peccatum mortui, et hoc in fonte hædi, in fonte baptismi, in layacro regenerationis, quo regenerati fiunt oves qui fuerant hædi, fiunt sancti qui fuerant peccatis obnoxii. Ad hujusmodi fontem venientes, jam non vineæ sunt, sed vineæ fiunt, ab alio translati, in alio plantati. Unde et quilibet eorum dicit: « Si enim complantati facti sumus similitudini mortis ejus, simul et resurrectionis erimus (Rom. vi). » In istis plantationibus, in istis vineis appareat iste botrus Cypri, sapit dulcedo resurrectionis istius dilecti mei. Desideratis scire, qualis interea mihi in colloquio fuerit? Talis utique, qualis ex verbis istis debet intelligi. « Et tu pulchra es, amica mea, ecce tu pulchra, oculi tui columbarum. » Quid enim erat illum hæc et cetera hujusmodi dicere ad me, meque illi sic et sic respondere, nisi me atque illum de Scripturis, quæ de me et illo erant, quam familiariter tractare? Nam hoc ipsum, « ecce pulchra es, nonne de illis Scripturis est? » Ecce, » inquit Isaías, « virgo concipiet et pariet filium (Isa. xi). » Item: « Egredietur virga de radice Jesse, et flos de radice ejus ascendet, et requiescat super eum Spiritus Domini, spiritus sapientiæ et intellectus, spiritus consilii et fortitudinis, spiritus scientiæ et pietatis, et

replebit eum spiritus timoris Domini (*Isa. viii.*). » Loc ergo dicebat : Ecce, o amica mea, completum est in te quod ille prænuntiabat. Quando enim nata es de domo David, tunc egressa est virga de radice Jesse, quando, inquam, nata es, quæ tanto humilior es hominibus bujus sæculi, quanto virgula quævis minor et gracilior est grandibus cedris et quercubus magnis, de quibus idem propheta dicturus : « Et egredietur virga, » præmiserat : « Et excelsi statura succidentur, et sublimes humiliabuntur, et subverteretur condensa saltus ferro, et Libanus cum excelsis cadet. Quando autem ego ex te natus sum, tunc de virga flos ascendit, super quem requiescat septiformis Spiritus Domini. » Ecce, » ergo « tu pulchra es; » et iterum dico, « ecce tu pulchra es, » pulchra decore virgineo, pulchra unigenito filio. Taliter geminata, nullius unquam fuit, nullius unquam erit pulchritudo. Adhuc addo istud pulcherimum, « oculi tui columbarum. » Quinam sunt « oculi columbarum, » nisi dona septem gratiarum, id est septem spirituum super me requiescentium ? Septem namque oculi, qui juxta Zachariam prophetam in uno lapide sunt, septem sunt spiritus Dei, qui juxta jam dictum Isaiam prophetam, super florem requiescent. Isti oculi mei, sunt oculi tui, « oculi columbarum, » oculi omnium gratiarum. Omnia quippe gratiarum vel spirituum tu effecta es particeps, ex quo me castis visceribus suscepisti, super quem requiescet, in quo « habitat omnis plenitudo divinitatis corporaliter (*Col. ii.*). » Hoc eo dicente mihi, quid ego illi ? « Ecce tu pulchra es, dilecte mi, et decorus, lectulus noster floridus, ligna domorum nostrarum cedrina, laquearia cypressina. » Haec ego illi. Considerate diligenter, o amici, qualis sit ista ordinatio bujus Scripturæ, Scripturæ cantabilis, in qua secretum nostrum, secretum dilecti et dilectorum contemplari desideratis. Et hic et in cæteris, quæ sequuntur, non ego dilecto et ille mihi, sed « dilectus meus mihi, » et ego illi, nisi quod semel audistis, ego dilecto in eo, et ad me cōversio ejus. Fere in omnibus dilectam honore preuenit dilectus, utpote natrem filius. Ille mihi : « Ecce tu pulchra es, amica, ecce tu pulchra, » et ego illi : « Ecce tu pulchra es et decorus, dilecte mi. » Ille mihi : « Sicut lilium inter spinas, sic amica mea inter filias; » et ego illi : « Sicut malus inter ligna silvarum, sic dilectus meus inter filios. » Quid de hoc censem ? Nonne ille cum Deus et homo sit, debuerat ab homine modis omnibus honore præveniri ? At ille in hac disciplina totum principatum possidebat. Hinc Apostolus ad Philippenses cum dixisset : « Nihil per contentionem, neque per inanem gloriam, sed in humilitate superiores sibi invicem arbitrantes, non quæ sua sunt singuli considerantes, sed ea quæ aliorum, » protinus ait : « Hoc sentite in vobis quod et in Christo Jesu, qui cum esset in forma Dei (*Phil. ii.*), » etc. Ille namque sicut in cæteris, ita in consideratione mei, semetipsum humiliavit, quodammodo non considerans quod ipse esset Deus, sed

A considerans quod essem ego mater, et ipse filius, superiorem sibi arbitrabatur quemadmodum et evangelista vult intelligi, cum dicit : « Et descendit cum illis, et erat subditus illis (*Luc. ii.*). » Itaque cum dilectus meus mihi : « Ecce tu pulchra es, amica mea, ecce tu pulchra, oculi tui columbarum; » et ego illi : « Ecce tu pulcher es, dilecte mi et decorus, » scitote, amici, quia verba ista non a summis labris veniunt, sed rationis et veritatis istæ voces habent fundâmentum. Ille namque veraciter in me veneratur, quod sua mater et virgo. Ego in illo adoro quod sit Deus et homo. Dico ergo : « Ecce tu pulcher es, dilecte mi » et « decorus. » Dicis mihi : « Ecce tu pulchra es, » et ego dico tibi : « Ecce tu pulcher es. » Ex quo ego pulchra facta sum, ex eo tu qui semper pulcher fuisti, pulchrior factus es. Nam vere in eo pulchritudinem tuam adauxisti, quod cum Deus es, homo dignatus es fieri. Hinc tu pulcher et decorus, ita pulcher ut sis ipsa substantia pulchritudinis, ita decorus, ut sis ipsum decus humani generis. Vere ergo dicis mihi : « Ecce tu pulchra es, » et dico tibi : « Ecce tu pulcher es, » quia tu pulchritudo mea es. Quod ergo pulchra sum, totum tibi attribuendum est. Neque enim virga floris, sed flos virgæ pulchritudo est. Igitur nonnisi opinione falsorum atque fallentium « nigra sum, » ego « sicut tabernacula Cedar. » Nam econtra pulchra ego sum, et pulcher es tu, et « lectulus noster floridus. » Lectus, inquam, id est uterus meus, in quo tu quievisti totis novem mensibus, et salvo virginitatis meæ sigillo, egressus es flos pulcherrimus, nec jam in desertum ejiciemur, « sicut tabernacula Cedar, » imo in civitate nostra domos habebimus, et habebimus divitias multas et præclaras, scilicet Ecclesiæ. Nam talium domorum nostrarum ligna cedrina, et laquearia sunt cypressina. Nam sicut cedrus imputribile lignum atque odoriferum, et cypressus lignum cedro pene proximum, virtutis eximiae sunt, templorum quoque trabibus apta, impenetrabili soliditate nunquam oneri cedunt, sed ea, quæ in principio fuerint, firmitate perseverant, ita domestici nostri apostoli atque apostolici viri, doctores Ecclesiæ atque prælati, perpetuæ virtutis atque firmitudinis indeficientes erunt, et domus quoque manufactæ nostræ stabunt, quandiu durabit sæculum, titulum babentes. Locus terribilis, aula Dei, porta cœli. Hic fructus, et adhuc locupletior, te florē decidenter sequetur. Quid ad hæc dilectus ?

CAP. II. — « Ego flos campi et lily convallium. » Ut tu dicis, o amica mea, pulcher ego sum et decorus, nam ego « flos campi et lily convallium, » id est decus generis humani, et honor parecum humilium, patrum spiritu pauperum, scilicet Abrabæ, Isaac **383** et Jacob, David quoque et cæterorum; qui etsi meritis montes, mente convalles fuerunt, etsi divites censu, pauperes spiritu extiterunt. Illorum ergo decus vel pulchritudo sum, vere flos, vere lily, quia « speciosus forma præ filiis hominum (*Psal. xxiv.*), » quam videlicet formam taliter, ut ego, nullus

habet filiorum hominum. *Lilium* quippe lacte flo-
ris est herba, cuius dum candor sit in foliis, auri
tamen species intus effulget. Ita « *flos campi* » sive
« *lilium* » ego sum, *flos lacteus*, id est, puer mun-
dissimus. *Flos*, inquam, et castitatis *lilium*, cuius
dum caro sive humanitas exterius satis munda sit,
Divinitatis tamen species intus incomparabilis est.
Quid aliud dilectus diceret? Nunquid, me dicente,
« tu pulcher es, dilecte mi, et decorus, » ipse aver-
saretur, et ita deberet esse humili et mitis corde,
ut veritatem suimet conaretur abigere? Hoc impos-
sibile est. Imo si nos negaverimus eum, ait quidam
vestrum scilicet amicorum, ille fidelis permanet, se
negare ipsum non potest. Et illuc ubi antequam
homo fieret, dixit: « Videte quod ego sim solus, et
non sit alius Deus praeter me (*Deut. xxxii*), » et hic
ubi homo factus dixit: « Ego *flos campi* et *lilium*
convallium, » et ubicunque sive inimicis *Judeis*,
sive vobis, o amici apostoli ejus vel discipuli, quip-
piam locutus est juxta hunc sensum, profecto pium
est, considerare hoc ipsum, quia ille fidelis perma-
net, negare seipsum non potest, præsertim causa
poscente tam magna, causa salutis hominum, prop-
ter quos venerat, quos in eum credere oportebat, ut
diceret ipse quis esset aut unde venisset. Est autem
testis fidelis non soli sibimetipsi, verum etiam et
aliis, ut testificetur et dicat de singulis, cuius sint
meriti vel nominis. Ait ergo et mihi, quoniam et supra
semel et iterum pulchram esse declamavit: « Sicut
lilium inter spinas, sic amica mea inter filias. » Hoc
restabat quoniam ille mihi dixerat, « ecce tu pulchra
es, amica mea, ecce tu pulchra, » et ego illi, « ecce tu
pulcher es, dilecte mi, et decorus. » Hoc, inquam,
restabat dicere, quod revera pulcher ipse, et quod
ego ad similitudinem ejus pulchra sim. Cum ergo
dixisset, « ego *flos campi* et *lilium convallium*, » pro-
tinus et mihi fidele perhibens testimonium, « sicut
lilium inter spinas, sic amica mea inter filias: » Ubi
jam, quando *lilium* istud, « *lilium convallium* inter
spinis? » Nimirum in *Judæa*, quando toleravit tot
et tantas impiorum blasphemias, sustinuit probra,
alapas, flagella, coronatus insuper corona spinea.
Sic quondam pater Abraham levans oculos, vidit
post tergum arietem inter vepres, haerentem corni-
bus, quem assumens obtulit holocaustum pro filio
(*Genes. xxii*). Artes ille, animal innocuum, præfigu-
ratabat istud innoxii candoris *lilium*; vepres illæ,
blasphemias et maledicta *Judæorum*, post tergum
Abrahæ, quia nondum venerat, sed venturus erat
iste « *flos campi*, » sive istud « *lilium convallium*, »
sud tempore. Igitur illuc inter detractiones sive ac-
cusationes *Judaicas* « *lilium* inter spinas, sic et
amica mea, » inquit, inter filias. » Filias, inquam,
non *Jerusalem*, sed absolute filias, id est, haereses
vanas et vagas. Filiae namque, cum absolute dicun-
tur, sere nusquam significationem bonam habent, ut
illuc: « Filiae discurrerunt super murum, sed ex-
asperaverunt eum, et jurgatae sunt, inviderunt illi ha-
bentes jacula (*Genes. xl ix*). » Et alibi: « Multæ filiae

A congregaverunt divitias, tu supergressa es univer-
sas (*Prov. ult.*). Itaque et spinæ et filiae, blasphemie
sunt *Judæorum*, sectæ sunt haeticorum. Quacun-
que hujusmodi spinæ laceraverunt me, ipsæ et ami-
cam meam laceraverunt, quæcumque hujusmodi
filiae tibi inviderunt, et mihi detraxerunt. Ubi ego
spinis compungebar, imo et clavis configebar, tu
præsens patiebar mente convulnerata, et ubi tua
virginitati a filiabus derogatur, mihi quoque invi-
diose detrabitur. Verum sicut ego spinas pertuli
quidem, sed exsuperavi, ita et de te veraciter præ-
dicabitur, quia cunctas haereses interemisti. Ad hæc
inquam: « Sicut malus inter ligna sylvorum, sic
dilectus meus inter filios. » *Malus* lignum fructiferum,
ligna sylvorum sine fructu sunt. Sic dilectus
meus boni operis facit fructum, filii vero otiosi et
inutiles sunt (*Matth. xxiii*). Dicunt enim, et non
faciunt. Solummodo in hoc importune gloriantur,
quia filii sunt. « Semen Abrahæ, » aiunt, « sumus,
pater noster Abraham est, unum patrem habemus
Deum (*Joan. viii*). » Isti sunt filii et quasi sodales
dilecti mei. Itaque suo quidem arbitrio filii sunt Dei,
filii Abrahæ; sed revera « ligna sylvorum, » imo ex
patre diabolo sunt, et tanquam « ligna sylvorum, » quia
non solum non faciunt fructum bonum, verum etiam
fructum faciunt malum, suntque cubilia leonum,
habitacula draconum, omniumque latibula serarum,
id est, spirituum malignorum, profecto excidentur
et in ignem mittentur. Dilectus autem meus qua-
lem, quam bonum inter eos fecit fructum? Utique
fructum vitæ æternæ, quia non utcumque bona arbor
ipse, sed lignum vitæ est. Hoc ego experta sum.
Quomodo? « Sub umbra illius quem desiderabam,
sedi, et fructus ejus dulcis gutturi meo. » Ex quo
mihi angelus locutus est, « Spiritus sanctus super-
veniet in te, et virtus Altissimi obumbrabit tibi
(*Luc. i*), » ego sub umbra illius sedi. Non steti ad
horam sub umbra, ut interdum paterer carnis
æstum, interdum haberem refrigerium; sed conti-
nuo sedi, quia semper pacem habui, jugiter « sub
umbra illius, quievi. Et fructus ejus dulcis gutturi
meo, » id est, cordi meo. Quis vestrum nescit, quod
sit fructus ejus dulcis? Expulit enim a nobis ama-
rititudinem mortis, et vitæ æternæ dulcedinem indi-
dit. *Malus* fructus, imo malus morsus, quo Adam
per Evam vitam perdidit, et mortem invenit: bonus
fructus, quo genus humanum per Mariam mortem
perdidit, et vitam invenit. Hic est fructus ejus. Ad
quid enim venit, ad quid succrevit inter ligna syl-
varum, nisi ut faceret hujusmodi fructum, quo eva-
cuaret primæ prævaricationis reatum, ligni vetuti
morsum? Ubi tempus venit hujuscemodi fructus
edendi, « accipiens panem et vinum, et benedicens:
Accipite, » inquit, et comedite, hoc est corpus meum.
Arcipite et bibite, hic est sanguis meus (*Matth. xxvi*).»
Non vidistis ibi carnis et sanguinis speciem, profecto
nec Eva videbat promissam sibi a serpente Dei si-
militudinem. Non vidistis nisi panem et vinum, pro-
fecto nec Eva vidit nisi pomum visu vel aspectu pul-

chrom. **Mattheus** illi credidit quod non videbat, creditum, inquam, serpenti, dicenti: « **Si quisquis** mortuus moriemini, sed eritis sicut dili, » magis quam Deo dicenti: « Morte moriemini, in quoque die ex eo comedenteris. » Plus, inquam, serpenti quam Deo credidit. Justa ergo lege, ut expietur ille reatus male credulitatis, exigitur fides, ut credatis id quod non videtis. Credatis, inquam, Deo dicenti: « Hoc est corpus, et hic est sanguis, » magis quam serpenti, qui per haereticos dicit: Non est caro, non est sanguis, et « eritis sicut filii Dei. » Hæc ubi fecit et dixit, paratam in conspectu viventium mensam relinquens competentem illis, confestim ad mortuos, sive dormientes ipse obdormiscens et mortuus profectus, anima descendente ad animas, et corpore ad corpora in eundem terræ ventrem, quo fuerant recepta, atque ita de semetipso cibavit atque potaverit eos (*Psalm. lxxx.*), atque exinde sub umbra illius sedent in perpetuum, « et fructus ejus dulcis gutturi eorum. » Mihi potissimum umbra suavis, quam cum amore spiritus trahit ad illum et natura carnis, eam esset **384** in vita praesenti, non solum modo supradicto sub umbra illius sedere, verum etiam faciem ejus desiderabam semper videre, semperque mecum praesentem habere. Sed quid actum est? « Introduxit me rex in cellam vinariam, et ordinavit in me charitatem. » Ventum est ad nuptias, ubi et aquas in vinum convertit. Hoc initium signorum continuo facturus, dixit mihi: « Quid mihi et tibi est, mulier? Nondum venit hora mea (*Joan. ii.*). » Dixeram enim ego illi: « Vinum non habent. » Et quidem verum erat, quia vinum non habebant, non solum sicut littera sonat defecisse vinum, sed quia defecerat in omnibus nuptiis hujus saeculi per peccatum primi hominis vinum verum, scilicet incorruptionis animalium et immortalitas corporum. De hujusmodi vino major illi cura erat, sed « nondum, sit, venit hora mea, » hora scilicet propinandi hoc vinum, reparandi per mortem et resurrectionem meam incorruptionem animalium, immortalitatem corporum. Tanto mibi negotio inpendente, « quid mihi et tibi est, mulier? » Opes Dei tuis affectibus præponendum est. Non tuam, imo non meam, sed Patris mei voluntatem fieri oportet. His et aliis huncmodi verbis « introduxit me in cellam vinariam, et ordinavit in me charitatem, id est, intelligere me fecit, se ad hoc venisse, ut humani generis aquaticam infirmitatem in suum vinum, id est, in suæ immortalitatis converteret fortitudinem, et quod affectibus meis divinam voluntatem præferre debet. Hoc est enim ordinatam habere charitatem, amplare quidem, ut non moriatur talis dilectus, sed amplius desiderare totius humani generis salutem.

A Inordinata et adhuc ordinanda esset rhapsodie Psal., quicunque illum diligit, « tunc, inquam, Domine; non erit tibi istud! » (Matt. xvi.) Dixerat enim quod tradendus esset in manus hominum et occidendum. Jamdudum docuerat me charitatis ordinem, ut dolorem quidem, et justi doloris gladium in mente vel anima portarem, non tamen averti propositum Dei cupere, proventurum ipsi ad gloriam et honorem, et humano generi ad perpetuam salutem. Quid igitur? « Fulcite me floribus, stipate me malis, quia amore langueo. Læva ejus sub capite meo et dextera illius amplexabitur me. Ecce abiit, ecce recessit. » Comprehensus ab impiis et occisus, abiit in sepulcrum, descendit ad infernum, resurrexit, et parumper visus recessit in cœlum. Scitis autem, B quicunque amici estis, quicunque illum diligitis: Scitis quia quisque vestrum dicit: « Cupio dissolvi, et esse cum Christo (Phil. 1). » Quanto magis ego quæ illum genui, cum illo esse cupio? Revera non quomodocunque cupio, sed et « amore langueo. » Igitur « fulcite me floribus, stipate me malis. » Hæc mihi sit consolatio. Amore languens pro absentia dilecti, unde possum consolari, nisi ex eo, ut credatis, et credentes vitam habeatis in nomine ejus, o populi universi? Credendo « fulcite me floribus, » bene operando et fructum vitae æternæ percipiendo « stipate me malis. » Ita enim fit, ut non lassescant fatigatio dilationis. In hoc « læva ejus sub capite meo, » quod interim dum differor, floribus vestris fulcior, malis vestris stipata sum, quia vester projectus, vestra salus, meum est gaudium; et nibilominus quidem « amore langueo, » sed in isto consolata sum. Hæc est « læva ejus sub capite meo, » videre me impleri ea quæ scripta sunt de eo, quæque ipse promisit de semetipso, videre hoc donum quod effudit, scilicet Spiritum sanctum, quem die Pentecostes misit (Act. 11), videre Evangelium prædicari ubique sequentibus signis, multiplicari eredentes in nomine ejus, resuscitare mundum Ecclesiis ejus, et fructificare cunctis virtutibus, curvari in nomine ejus « omne genu, cœlestium, terrestrium et infernorum, » et omnem lingua « confiteri, quia ipse Dominus Jesus Christus in gloria est Dei Patris (Philip. 1). » — « Læva, » inquam, hæc est sub capite meo, id est, consolatio magna quidem, sed minor expectatione vel desiderio meo. Quæ est illa exspectatio? quod est illud desiderium? « Et dextera ejus amplexabitur me, » id est, gloria Patris, in qua ipse est, totam circumdabit et implebit me, cum de præsenti sæculo eduxerit et assumpserit me. Illa videlicet dextra qualis est [al., sit], Psalmista breviter intimat [al. insinuat], dicens: « Et deletiones in dextera tua usque in finem (Psal. xv.). »

LIBER SECUNDUS.

385 « Cantabiles mihi erant, » ait Psalmista, « *justificationes tuæ, Domine, in loco peregrinationis meæ* (*Psalm. cxviii.*) . » Quis est locus peregrinationis

**nostræ, nisi præsens dejectio mortalitatis et passibili-
tatis nostræ, quam et alibi vallem lacrymarum
appellat, in qua oportet pati multa scilicet esu-**

riem, sitim, ceterasque miserias, et ad ultima ipsam mortem. Si ergo jam in tali loco, in tali peregrinatione cantabiles sunt justificationes tuae, quanto magis in civitate tua, Domine? Quae vero maiores justificationes tuae sunt justificationibus, quas habemus vel intelligimus in vocibus istis, quae dicuntur Canticum canticorum? Igitur totis viribus, cunctis extensis rationalis citharae (scilicet corporis et animae) fidibus istas justificationes tuas coepit modulatione decantemus, te adjuvante, sancte Spiritus, quia nimurum celeste Canticum hic assuendum est, ut nobiscum scientia vel notitia ejus in illo saeculo juste perseveret. Secundae perioches, id est recapitulationis initium, hoc est: « Adjuro vos, filiae Hierusalem, per capreas cervosque camporum, ne suscitatis, neque evigilare faciatis dilectam, quoad usque ipsa velit. » Quid rogo, necesse fuit dilectam dormire? Nemini enim parum necessaria fuit ejus dormitio, cum tanta sit pro ea dilecti adjuratio. Quid ergo necesse fuit eam dormire, au certe quid fuit illi dormire? Hoc enim perspecto melius claret quam necessaria ejus dormitio fuit. Quid ergo illi dormire fuit? Profecto illud, quod evangelista vult insinuare, cum dicit: « Maria autem conservabat omnia verba haec, conferens in corde suo (Luc. 11). » Iterumque repetens alio loco, dicit: « Et mater ejus conservabat omnia verba haec in corde suo. » Hoc erat dormire, scilicet oris custodiā habere, et secretū sili commissum, propter tempus quod malum erat, non propalare, ne perciperet Herodes de rege Iudeorum, qui natus erat, ubinam esset. Itaque necessarium valde fuit dilectam dormire, et inter verbosas filias Hierusalem nolle vigilare. Neque enim deerant ejusmodi filiae Hierusalem, quae, quamvis benevolae essent, non tamen scirent usquequa opportunam habere taciturnitatem, sed idcirco non expediebat ut dilecta haec de sancta contemplationis somno suscitata communem se illis ficeret, et ad respondendum eis evigilaret, et si alii quidpiam loquebantur, verbi gratia, pastores, quos aliqua dixisse certum est (ead. cap. in fin.). Ait enim evangelista: « Et omnes, qui audierunt, mirati sunt de his quae dicta erant a pastori bus ad ipsos (Luc. 11); et si, inquam, vel tunc, vel deinceps propter multa mira, quae facta sunt, alii loquebantur, ipsam tacere et non inquietari condecbat, ne res nimis manifesta fieret, majoremque persecutionis ipsa laborem sustineret, quam fuit illa fuga qua in Aegyptum fugere oportuerat. Igitur, « adjuro vos, filiae Hierusalem, ne suscitatis neque evigilare faciatis dilectam, quoad usque ipsa velit, » id est fortiter obfirmo mentem dilectae, ne ante tempus loquendi denarret vobis quid vel quomodo sibi factum sit, etiam si vos multum instantes inquiratis. Per quid adjuro vos? Per capreas cervosque camporum. Vere magnum adjuramentum. Nam et ego juravi cervis et capris, scilicet patribus vestris, regibus et patriarchis, maximeque Abraham et David, facere verbum istud, quod nunc feci, cum

A quo videlicet verbo dilecta dormit dormitione silentii competentis. Si nunc sciscitantibus vobis, et illa omnibus respondentem, fama nimis crebresceret, et Herodes puerum inveniret atque occideret, Evangelio nondum condito, quomodo jusjurandum meum ratum permaneret, quod juravi ad Abraham patrem vestrum, in isto semine eius benedicendas fore omnes gentes? Idcirco per illos patres vestros, vobis reverendos, adjuro vos. Unde patres illi capre sive cervi? Nimurum ex eo quod sicut capre ad instar avium ardua et excelsa tenent, in sublimi habitant, et in petris altissimis commorantur, sic illi manentem non quiescierunt civitatem, sed meliorem appetierunt, hoc est celestem (Heb. xi, 15), in casulis habitantes, et confitentes quia peregrini et hospites sunt super terram, et sicut cervi, cum aliquid serpentini generis comedenter, summa agilitate desiderant venire ad fontes aquarum; ita illi scientes se a primis parentibus per serpentem contraxisse originale peccatum, desiderabant uasci sibi jam dictæ benedictionis promissum fontem, in quo est remissio peccatorum. Inde est illud: « Quemadmodum desiderat cervus ad fontes aquarum, ita desiderat anima mea ad te, Deus (Psal. xli). » — « Vox dilecti mei: Ecce veniet saliens in montibus, transiliens colles. Similis est dilectus meus capre hinnulique cervorum. » Dilecta quando vult, non suscitata, neque evigilare coacta, sed quando vult, et ubi vult, et quibus vult, Scripturarum mysteria pandit et loquitur, et dicit: « Vox dilecti mei, » subauditur, talis est, qualem dictura sum, et vocis ejus, id est Scripturæ, quia ad ipsum et ad me pertinet, sensus hic est, quem expositura sum. Vocem ipsam, verba ipsa dilectæ quae loquitur mihi, jam dicerem, sed vos forte prius aliud audire vultis, cur tardiu dilatum fuerit hoc negotium, et priusquam tecum conveniret, tot generationes præterierunt, videlicet « ab Abraham usque ad David: generationes quatuordecim, et a David usque ad transmigrationem Babylonis, generationes quatuordecim, et a transmigratione Babylonis usque » ad ipsum « generationes quatuordecim, » sicut evangelista diligenter distinguit (Matth. 11). Cur adventum suum tardiu distulit? num tardus est aut segnis? Inuo velocissimus in opere suo est secundum testimonium Scripturarum, cuius videlicet testimonii summa haec est: « Ecce iste veniet saliens **386** in montibus, transiliens colles. Similis est dilectus meus capre hinnulique cervorum. » Dicunt enim Scripturæ propheticæ, velocitatem ejus attestantes: « Voca nomen ejus, Accelera spolia detrahere, festina prædari (Isai. viii). » Item: « Et ecce festinus velociter veniet, non est deficiens, neque laborans in eo (Isai. v), » et multa his similia. Unde ergo dilatio? Diccam: « En ipse stat post parietem nostrum, respiciens per fenestras, prospiciens per cancellos. » Diligenter animadvertisse, ut sciatis rem. Non enim res parva est, quam dico « parietem nostrum, » propter quem tam morose venit iste, qui et ante-

quam veniret, festinus et celer vocatus est, et cum venisset, illud propter quod venerat, tam cito, tam velociter operatus est. Quid enim? Quam longum expendit tempus in faciendo, id quod de ipso scriptum est: « A summo cœlo egressio ejus, et occursus ejus usque ad summum ejus? » (*Psalm. xviii.*) Spatio annorum plus quam triginta duorum tantam exultando cucurrit viam, « saliens » atque « transiliens », tanquam caprea sive hinnulus cervorum, de cœlo in uterum meum, de utero meo in crucem, & cruce in sepulcrum, de sepulcro rursus in cœlum. Propter quem ergo « parietem nostrum » tandem moratus est, qui tam velox in opere est? Nimirum propter parietem inimicitarum, qui non de uno tantum originali peccato, verum etiam de multis actualibus peccatis congestus est. Eorum, videbatur actualium peccatorum, primum illud fuit, quod filii Jacob, filii Isaac, filii Abraham, ad quem primum reprobatio facta fuerat, fratrem suum Joseph per iuriam in servum vendiderunt, et ille quatuordecim annis servivit (*Gen. xxxvii.*). Cum enim sedecim esset annorum, tunc venditus est, et quando eductus de carcere, stetit in conspectu regis Pharaonis, triginta annorum erat (*Gen. xl.*). Itaque sicut quodam loco judex justus, id est Dominus dicit: « Juxta numerum dierum, quibus considerasti terram, annos pro die imputabitur, et quadraginta annis recipies iniquitates vestras » (*Num. xiv.*); ita et illic iustum esse arbitremur iudicium, ut diceret: « Juxta numerum quatuordecim annorum, quibus servivit venditus Joseph, generatio pro anno imputabitur, et quatuordecim generationibus semen quod promisi patribus vestris, differetur, quod est Christus. Igitur ab Abraham, inquit, usque ad David generationes quatuordecim, subauditur, et Christus non venit, et eousque distulit eum iratus Dominus » (*Psalm. lxxxviii.*), unde et Moses loco supradicto congemuit. Porro David, in quem generationes quatuordecim terminatae sunt, cum jam et ipse promissionem accepisset eamdem cum juramento Domini, peccavit et ipse non minus quam priores illi. Uriam Ethæum percussit gladio, et uxorem ejus tulit, et interfecit cum gladio filiorum Ammon (*II Reg. xi.*). Itaque non minus super hoc irasci debuit Dominus, quam dum fuerat iratus; et idcirco a David usque ad transmigrationem Babylonis, ait, generationes quatuordecim, subauditur, et Christus non venit. Porro in transmigratione Babylonis, quæ poena fuit transmigratis illis, non minoris erat peccati vel criminis, quod reges Juda maximeque Manasses, sanguinem innocuum fuderant multum, donec implerent Hierusalem usque ad os, absque peccatis suis, quibus peccare fecerunt Judam, ut facerent malum coram Domino (*IV Reg. xxi.*). Igitur et a transmigratione Babylonis usque ad Christum generationes quatuordecim, subauditur, et nonnisi post tot generationes idem Christus venit. Post hujusmodi parietem nostrum en ipse stat, » id est propter haec et alia peccata generis nostri cui reprobmissus

A fuerat, ipse justas fecit moras. « Stat, » inquam, « respiciens per fenestras, prospiciens per cancellos, » id est visitans nos per prophetas, memor nostri propter patres nostros. Nam fenestræ in hoc pariete fuerunt Moses et prophetæ, suo quique tempore intra multitudinem peccantium, in ipsa congerie peccatorum claruerunt, parietem non ita contiguum esse sinentes, quia dilectus haberet aditum, quo hue introrsus respiceret, et vocem audibilem daret, locutionem intelligibilem facheret. Porro cancelli, scilicet anterior pars ædificii fuerunt Abraham, Isaac et Jacob, primi patres generis nostri, per quos in eo prospexit quod propter eos misertus est nostri, recordatus est quod eis promiserit, quid juraverit, hoc est quod ipsa cecini: « Suscepit Israel puerum suum, recordatus misericordiae suæ. Sicut locutus est ad patres nostros Abraham et semini ejus in sæcula (*Luc. i.*) . Et dilectus meus loquitur mihi: Surge, propera, amica mea, columba mea, formosa mea, et veni. Jam enim hiems transiit, imber abiit et recessit, flores apparuerunt in terra nostra, tempus putationis advenit, vox turturis audita est in terra nostra, fucus protulit grossos suos, vineæ florentes odorem dederunt. » Verba ista profecto desiderantis verba sunt. Quid autem est desiderium dilecti, vel quid amor ejus, nisi charitas, nisi Spiritus sanctus? Tali utique desiderio desiderare, cum amore recte dicitur amare, dicitur etiam lætari, ut illic: « Lætabitur Dominus in operibus suis » (*Psalm. ciii.*). Quin etiam petere dicitur, nimirum eodem desiderio, Juxta illud in Deuteronomio: « Et nunc Israel, » inquit Moses, « quid Dominus Deus tuus petit a te, nisi ut timeas Dominum Deum tuum, et ambules in viis ejus, et diligas eum? » (*Deut. x.*) Amplius autem non solum potentis, verum etiam valde optantis animo loquitur, cum item in Deuteronomio dicit: « Bene omnia sunt locuti. Quis det talē eos habere mentem, ut timeant me, et custodiant universa mandata mea in omni tempore, ut bene sit eis et filiis eorum in sempiternum » (*Deut. v.*). Et in Isaia dicit: « Utinam attendisses mandata mea, facta fuisset sicut flumen pax tua, et justitia tua sicut gurgites maris » (*Isai. xlviii.*). Hæc et his similia multa scripta sunt, testantia quietum dilecti desiderium, charitatem impassibilis, non passionem, sed delectationem qua semper optavit, semper concupivit id quod utile esset creaturæ suæ humano generi. Quod si unquam aliquid recte dicitur optasse vel desiderare, quanto magis istud, in quo est summa salutis, istam plenitudinem temporis, in quo fieret ex muliere, fieret sub lege, ut eos qui sub lege erant, redimeret, ut adoptionem filiorum reciperent? (*Galat. iv.*) Igitur hæc verba dilecti, loquentia mihi: « Surge, propera, amica mea, columba mea, formosa mea, et veni, » etc., sic accipite, quasi verba desiderantis, tanquam festinantis et optantis jam adesse materiam tantæ salutis, scilicet me, cujus caro illi materia foret assumenda carnis. Tanquam praesenti loquebatur

mihi, meque jubebat surgere et properare, id est nasci et hospitium ventris mei sibi cito præparare. Et revera priusquam nascerer, illi præsens aderam, antequam fierem, bene illi cognita fueram. Si enim dicitis et vere dicitis, quia « elegit nos in ipso ante mundi constitutionem, ut essemus sancti et immaculati in conspectu ejus in charitate (*Ephes.* 1), nonne et de me recte sentitis, et recte sentiendo dicitis, quia elegit me ante mundi constitutionem, ut essem sancta et immaculata in conspectu ejus in charitate? Et si sapienti [s. sapientia], ut ipsa testatur jam antequam fieret, « ludens erat coram eo in orbe terrarum, et delicia ejus cum filiis hominum (*Prov. viii*); quanto magis ludens erat, et deliciabatur cum ista ancilla Domini, miraculo cunctorum filiorum vel filiarum hominum. « Surge, » inquit, » propria, amica mea, columba mea, formosa mea, » et in his omnibus Evæ opposita. Eva namque quasi inimica, Eva quasi viperæ, Eva quasi deformis et ignominiosa.

387 Mihi inimica, viro suo viperæ, sibi met confusa ignominia. Inimica per superbiam, qua intus intuit, viperæ per malitiam, quam ex serpente concepiens, foris tentata, facile cessit. Ignominiosa per pruritum libidinis, qua statim scaturire coepit, unde et nudam se cognoscens, folio pudenda contexit (*Gen. iii*). Tu autem « amica mea » per humilitatem, « columba mea » per charitatem, « formosa mea » per castitatem. Tu contra Deum non timuisti, immo mente humili Altissimo complacuisti et ecce unica es. Tu serpenti aurem non præbui, immo iniurias inter te et serpentem ego posui, et ecce columba es. Tu nuditatem libidinis non incurristi, immo spiritus sanctus obumbrabit tibi, et ecce formosa es. Veni ergo, Maria, veni; nam Eva ad laterbras fugit. Veni et crede angelo evangelizanti, nam Eva credidit serpenti susurranti. Veni et contere caput serpentis, nam Eva et capite illecta, et ventre oblectata, et cauda est obligata serpentis. Veni et dic: « Ecce ancilla Domini (*Luc. i*), » nam Eva se abscondens pariter et defendens: « Serpens, » ait, « decepit me, et comedì (*Gen. iii*). » Hæc est vox dilecti mei, et hæc loquitur mihi: « Surge, propria et veni, » Surge per fidem, propria per spem, veni per charitatem. « Jam enim hiems transiit, imber abiit et recessit, flores apparuerunt in terra nostra, tempus putationis advenit. Vox turturis audita est in terra nostra, sicut protulit grossos suos, vineæ florentes odorem dederunt. » Ecce enim aequinoctium vernum jam præteriit, et adest festivitas Paschalis, dum hæc loquor tibi, dum foris angelus annuntiat, et ego intus vocem sequor annuntiantis. Quo tempore sine dubio, secundum cursum solis et naturam aeris, « hiems jam transiit, imber abiit et recessit. » Ex ipsa ergo qualitate temporis auspicium capte magnæ felicitatis, quia per istud quod dicitur tibi, quod agitur tecum, transiit, id est certissime pertransibit, hiems peccati abiit et recessit, id est certissime abibit, et recedet imber iræ cœlestis, quæ videlicet hiems ex eo venit, quod Eva jam

A dicta fugiens abscondit se a facie Dei, et qui imber idcirco terram, id est omne genus humauum verbaverit, quia peccavit. Hic est imber, hæc est ira celestis: « Multiplicabo ærumnas tuas, et conceptus tuos, etc., » usque: « Quia pulvis es, et in pulvrem reverteris (*Gen. iii*). » Hic talis imber abiit et recessit, id est certissime abibit et recedet per me fructum ventris tui. Tunc apparuerunt, id est certissime apparebunt flores multi, flores sancti ac diversi, alii videlicet martyrio rubicundi sive purpurei, ali confessione sive ad imitationem nostri, virginitatis incorruptione candidi. Tunc et « tempus putationis advenit, » et mox aderit ut amputent ea quæ superflua sunt legis, dicaturque floribus sive florentibus campis et arboribus nostris: « Visum est enim B Sp. ritui sancto et nobis, nihil ultra imponere vobis oneris, quam hæc uecessaria, ut abstineatis vos ab immolatis simulacrorum, et sanguine, et suffocato, et fornicatione (*Act. xv*), » et ea quæ vobis non vultis fieri, aliis ne feceritis. « A quibus custodientes vos, bene agetis (*ibid.*). » Tunc et « vox turturis audita est, » id est certissime audietur « in terra nostra. » Vox, » inquam, « turturis, » nimirum parvula quidera, sed castissimæ avis, scilicet prædicatio Evangelii, cuius initium est pulchritudo nostra castitatis, et virginei conceptus tui, « audita est, » id est audietur; « in terra nostra, » in Ecclesia nostra, in universa terra. Tunc ad vocem hujuscemodi turturis « ficus protulit, » id est certissime proferet « grossos suos, vineæ florentes dederunt, » id est certissime dabunt « odorem. » Ficus, inquam, u[er] est synagoga, proferet et jactabit opera vel justitias suas, sed cadentibus hujusmodi ficsis, ipsa remanebit effeta, et ego veniens ad eam, et querens fructum, non inveniam (*Matt. xxi*). « Vineæ » autem « florentes, » id est gentes credere incipientes, « dabunt odorem, » id est bonam opinionem, ita ut amici gratulentur, et dicant: « Primum gratias agimus Deo nostro per Jesum Christum pro omnibus, quia fides vestra aumuntiatur in universo mundo: Surge, amica mea, speciosa mea, et veni columba mea, in foraminibus petræ, in caverna maceria. Ostende mihi faciem tuam, sonet vox tua in auribus meis. Vox enim tua dulcis, et facies tua decora. » Iterum « vox dilecti mei, » iterum loquitur mihi et ad surgendum invitat, eisdem nominibus me compellat, « Surge, » inquiens, « amica mea, speciosa mea, et veni, columba mea. » Et protinus, ac si quererem, quo ego surgam, ubi, vel in quo ero columba gemituosa, « in foraminibus, » inquit, « petræ, in caverna maceria. » Scit enim situm vel habitum mentis meæ, quia clavi ejus, quos antequam fierent mentes prophetica prævidebam, et in propheta legebam dicens. « Foderunt manus micas et pedes meos (*Psal. xxi*), » et lancea lateris ejus quam similit prævidebam, in propheta legebam: « Videbuntem, ait Zacharias, « in quem transfixerunt (*Zach. xii*), » clavi, inquam, ejus et lancea jam essent animæ meæ vulnera, et in ipsis generem sicut columba. Dicebat

D

ergo: « Columba mea, in foraminibus petrae, in caverna maceriaz, » id est, anima gemituosa propter fixam clavoram, qui sum petra, propter vulnus lateris mei, qui sum maceria. Nam ego unus idemque alias petra et alias maceria. Videlicet ubi adhuc mortalis et passibilis eram, ibi ego maceria; ubi autem jam resurrexi a mortuis, ibi vel ex tunc petra solidissima, sed non disparuerunt in petra jam impassibili cavernae sive foramina, quæ facta fuerant in maceria adhuc passibili, imo apparebunt eadem in die judicii. Age quod agis, contemplare quod contemplaris, atque hoc modo semper ostende mihi faciem tuam, et ostendendo corrigere quod Eva peccavit et abscondit a me faciem suam. Ubi abscondit? in medio ligni paradisi, videlicet in eodem in quo peccavit. Nam « de ligno, quod est in medio paradisi, » ait, « præcepit nobis Dominus, ne comederemus, et ne tangeremus illud, ne forte moriamur. Comedit, et cum audisset vocem Domini Dei abscondit se, » ait Scriptura, « a facie Domini Dei in medio ligni paradisi (*Genes. iii*). » Ergo in quo peccavit, in eodem se abscondit, utpote quæ in peccato suo sibi complacuit, et peccatum suum defendit. Non ostendit mihi faciem suam, cum dicere: « Ubi es? » Non sonuit vox ejus in auribus meis, vox confessio-
nis, quæ sonare debuisse, saltem cum dicere, quare hoc fecisti? sicut quando ei benedixi et viro eius, dicens: « Crescite et multiplicamini, » non sonuit vox in auribus meis; nullum enim cantavit can-
ticum gratiarum actionis pro tam magno beneficio, quo illam constituebam matrem tantæ generationis, possessoræ tantam hæreditatem regni Dei. Tu autem « ostende mihi, » sicut et ostendis « faciem tuam; sancta vox tua in auribus meis, » et audiam ego, audiatur et amici, quorum unus vel primus audivit, cum adhuc esset clausus in utero matris sue, et exsultavit ad vocem tuam, quæ hoc modo sonuit in auribus meis: « Magnificat anima mea Do-
minum, et exsultavit spiritus meus in Deo salutari meo (*Luc. i*). » Ibi ad vocem meam, et vocem tuam audire atque exsultare cœpit. Unde et quodam loco dixit: « Qui habet sponsam, sponsus est. Amicus autem sponsi, qui stat et audit eum, gaudio gaudet propter vocem sponsi (*Joan. iii*). » Iloc ergo gaudium meum implatum est. Igitur quia et amici auscul-
tant, et me delectat audire faciem fidei, et audire vocem confessionis atque gratiarum actionis, **388** ostendere mihi faciem tuam, sonet vox tua in auribus meis. Vox enim tua dulcis, et facies tua decora. In quo vox tua dulcis? In eo videlicet, quod columba mea es, et intenta in foraminibus jam dictis, ita sicut columba gemitum pro canto habes. Cau-
nendo genitis, genendo canis, et ipsa exsultatio qua exsullavit spiritus tuus in Deo salutari tuo, plena est gemitibus, plena lacrymis. In quo facies tua decora? In eo videlicet, quod magna est fides, magna humilitas. Iste est decor, quem concupivit Rex, quem adiudicatum Psalmista dicit: « Audi, filia, et vide, et inclina aurem tuam, et obliviscere populum tuum, et do-

A mūm patris tui, et concupisces rex decorem tuum (*Psal. lxli*). » Capite nobis vulpes parvulas, quæ demoliunt vineas. Nam vinea nostra floruit. » Vulpes Herodes, vulpeculae sive vulpes parvulae illius temporis omnes, qui quererent animam pueri. Unde et de quodam ex posteris ejusdem nominis, cum nuntiatum fuisset et Phariseis dicentibus: « Exi et va-
de hinc, quia Herodes vult te occidere (*Matth. ii*). » Ite, inquit, dicite vulpi illi: Ecce ejusdem daemonia, et sanitates perficio hodie et cras, et tertia die con-
summor (*Luc. xiii*). » Ergo vulpes Herodes, maxime quia non solum crudelis, verum etiam dolosus ille, qui dixit: « Ite et interrogate diligenter de puer, et cum inveneritis, renuntiate mihi, ut et ego veniens adorem eum (*Matth. ii*). » Fuisse tunc jam cum eo etiam alios ejusdem dolositatis, vel ex eo constat, quod angelus ad Joseph ita dixit: « Surge et accipe puerum et matrem ejus, et vade in terram Israel, defuncti sunt enim qui quererant animam pueri (*ibid.*). » Igitur vulpes parvulas, quæ demoliunt vineas, capite nobis, inquit, id est occiduntur cito, moriantur, et dispergant qui querunt animam pueri. Nonne videtis parvulas vulpes istas, quomodo « de-
molient vineas? » Herodes enim non cessat occi-
dere fere omnes, qui erant regiae stirpis, non cessat perscrutari, ut funditus deleaf domum David, de qua regem Christum nasciturum fore audivit. Nonne vi-
detis ad ultimum, quod teneros palmites fera ista momordit, quod infantes bestia crudelis occidit in Bethlehem Iudeæ, civitate David? Capite, capite, nam vinea nostra floruit. » Vinea illa, quæ nostra est, vi-
nea vel vitis, vinea propter quam cæteras demo-
liunt vineas, inter quas ista sic latuit, quemadmo-
dum virga una gracilis in magna sylva latere solet ob parvitatem sui; vinea, inquam, nostra haec floruit. Fructus ejus adhuc flos, et non botrus est, nondum maturuit, et idcirco damnosum nimis est bujusmodi vineam vel florem ejus succidi vel demoliri. Crescat prius et de flore proveniat fructus, condatur Evan-
gelium, et cognoscatur de signis et virtutibus, ve-
nisse Sanctum sanctorum, atque hoc erit florem ve-
nissee in fructum et maturuisse botrum. Tunc, si fuerit succisus bujusmodi botrus, custodiatur, at-
que in vecte crucis portetur, ut experimento resur-
rectionis et dulcedinis ejus cognoscatur qualis ter-
ra, quale sit regnum ejus, ad quod non pertinent vulpeculae istæ, « quæ vineas demoliuntur. » Sicut olim duo viri de exploratoribus quos misit Moses ad explorandam terram promissionis, palmitem cum uva sua deportaverunt in vecte cum cæteris frugibus ter-
ræ, dicentes: « Venimus in terram, ad quam misisti nos, quæ revera fluit lacte et melle, ut ex his fru-
gibus cognosci potest (*Num. xiii*). » Illius rei gestæ mysterium observetur, et tandem vinea nostra de-
scendatur a vulpibus, donec flos ejus botrus fiat præ-
maturus, ex suo sapore cognoscendus, et terræ vi-
enium experimentum mundo præbiturus. « Di-
lectus meus mihi, et ego illi, qui pascitur inter lilia,
donec asperget dies et inclinentur umbræ. » Hoc est,

unde « beatam me dicent omnes generationes (*Luc.* i), » quia « dilectus meus mihi, et ego illi. » Quomodo enim ille mihi, et ego illi, nisi sicut per prophetam dictum est : « Ecce virgo concipiet, et pariet filium, et vocabitur nomen ejus Emmanuel; butyrum et mel comedet, ut sciat reprobare malum et eligere bonum? » (*Isaiæ viii.*) Ita enim ille mihi, et ego illi, nec opus est dicere verbis, quia mente melius potest percipi, imo nec verbis exprimi, nec mente potest comprehendendi sive aestimari, quale vel quantum hoc sit. Recordemur hic etiam veteris historiæ, per quam colligi potest, quam sit terribile id quod sub verbis continetur tam jucundis, « qui pascitur inter lilia, donec aspiret dicas et inclinentur umbræ, » simulque quam serio de Emmanuel sit dictum : « Butyrum et mel comedet, ut sciat reprobare malum et eligere bonum. » Quæ est illa vetus historia? « Clamor Sodomorum et Gomorrhæ, » ait Dominus ad Abram, « multiplicatus est, et peccatum eorum aggravatum est nimis. Descendam, et videbo utrum clamorem, qui venit ad me, opere compleverint, an non est ita, ut sciām (*Genes. xviii.*) Veneruntque duo angeli Sodomam, sedente Lot in foribus civitatis. Compulit illos oppido, ut diverterent ad eum. Ingressisque domum illius, fecit convivium, coxit azyma et comederunt; prius autem quam irent cubitum, viri civitatis vallaverunt domum illius, a puero usque ad senem omnis populus simul, vocaveruntque Lot et dixerunt ei : Ubi sunt viri, qui ad te introierunt nocte? Educ eos huc, ut cognoscamus eos (*ibid. xix.*) Et quidem duo angeli venerant, sed diligenter animadvertisse, quia sie deinde scriptum est : « Dicit quoque Lot ad eos : Queso : domine mi, quia invenit servus tuus gratiam coram te, et magnificasti misericordiam tuam quam fecisti in me, ut salvares animam meam, etc. » Ergo et in tribus angelis, qui venerunt ad Abraham meridie, et in duabus qui venerunt Sodomam vespere, unus idemque agnoscendus est Deus, qui et per ipsos operabatur et in ipsis loquebatur : « Descendam, » inquietus, « et videbo, utrum clamorem qui venit ad me, opere compleverint, an non est ita, ut sciām. » Igitur et de illo tempore jam præterito recte dicas, « butyrum et mel comedet, ut sciat reprobare malum et eligere bonum, » quoniam et apud Abraham et apud Lot habuit convivium, ut tanti illius mali caperet experimentum, et pascebatur apud illos tandem, donec aspiraret dies et inclinentur umbræ, id est usque mane. Sic enim scriptum est : « Cumque esset mane, cogebant eum angeli, dicentes : Surge, tolle uxorem tuam et duas filias quas habes, ne et tu pariter pereas in scelere civitatis. » O quam terrible impiis, et quam venerabile est piis id, quod secundum similitudinem illius rei gestæ intelligitur in verbis istis! Pascitur, inquit, inter lilia, donec aspiret dies et inclinentur umbræ. » Quænam sunt lilia, nisi amicus dilecti Joseph, et ego dilecta, cui dicit : « Sicut limum inter spinas, sic amica mea inter filias. » Vere ambo lilia, videlicet pro virginalibus

A nuptiis et cohabitatione castissima. Inter hujusmodi lilia pascitur dilectus, « donec aspiret dies et inclinentur umbræ, comedit » Emmanuel « butyrum et mel, » id est qualemcumque victimum necessarium corpori, « ut sciat reprobare malum et eligere bonum. » Dixit enim ipse olim : « Clamor Sodomorum et Gomorrhæ venit ad me, descendam, et videbo, utrum opere compleverint, an non est ita, ut sciām. » Dicit et nunc, quia clamor sanguinis sanctorum prophetarum, quem effuderunt Judæi, « venit ad me, descendam ut videam utrum tales sint, an non est ita, ut sciām. » Facturus quippe sum universale judicium, cuius exemplum fuit illud Sodomorum **389** incendium sulfureum, juxta illud : « et civitates Sodomorum et Gomorrhæorum in cinerem redigens, eversione damnavit, exemplum eorum qui impie acturi sunt ponens (*II Petr. ii.*) Quod si illud in Sodomis non feci judicium, nisi prius experimenso scire, utrum ita esset an non, quanto magis antequam faciam illud universale judicium, debeo experiri, ut sciam reprobare malum et eligere bonum, sic incipiens : « Pœnitentiam agite, approximavit enim regnum cœlorum. (*Matt. iv.*) Cum istud in me accepero experimentum, cum impleverint mensuram patrum suorum, occidendo me dominum prophetarum, sicut prophetas occiderunt patres eorum (*Matt. xxii.*), tunc incipiet judicium fieri a cœcitate ipsorum secundum similitudinem Sodomorum. Sic enim dictum, et sic factum est. « Et ecce miserunt manum viri, et introduxerunt ad se Lot, claueruntque ostium, et eos qui foris erant, percosserunt cœcitate, a minimo usque ad ultimum, ita ut ostium invenire non posset (*Gen. xix.*) Ita cœcitas contingit in Israel in his, qui non tam Israelitæ, quam Sodomitæ sunt, iuxta illud *Isaiæ* : « Audite verbum Domini, principes Sodomorum, auribus percipite legem Dei mei, populus Gomorrhæ (*Isa. xli.*) Cumque aspiraret dies, subauditur resurrectionis meæ, et inclinata fuerint umbræ peccatorum et ignorantiae, in iis videlicet qui pœnitentiam egerint, tuuc subvertant illos, sicut mane illo subverti Sodomam et Gomorrhæ, non quod reliquæ non remanebunt, iuxta illud propheticum. » Subverti vos sicut subverti Deus Sodomam et Gomorrhæ et facti estis quasi torris raptus de incendio (*Amos iv.*) Item : « Nisi Dominus exercituum reliquisset nobis semen, quasi Sodoma fuisset, et quasi Gomorra similes essemus (*Isa. 1.*) » Hæc dilectus mibi. Et quid ego illi? Revertere, similis esto, dilecte mi, capre aut hinnulo cervorum super montes Bethel. » Quid erat hoc dicere, nisi orare pro salute reliquiarum gentis meæ? Nunquid enim ego erga gentem meam minorem compassionem haberem vel charitatem amicorum, scilicet prophetarum et apostolorum? Exempli gratia : « Quare, inquit *Isaias*, errare nos fecisti, Domine, de viis tuis, indurasti cor nostrum, ne timeremus te? Convertere propter servos tuos tribus hæreditatis tuæ (*Isa. LXIII.*) » Apostolus au-

tem : « Veritatem, inquit, dico in Christo, non & mentior, testimonium mihi perhibente conscientia mea in Spiritu sancto, quoniam tristitia est mihi magna et continuus dolor cordi meo (*Rom. vi*), etc. » Igitur et me non dubitetis postulasse pro salute reliquarum gentis meæ, cuius videlicet postulationis summa hæc est : « Reverttere, similis esto, dilecte mi, capræ aut binnulo cervorum super montes Bethel, id est, propter patres domus Dei, hoc enim interpretatur Bethel. Cæcitas quidem continget in Israel, ita ut te invenire non possint, qui dicis : « Ego sum ostium (*Joan. x*), » secundum supradictam similitudinem Sodomitarum, quos percussisti cæcitate, ita ut non possent invenire ostium, sed revertere super montes Bethel, id est, sicut Isaïas dicit : « Converttere propter servos tuos (*Isa. lxiii*), recordare misericordiæ tuæ, sicut locutus es ad patres nostros (*Luc. 1*), ut saltem, quum plenitudo gentium subintraverit, tunc omnis Israel salvus fiat (*Rom. xi*). » Aliter : « Reverttere, similis esto, dilecte mi, capræ, aut binnulo cervorum super montes Bethel. » Qui pasceris inter lilia, donec aspiret dies, et inclinentur umbræ, qui, ut scias reprobare malum et eligere bonum, butyrum et mel comedis, et hoc inter lilia castitatis, quæ sunt optimæ, pater et ego virgo mater, cum aspiraverit dies et inclinata fuerint umbræ, revertere, id est, dilucido resurge, « valde mane, orto jam sole (*Marc. vi*), » plena luce, reparationis nostræ inclinati atque destructis umbris mortalitatis nostræ. Cito revertere, noli moras facere, quia anima mea desiderat te. Scio quidem quia cito reversurus es, juxta illud propheticum : « Vivificabit nos post duos dies, in die tertia suscitabit nos, et vivemus in conspectu ejus (*Osee. vi*) ; » et juxta quod ipse dixisti : « Sicut fuit Jonas in ventre ceti tribus diebus et tribus noctibus, ita erit filius hominis in corde terræ tribus diebus et tribus noctibus (*Math. xii*). » Tridui quidem tempus breve est, sed dilecta et columbae tuæ desideranti et gementi vulnerata mente, non satis, dilecte mi, festinatum est. Abbrevia hoc ipsum triduum, et similis esto in revertendo « capræ aut binnulo cervorum, » id est, velocissimus esto ad peragendum cursum tuum. In corde terræ, id est, in sepulcro tuo non totum expendas triduum. Sufficit ad complendam veritatem Scripturarum, si partem exiguum primi diei, id est tres horas novissimas, et partem aliquam diei tertii, scilicet sex horas, quod est dimidium noctis, cum die secundo, id est, cum Sabbato jacens in sepulcro, transegeris. Nam tres integri dies, horæ septuaginta duæ sunt. Hoc esset nimis longum. Sufficiunt horæ triginta trias, qui numerus ex duobus ternariis, deceno et singulari compositus est. Beatam Trinitatem, cui primus homo peccavit, in te et per te, et de teipso, dilecte mi, caro mea et sanguis meus, Deus meus et Dominus meus, placari oportet, sed hoc fiat celerrime et multum festinanter, sicut caprea sive binnulus cervorum in montibus celerrimus est,

PATROL. CLXVIII.

secundum nounen tuum, quo per prophetam Jussus es vocari, « Accelera spolia detrahere, Festina prædari (*Isa. viii*). » Vix igitur exspectatis triginta tribus horis, revertere super montes Bethel, id est, resurge et appare principibus domus Dei, scilicet apostolis tuis et mihi, cuius maxime, sicut et illorum, inno et multo plus quam illorum, tu es grande desiderium, juxta illud patriarchæ Jacob dictum ad Joseph filium decorum : « Benedictiones patris tui confortatae sunt benedictionibus patrum ejus, donec veniret desiderium collium æternorum (*Gen. xl ix*). » Quam veraciter ille te appellaverit « desiderium, » ego maxime in visceribus meis experta sum, et hoc amicis est intimandum.

CAP. III. — « In lectulo meo per noctes quæsivi quem diligit anima mea. Quæsivi illum, et non inveni. Surgam et circuibo civitatem per vicos et plateas, quæram quem diligit anima mea. Quæsivi illum et non inveni. Invenerunt me vigiles, qui custodiunt civitatem. Num quem dilexit anima mea vidistis? Paululum cum pertransisset eos, inveni quem dilexit anima mea. Tenui eum, nec dimittam, donec introducam illum in domum matris meæ, et in cubiculum genitricis meæ. » Hoc sentitis, o amici, in vobismetipsis, quicunque habetis sanctum dilectionis Spiritum, quicunque diligitis Dominum Deum ex toto corde, ex tota mente, et ex tota anima. Hoc, inquam, sentitis vos, amici, et filias Hierusalem, quia magnum in ista dilectione est desiderium. Quanto vicinior iste dilectus habetur, tanto vehementius desideratur. Qui habent, habere desiderant, qui vident, videre desiderant. Nam angelii vident, et tamen, Scriptura teste, desiderant in eum prospicere. Ego autem, non utcumque habui aut vidi eum, sed in utero gestavi, et genui eum, et ei mater lac præbui, et diligenter contemplatus. Quid putatis, quot noctes duxi pervigiles videntendo et audiendo eum? Non enim sufficiebat dies ad tantum desiderium, sed totis noctibus in lectulo meo, in cubiculo meo pervigil sovebam et adorabam parvulum, audiebam et adorabam jam adultum, cum intra dulcia colloquia per oculos suos, oculos corporis transfundere mihi sue divinitatis aspectum, ita tamen contemporans, ut tolerare possem, 390 quem tremunt angeli, et virtutes colorum, juxta illud quod auditis eum dicentem in hoc ipso libro Canticorum : « Averte oculos tuos a me, quia ipsi me avolare fecerunt (*Cant. vi*). » Ita in lectulo meo habui eum, sed deinde contigit mihi, ut ibi non invenirem eum. Dixit enim : « Quid mihi et tibi est, mulier? » (*Joan. ii*.) Jam ex quo baptizatus est a Joanne, fieri cœperat, in lectulo sive cubiculo meo in illo habitationis meæ secreto, ut non invenirem eum. Nam statim « ductus est in desertum a spiritu (*Math. x, xix*), et deinde regressus, Evangelium eis præposuit affectibus, ita ut diceret : « Quid mihi et tibi est mulier? » Sed et alios docuit, ut similiter facerent, ut scilicet patrem et matrem propter Evangelium relinquerent (*Luc. ix*). Itaque

28

desiderio quærebam et non inveniebam eum, ut solitaria possiderem solitarium. Dixi ergo: « Surgam et circuito civitatem per vicos et plateas, quæram quem diligit anima mea. » Dixi et feci sic, cum enim circuiri per civitates et castella, prædictans Evangelium regni Dei, ego sequebar et quærebam eum. « Quæsivi illum, et non inveni. » Ille enim tanto intentus negotio, me matrem suam agnoscere quodammodo dissimulavit. Denique et quadam die, cum, « loquente eo ad turbas, dixisset ei quidam: Ecce mater tua et fratres tui foris stant quærentes te, ipse respondens dicenti sibi, ait: Quæ est mater mea, et qui sunt fratres mei? Et extendens manum in discipulos suos, dixit: Ecce mater mea et fratres mei. Quicunque enim fecerit voluntatem Patris mei qui in cœlis est, ipse meus et frater et soror et mater est (Matth. xii; Joan. xix; Luc. viii; Marc. iii). » Hoc modo me matrem suam agnoscere dissimulavit. Hoc est quod dico, « quæsivi illum et non inveni. » Post haec juxta crucem ejus steti. Sed nunquid hoc mihi fuit invenisse dilectum? Imo fuit mihi invenisse gladium, qui et pertransivit animam meam. Sepultus est, clausum et signatum fuit monumetum. Et ego quali mente quærebam eum? Quali desiderio desiderabam eum, sciens eum esse a mortuis resurrectum? Inde « non inveni illum. Invenerunt me vigiles, qui custodiunt civitatem. » Qui vigiles, vel quam custodientes civitatem? Discipuli ejus, quia ad hoc erant dispositi, ut custodirent, imo ut aedificarent civitatem veram Hierusalem, de qua, vel ad quam ipse dilectus, per Isæiam dixit: « Super muros tuos, Hierusalem, constitui custodes, tota die et tota nocte non tacebunt laudare nomen Domini (Isa. xxvi). » Isti vigiles jam tunc vigilabant, quia lugentes et flentes somnum non capiebant. Isti vigiles me invenerunt, et mulieres, quæ tota nocte vigilantes venerunt ad monumentum, quæ et emerant aromata, ut venientes ungerent eum (Matth. xxvii; Marc. xvi), invenerunt me, bonum certatim afferendo nuntium, quod resurrexisset, et quod vidissent eum. Et ego, inquam: « Num, quem dilexit anima mea, vidistis? » Vidi, aiunt, vidimus Dominum: « Surrexit vere, et apparuit Simoni (Luc. xxiv). » Visus est et duobus euntibus Emaus, et deinde stetit in medio nostrum et dixit: « Pax vobis, » et ostendit nobis manus et latus (Joan. xx), et obtulimus ei partem piscis assi et favum mellis, et manducabat coram nobis, et dixit: « Hæc sunt verba, quæ locutus sum ad

A vos, cum adhuc essem vobiscum (Luc. xxiv), etc., His atque aliis modis vidimus eum ipsa tertia die qua resurrexit. Hæc mibi dixerunt vigiles illi. Ego autem sic illum invenire cupiebam, ut jam nemo despiceret me dicentem, inveni illum, vidi illum, et ita factum est. Nam paululum cum pertransissem eos, inveni « quem diligit anima mea » et non quo-cunque, sed in cœlum vidi ascendentem, et apostolos ejus, misso de cœlis Spiritu sancto, vidi prædicantes gloriam Domini (Act. 1). Hæc mihi fuit inventio ejus, quem diligit anima mea, et ex illa inventione tenui eum, ut introducerem in domum matris meæ, et in cubiculum genitri:is meæ, scilicet Synagogæ. Hoc ex parte jam factum est, quia multi Judæorum crediderunt in eum: alii quidem obclisis cordibus me et ipsum repulerunt (Act. ii, iii), sed non dimittam donec illuc introducam eum. « Si enim, ait Scriptura, fuerit populus filiorum Israel quasi arena maris, reliqua convertentur ex eis (Isa. x). » Dilecta et dilectorum dilectissima, catena exemplum est animarum, ut similiter et ipse pro modo suo dilectum querant, et invenire eu-
piant. Dilectum namque in lectulo quærimus, quando in præsentis vita aliquantula require Redemptoris nostri desiderio suspiramus. Per noctem quærimus quia, etsi jam mens in illa vigilat, tanquam adhuc oculus caligat. Sed qui dilectum suum non invenit, restat, ut surgat, civitatem circumeat, id est, sanctam Ecclesiam electorum mente et inquisitione percurrat, per vicos et plateas quærat, id est, per angusta et lata gradiens, et aspiciat ut si qua invenire in eis valeat, ejus vestigia exquirat, quia sunt nonnulli etiam vita sæcularis, qui imitandum aliquid habent de actione virtutis. Quarantes autem nos vigiles inveniunt, qui custodiunt civitatem, qui sancti Patres, qui Ecclesiæ statum custodiunt, bonis nostris studiis occurront, ut suo verbo vel scripto nos doceant. Quos cum paululum pertransimus, invenimus quomodo diligimus, quia Redemptor noster, etsi humilitate homo inter homines, divinitate tamen supra homines fuit. Cum ergo transeunt vigiles, dilectus invenitur, quia, cum prophetas et apostolos infra ipsum esse conspicimus, illum qui natura Deus est, esse supra homines consideramus. Prius ergo inveniendus quæritur, ut post inventus strictius teneatur. Sancta omnium desideria, ut prædictimus, dilatione crescent, si autem dilatione deficiunt, desideria non fuerunt.

LIBER TERTIUS.

391 Tertia recapitulatio sonorum valde habet principium, scilicet tantam in admiratione exclamacionem, ut auditorem etiam dormitantem excitat et reddere possit attentum. Præmissa namque admiratione, « adjuro vos, filiæ Hierusalem, per capreas cervosque camporum, ne suscitatis, neque evigilate

faciatis dilectam donec ipsa velit, » de qua supra tractatum est, continuo sic exclamat divina vox: « Quæ est ista, quæ ascendit per desertum sicut virgula sumi, ex aromatibus myrræ et thuris et universi pulveris piginetarii? » Cujus rei, quæcum est hæc admiratio? Nimirum adm'ratio est hujus

dilecti singularis hujus sanctissimæ Virginis. Et quid admiramur? Vel quid nobis admirandum insinuat Spiritus sanctus per verba hujuscemodi: « Ascendit per desertum sicut virgula fumi, ex aromatibus myrræ et thuris et universi pulveris pigmentarii? » O feliciter mentis habitum, qui tam magnum habet præconium. Humilitas tua est, o ancilla Domini, beata Maria, quam tali admiratione Spiritus sanctus collaudat. Odor tuus, odor humilitatis tuæ præcipuus ascendit ad eu[m], ut vere sacrificium contributati spiritus. Quid enim est fumus et quid pulvis, nisi spiritus lacrymosus et conscientia valle humiliæ? Et sua quidem æstimatione vera humilitas est fumus innoxius, quasi cremii sive torris obusti, et pulvis terræ sine aqua et sipientis, juxta illud: « Quia defecerunt sicut fumus dies mei, et ossa mea sicut cremium aruerunt (*Psal. ci.*), » et sicut Abram dixit, loquar ad Dominum meum, cum sim pulvis et cinis (*Genes. xviii.*), sed non ita æstimatione Dei. Alter et melius ille te discernit. Tu dicas, pulvis sum terræ, qualem ventus dispergit, aura tollit, et ille dicit, non, sed pulvis pigmentarius, sive pulvis pigmentarii, pulvis myrræ et thuris, qualem pigmentarius Spiritus sanctus conficit ex optimo thure, quod est suavitas mentis, et ex myrra probatissima, quod est mortificatio sive incorruptio carnis. Tu dicas, fumus ego sum teter coram divinis oculis, qualis de camino sive de sumario deficiens ascendit, ascendens deficit, et ille dicit, non, sed fumus ex aromatibus myrræ et thuris, qualem decet ascendere de aureo thuribulo ante altare aureum, usque ad oculos et olfactum Domini (*Apoc. viii.*). Talis fumus, imo talis « sumi virgula, » tu, o B. Maria, suavem odorem spirasti Altissimo, cœlestibus disciplinis erudita atque extenuata. Talis ascendisti per desertum, id est, animam habens valde solitariam. Si enim vera cujusque animæ humilitas etiam inter turbas potest esse solitaria, ita videlicet, ut in nullo alio præterquam in Deo spem habeat, quemadmodum Esther, cum esset regina, veraciter tum dicebat: « Domine mihi, qui rex noster es solus, adjuva me solitaria, et cuius præter te nullus auxiliator est alius (*Esth. xiv.*), » quanto magis tu vera aut solitaria, et quasi in deserto eras, quæ virum non cognoscetas, nec cognoscere cupiebas, et ab illo, cui despontata fueras, pene fuisti deserta, non quia sanctus angelus, qui te solitariam invenerat, solitariam salutaverat, te commendat, et filium tuum, qui quasi pupillus in hoc sæculo nascitur erat (*Math. i.*). Digna ergo exclamatio, digna admiratio. « Quæ est ista, quæ talis ascendit per desertum? » sive de deserto? Vere mirabilis, et illi multum dissimilis, quæ descendit per paradisum, cecidit de paradiſo: non gracilis per humilitatem, sed nimis grossa et rigida per mentis tumorem. Propterea vultis scire, quam magna fuerit cura Altissimo de ista, quæ de superbis non curat? « En lectulum Salomonis sexaginta fortes ambunt ex fortissimis Israel: uniuscujusque eunis super femur

A suum propter timores nocturnos. » Quis enim est lectus vere et veri pacifici regis Salomonis, qui inter nos et Dominaum pacem composuit, nisi ille in quo divina natura humanam sibi naturam conjunxit? Et quis ille est, nisi uterus tuus, dilecta dilecti, uterus virginalis? Ibi namque divinitas Verbi Dei, Verbum Deus sese conclusit, et humanam naturam de tua carne formatam sibimet in unitate personæ inseparabiliter conjunxit, et ecce sponsus, id est, carnem nostram, cum anima rationali habens Deus, sponsus, inquam, Deus et homo Christus, sicut canimus in psalmo, et « ipse tanquam sponsus procedens de thalamo suo (*Psal. xviii.*) ». Quomodo talem tanti Salomonis « lectulum sexaginta fortes ambunt. » Vel qui illi « sexaginta fortes sunt? » Magnum et mirum mysterium, audituque et scitu dignum; sed prius est aliquid querendum. Cur sancti patres gladios habuerunt, aut cur gladiis licto usi sunt? Hodie vel hoc tempore, ex quo Evangelium effusit, ex quo ille sponsus de thalamo suo processit, sanctis ad perfectionem tendentibus non conceditur usus gladii. « Converte gladium tuum in locum suum (*Math. xxvi.*), » ait idem sponsus Petro, qui fortiter ac fideliter pro illo zelabatur, et quod uni dixit, omnibus dixit, ut post tempus belli, tempus pacis nunc esse sciamus (*Marc. xiii.*). Quare istud? Quam ob causam tunc fuit tempus belli, et nunc est tempus pacis? Videlicet quia radicem sive arborem bonam, quod erat genus Abrahamæ, ad quem primum beati séminis reprobatio facta fuerat (*Genes. xii., xxii.*), diabolus per barbaricos gentium vel regum impiorum gladios excidere atque extirpare volebat, unde sacræ historiæ plenæ sunt. Idcirco tempus belli tunc erat, idcirco materialibus gladiis tunc opus erat, ut defensaretur genus Abrahamæ, ut defensaretur radix **392** Jesse, defensaretur, inquam, atque protegeretur genus et radix David, donec tu, beata Virgo, nascereris, lectulus, ut jam dictum est, veri Salomonis. O igitur verum et bonum consilium, quod lectum Salomonis « sexaginta fortes » ex fortissimis Israel ambierunt. Et, qui fortes vel fortissimi illi sunt vel fuerunt? Numeremus illos omnes, qui pro defensione speci vel expectationis Abrahamæ gladiis laudabiliter usi sunt cum prophetis, quorum libri exstant, quique contra gladios materiales regum impiorum, gladium spiritualem, gladium Verbi Dei, non solum loquendo, verum etiam scribendo evaginaverunt, et sexaginta fortes sunt (*Ephes. vi.*). Primus Abraham fortissimus, gladio accinctus, sicut probatum est in illis, de quibus prædam reduxit, et Lot filium fratris sui liberavit de quatuor regibus (*Genes. xiv.*). Secundus Isaac paterno gladio sacratus, et deinde potentia plus quam regia clarus, ita ut diceret ei rex Abimelech, « Recede a nobis, quia potentior nostri factus es valde (*Genes. xxvi.*) ». Tertius Jacob, et ipse fortis in gladio, sicut testatur ipse Joseph, loquens filio suo: « Do tibi partem extra fratres tuos, quam acquisivi in gladio et arcu meo. » Quartus idem Jo-

seph, potentia regis potens, quasi rex vel regis pater (*Genes. xlj.*). Quintus Moyses, sextus Aaron, septimus Phinees, octavus Josue, nonus Caleph filius Jephone; deinde duodecim judices, qui judicaverunt et liberaverunt Israel, et sunt viginti et unus (*Judic. iii.*). Vicesimus secundus Samuel (*I Reg. vii.*), vicesimus tertius David (*I Par. xxii.*), vicesimus quartus Elias, vicesimus quintus Eliseus, vicesimus sextus Joiada pontifex clarissimus et Domini benedictus, vicesimus septimus Zacharias, filius ejus, qui cultum Baal, quem Elias et Eliseus exterminaverunt de Samaria per manum Jehu, Jezabel interfecta, deleverunt de Juda et Hierusalem, occisa Athalia alia ejus impiissima, vicesimus octavus rex Ezechias, vicesimus nonus rex Josias, tricesimus propheta nobilissimus Isaia, post istos duodecim prophetæ, quorum libri exstant, qui et minores dicuntur, et sunt quadraginta duo. Quadragesimus tertius Hieremias, quadragesimus quartus Ezechiel, quadragesimus quintus Daniel, et cum eo tres socii ejus Ananias, Azarias, et Misael, et sunt quadraginta octo (*Dan. iii.*). Quadragesimus nonus Esdras, quinquagesimus Neemias, quinquagesimus primus Zorobabel, quinquagesimus secundus Ihesus, sacerdos magnus filius Iosedech in reversione captivitatis et reædificatione civitatis vel templi. Quinquagesimus tertius cum regina Esther Mardochæus, qui ambo jure pro uno reputantur, quia regalis dignitas sive sublimitas Esther fuit, Mardochæi gladius. Quinquagesimus quartus Matathias, quinquagesimus quintus Judas Machabæus. Post illum Jonathas et Simon duces alter post alterum successerunt; et deinde Judas et Joannes, qui et Iiircanus filii Simonis novissimi contra pardum, id est, regem Græcorum præliati sunt, et sunt quinquaginta novem. Quibus adde hunc ipsum per quem Spiritus sanctus haec locutus est, regem Salomonem (*II Par. xxii.*), et sunt sexaginta. Nam Josaphat rex fuerat quidem de fortibus, sed non de fortissimis Israel, quia impio præbuit auxilium, et his qui oderunt Dominum amicitia junctus est per Athaliam filiam Jezabel uxorem filii Joram, quæ cultum Baal introduxit in Hierusalem, et omnem impietatem, propter quam necessarii fuerunt gladii fortissimorum Israel (*III Reg. xxii.*). Omnes tenentes gladios, et ad bella doctissimi. Vere tenentes et jure tenentes gladios tam sacerdotes, quam reges, tam patriarchæ, quam ducis, tam prophetæ, quam judices si rationem temporis supradictam rite consideres. Nonandum enim processerat sponsus de thalamo suo, et adhuc laborabat diabolus per satellites et ministros suos, reges Ægyptios, reges quoque Israëliticos scissos a domo David, reges Assyrios sive Babylonios, reges Persicos sive Medos, reges Græcos sive Macedonicos; laborabat, inquam, et laboraverat atque contenderat diabolus serpens antiquus, obsistere volens Dei proposito, ne impleretur promissio, ne collocaretur hic lectus sive thalamus, ne esset unde nasceretur haec beata et dilecta Virgo

A de cuius utero procedere oportebat dilectum, tanquam sponsum de thalamo suo. Isti erant timores nocturni, quæ dicit hoc modo, « uniuscujsusque ensis super semur suum propter timores nocturnos. » Hinc vere ad bella doctissimi, quia cur bellarent causam præ oculis habebant hujusmodi. Et revera pro causæ hujus consideratione percutiendo et occidendo impios, juvat et delectat sive Eliam sive quemlibet alium prophetam aut sacerdotem audire dicentem: Maledictus qui retrahit gladium suum a sanguine, quia videlicet ille erat sine zelo justitiae. Mirum spectaculum, quia cum haec diceret ille realis sive temporalis rex Salomon, habebat et ipse sexaginta fortis ambientes lectum suum, id est, pacatissimum et quietissimum regnum suum. Nam B de patre suo David sibi relictos habebat fortis triginta et septem, quorum primus Eleazar, filius patrui David Ahoi, novissimus scribitur Urius Ethæus. Et quidem mystica littera sic se habet: Eleazar inter tres fortis et Abisai frater Joab, filius Sarvia, princeps erat de tribus, et haec fecit Banaias filius Joiadæ, et ipse nominatus inter tres robustos qui erant inter triginta nobiliores, tanquam ad mysterium intendens eorum, qui propter fidem Trinitatis agorizatur erant, quasi distinctis ordinibus secundum triginta et tres, qui uterque numerus ternarius est, alter singularis, alter decenus, sed in summa omnes triginta septem sunt. Quibus adde principes undecim, quos habebat rex Salomon, reguans super omnem Israel, et duodecim praefectos qui præbehant annonam Regi et domui ejus, quos omnes, videlicet et principes et praefectos suis ex nominibus Scriptura commemorat, et sunt sexaginta, excepto quod Banaias filius Joiadæ, vir fortissimus et magnorum operum, hoc pacto bis nominatur. Illi sexaginta fortis ex fortissimis Israel, tam virtute animi quam corporis fortitudine, tunc temporaliter ambierunt lectum, id est, tutati sunt quietissimum regnum Salomonis temporalis, et sicut in ceteris laudabilibus atque memorabilibus, quæ gessit idem Salomon, ita et isto numero fortium magnum sacramentum per pulchrum rex sapientissimus prospexit mysterium, de quo jam pro posse dictum est. Et tunc quidem gladii, sicut jam dictum est, necessarii fuerunt, nunc autem sola necessaria sunt testimonia Scripturarum, et ipsæ inter eosdem gladios divinitus provisæ sunt, ut tunc conderebantur, quæ nunc in suo tempore legerentur, quas legentes atque credentes vitam in ipsis haberemus (*Joan. v.*). Unde protinus sequitur: « ferculum fecit sibi rex Salomon de lignis Libani. Columnas ejus fecit argenteas, reclinatorium aureum, ascensum purpureum. Media charitate constravit propter filias Hierusalem. » Ferculum namque regis Salomonis, Scripturæ sunt veritatis omnes una mensa Dominus cuncta regentis, et omnibus providentis, quemadmodum Psalmista dicit: « Dominus regit me et nihil mihi deerit, in loco pascuae ibi me collocavit (*Psal. xxii.*). » Quid enim est, in loco pascuae

ili me collocavit, nisi fecit me studere in Scripturis? Ibi regit me, scilicet ne quid prave intellegam, et nihil mihi deerit, videlicet quod ad intelligendum mihi necessarium sit. Altissimum est hujusmodi ferculum et habet ascensum. Qualem **393** ascensum? Purpureum. Quid est ascensus purpureus? Deus et homo Christus, pro salute hominum passus et sanguine suo purpuratus. Istud credere, ascendere est. Qui sic ascendit, illum ad refectionem vitae, quae est in Scripturis divinis admittit. Nam qui sic non ascendit, qui non credit, nunquam Scripturas intelligit. Idecirco Iudei non intelligunt, et cœci sunt, quia non ascendunt per hanc ascensum purpureum; non credunt Christum de Maria Virgine natum, et eum qui a patribus ipsorum crucifixus est, Deum esse ac Dominum, regem Salomonem verum, regem æternum. Exempli gratia: « Deus iudicium tuum regi da, et justitiam tuam filio regis (*Psalm. LXXI*), » etc. Quomodo haec et horum similia intelligit, qui alium Salomonem, alium regem sive filium regis non recipit, nisi illum hominem, qui suo tempore regnavit, et mortuus est, sicut cœteri homines? Nimis arduum est illi ferculum hoc regis, nec attingere potest quidquam de vitalibus cibis, quos ibi sapientia præparavit. Unde rex Salomon hoc ferculum fecit? De lignis Libani, id est de hominibus sanctis, hominibus fidei imputribilibus, quorum quamdam similitudinem habent ligna Libani, id est cedri, per id quod sunt naturæ imputribilis. Quomodo fecit? Eo videlicet modo, quo ad illos factum est Verbum Domini. Ipse enim rex Salomon erat Verbum Domini, et per Spiritum sanctum corda illorum implevit, et linguis disertas fecit, ut de celestibus scirent eloqui, qui non ab hominibus, neque per homines fuerant docti, atque ita locuti sunt et scripserunt, quæ pascua vitae in quibus homo vivit, quemadmodum ipse dicit: « Non in solo pane vivit homo, sed in omni verbo quod procedit de ore Dei (*Deut. VIII; Matth. IV*). » Ibi est argenteum, ibi est aurum, nam « columnas ejus fecit argenteas, reclinatorium aureum. » Quod est illud argenteum, et quod illud aurum? Argentum illud est exterius eloquium valde nitidum; aurum vero interior maiestas sensuum. Aurum, inquam, imo desiderabilia sunt super aurum et lapidem pretiosum multum (*Psalm. XVIII*), quæ intrinsecus latent; nitidiora vero super argentum, quæ extrinsecus patent. « Eloquia Domini, » inquit Psalmista, « eloquia casta, argentum igne examinatum, probatum terræ, purgatum septuplum (*Psalm. II*). » Quod dicit casta, quod dicit argenteum, ad hanc similitudinem dicit, quia sicut casta mulier a labe corruptionis est immunis, et sicut argenteum bene excoccum a cunctis sordibus redditur vacuum; sic verbis sive eloquii Domini nihil falsitatis, nihil superfluitatis potest esse admitem. Cunctam hominum sapientiam, cunctam rhetorum sæculi hujus eloquentiam exsuperat hoc regis Salomonis ferculum, scilicet omne canonicarum corpus Scripturarum, unde hic animæ vivere inci-

A piunt et in æternum vivunt, « Media charitate constravit propter filias Hierusalem. » Quomodo constravit, ipse dicat rex Salomon. Audivimus, quia dicit ipse: « In his duobus mandatis universa lex pendet et prophetæ (*Matth. XXI*). » Dixerat enim interrogatus a Pharisæis, quod esset mandatum magnum in lege: « Diliges Dominum Deum tuum ex toto corde tuo, et ex tota anima tua, et ex tota mente tua. Ille est maximum et primum mandatum. Secundum autem simile est huic: Diliges proximum tuum, sicut te ipsum. » Statimque intulit: « In his duobus mandatis universa lex pendet et prophetæ (*ibid.*). » Vere dixit, et antiquam veritatem dixit. Quid enim aliud ab antiquo Dominus petit: « Et nunc Israel, inquit Moses, quid Dominus Deus tuus petit a te, nisi ut timeas et diligas eum in toto corde tuo, et in tota anima tua? » (*Deut. X.*) Ergo media ferculi rex Salomon « charitate constravit, » id est in medio Scripturarum principatum charitatis posuit, quia revera, de quo pendent cætera omnia, illud recte medium ac principale dicitur et est. Ut quid media taliter « charitate constravit? » Propter filias Hierusalem. Quas propter filias Hierusalem? Quæ sunt illæ filie Hierusalem? Animæ fideles, amantes quidem Hierusalem veluti matrem, sed virilem, id est perfectam, nec dum habentes in operibus justitiae virtutem, scilicet in hoc, omnia relinquere propter regem Salomonem, ut suum quoque pro illo valeant erogare sanguinem, aut in virgineo proposito sacram et beatam sponsi et sponsæ, dilecti et dilectæ, de quibus hic sermo est, jugem celebrare festivitatem. Quomodo vel in quo filiabus hujusmodi proficit, quod media ferculi rex Salomon « charitate constravit? » Nimirum in eo, quod facere possunt, et suum faciunt illud quod est aliorum, quod est virorum sive fortium. Verbi gratia, non sunt carne virgines, sed bonum virginitatis in te, o beata Maria, diligendo, suum faciunt. Non alia præter te genuit regem Salomonem, regem tam magnum, tam magnificum, sed illæ, diligendo in te hoc tam grande privilegium, regis ejusdem matres sunt. Item, non sunt martyres, neque sufficiunt inter fortes præliari, et pro amore regis Salomonis fundere sanguinem suum, sed martyres diligunt, et diligendo illos, gloriam eorum suam faciunt. Amplius dicam: non sunt dñi, sed diligendo Deum, dñi vel filii Dei sunt, sicut scriptum est: « Ego dixi, dñi estis, et filii Excelsi omnes (*Psalm. LXXXI*). » Proinde quid sequitur? « Egredimini et videte, filiae Sion, regem Salomonem in diademate, quo coronavit eum mater sua in die despontationis illius, et in die latitiae cordis ejus. » O igitur, filiae Sion, sive filiae Hierusalem, quoniam ferculum ejusmodi fecit sibi rex Salomon, et quoniam propter vos « media charitate constravit, » venite ad nuptias; venite et aspicite, « egredimini et videte hunc regem, » hunc « Salomonem » pacificum, et pacis principem, « in diademate » regali, in charitate nuptiali, qualis, quantus, quam gloriose sit. Nolite hoc solum considerare, qualis sit in carnis mea, qualis natus in diversorio, qualis collocatus

In præsepio. Egredimini ex istis angustiis, et videte illum « in diademate » suo, « quo coronavit eum mater sua, » scilicet antiqua patriarcharum et prophetarum Ecclesia, cuius fiduci promissus est, cuius de carne progenitus est. Antequam nasceretur, fecit ei mater sua illud pretiosum diadema, quo coronari deberet, et unde cognoscendus foret magnus et spectabilis rex. Quod est illud diadema? Nimirum clarissima propheticæ veritatis auctoritas, cuius quot sunt præconia, tot gemmarum, tot pretiosorum lapidum, est hujus Salomonis diadema, in die desponsationis illius, quo de utero meo, « tanquam sponsus » processit « de thalamo suo, » et in die lætitiæ cordis ejus, quo spinea coronatus corona labore consummavit, et subsequenti lætificatus resurrectionis triumpho. Et in die lætitiæ illius, et « in die desponsationis » illius, et in illo diademate videndus et ex illo est diademate, quantus sit agnoscendus. Exempli gratia: « Parvulus natus est nobis: Filius datus est nobis (Isai. ix), » et cætera, usque amode, et usque in sempiternum. Et alibi: « Catulus leonis Juda, ad prædam, fili mi, ascendisti. Quiescens accubisti ut leo, et quasi leæna. Quis suscitabit eum? Non auferetur sceptrum de Juda, et dux de femoribus ejus (Genes. XLIX). » etc. Ex hujusmodi sententiis et dictis propheticis, ex hujusmodi auro et lapidibus, quam multis, quam pretiosis, fabricatum vel compositum est diadema regis veri Salomonis. Nolite ergo eum solummodo in præsepio considerare, sed egredimini mente ex isto, in quo natus est, diversorio, et ex 394 illo, in quo judicatus est, Pilati prætorio sive auditorio, et videte eum in præsepio simul et in diademate, in cruce simul et in ea, qua coronavit eum Deus Pater gloria et honore. Et quis fructus visionis ejus? Ille nimirum, qui in propheta promittitur, regem in decoro suo videbunt oculi ejus. Qui enim hic, ubi ambulamus per fidem et nondum per speciem, viderit, et videre voluerit per speculum in ænigmate (I Cor. ii) regem Salomonem, in tali diademate, videbit eumdem in decoro suo regem, videbit eum facile ad faciem, quando, veniente eo quod perfectum est, evacuatum fuerit, quod ex parte est. Sequitur:

CAP. IV. — « Quam pulchra es, amica mea, quam pulchra es: oculi tui columbarum absque eo quod intrinsecus latet. Capilli tui sicut greges caprarum, quæ ascenderunt de monte Galaad. Dentes tui, sicut greges tonsarum quæ ascenderunt de lavacro. Omnes gemellis fetibus et sterilis non est inter eas. Sicut vita coccinea labia tua, eloquium tuum dulce. Sicut fragmen mali Punici, ita genæ tuæ, absque eo quod intrinsecus latet. Sicut turris David collum tuum, quæ ædificata est cum propugnaculis. Mille clypei pendent ex ea, omnis armatura fortium. Duo ubera tua, sicut duo binnuli capreæ gemelli, qui pascuntur in liliis, donec aspiret dies, et inclinentur umbræ. » O pulchritudo admirabilis, quam sic admiratur et collaudat pulcherrimus auctor ipse pulchritudinis septem præconiis. Consideravit oculos,

A capillos, dentes, labia, genas, collum et uera, et pro singulis dilectus singula decantavit dignæ collaudationis capitula. Audiant hæc pueri, et sic se habeant ad cantationem hujusmodi, sicut filii nuptiarum læti et jucundi, longe dissimiles illis, quibus ipse quodam loco dicit: « Cantavimus vobis, et non saltastis (Matth. xi), » id est monstravimus vobis ea, quibus delectatur Deus, et ad illa vosmet ipsos aptare neglexistis. Quid enim septem istis modulis decantatur? Quid in te, o dilectissima dilectorum, Virgo virginum, laudatur a dilecto laudabili, quem laudat omnis chorus angelorum? Laudatur simplicitas, munditia, innocentia, doctrina, verecundia, humilitas, mentis et carnis integritas, sive incorrupta virginitas. In oculis simplicitas, in capillis cogitationum tuarum munditia, in dentibus innocentia, in labiis doctrina, in genis verecundia, in collo humilitas, in überibus tuis admiranda et spectabilis est cum secunditate virginitas. Simplicitas tua, prudentia tua est; munditia tua, supernorum desiderium est; innocentia tua, religiositas est; humilitas tua, vera contra diabolum fortitudo est; virginitas tua, matrum sive matronarum decus est. Hi sunt dulces moduli musicæ cœlestis, quos libenter audivimus et intelligimus in verbis istis jam diligentius pertractandis. Primum hoc est pulchritudinis tuae prædicamentum.

« Oculi tui columbarum, absque eo quod intrinsecus latet. » Oculi columbarum et oculi cervorum, hoc differunt, quo dulcedo simpliciter diligentium, et multiplex amaritudo invidentium. Simplicitas columbarum septem habet insignia virtutum naturalium. Hæc namque avicula, primum sine felle est, deinde nihil vivum comedit, pullos alienos nutrit, grana semper candidiora colligit, in petris nidificat, gemitum pro cantu habet, libenter juxta fluenta residet, ut venientem accipitrem ex umbra præcognitum effugiat pernicieter. Tu maximè, o misericordie mater, sine felle es: nihil enim unquam habuisti invidiæ, nihil odii, quod familiare est rapacibus corvis. Nihil vivum columba comedit, et tu longe ab illis es, de quibus scriptum est, qui devorant plebem meam sicut escam panis (Psal. XIII, LI). Pullos alienos columba nutrit et nos qui eramus alieni secundum carnem a genere tuo, ecce vivimus tuis meritis. Grana candidiora columba colligit, et tu conferens in corde tuo testimonia de Scripturis, creditum tibi conservabas secretum Dei (Luc. II). Columba in petris nidificat, et tu in solitudine fidei permanens, evasisti serpentis antiqui venena. Columba gemitum pro cantu habet, et tibi gemere dulce fuit, eo quod præ cunctis mortalibus mente vulnerata es. Columba juxta fluenta residet, tibi autem vel tuo pectori omne fluentum Scripturarum, quam contiguum est! Nunquam adventus spiritalis accipitris tibi esse improvisus, aut te consequi, immo nec tibi appropinquare potuit. Igitur oculi tui columbarum, et hæc vera pulchritudo est, absque eo quod intrinsecus latet, quod solus in te Deus videt,

nobis autem quia inexpertum, idcirco ineffabile imo et incogitabile est. Si enim quispiam dixit, et teste Deo vel conscientia, non mentiens, dixit raptum se fuisse in paradisum, sive ad tertium cœlum, ita ut nesciat, sive in corpore, sive extra corpus raptus fuerit et audisse arcana verba, quæ non licet homini loqui (*II Cor. xii*), quanto magis tu, regina cœlorum, persæpe cœlestibus interfuisisti, quippe quam et circumstiterunt obstetricium vice, gloriam Deo concinantes angeli: et inter hæc didicisti vel assecuta es aliquid, quod latet et latè nos debet? « Capilli tui, sicut greges caprarum, quæ ascenderunt de monte Galaad. » Qui « greges caprarum, » vel quando « greges caprarum » apparuerunt « de monte Galaad? » Utique greges rationales, « greges caprarum » rationalium tunc apparuerunt, quando cœperunt homines ejusmodi esse, de qualibus Apostolus dicit: « Circuierunt in melotis, in pellibus caprinis, » et cetera usque, « et in cavernis terræ (*Hebr. ii*). » Quando cœperunt esse homines ejusmodi, vel unde apparuerunt homines hujusmodi conversationis? Nimurum quando Jezabel interficiebat prophetas Domini, tunc apparuerunt « de monte Galaad, » id est de civitate ejusdem nominis Galaad. Sic enim scriptum est: « Et dixit Helias Thesbites, de habitatoribus Galaad ad Achab: Vivit Dominus Deus Israël, in cuius conspectu sto, si erit annis his ros et pluvia, nisi juxta oris mei verba. Et factum est verbum Domini ad eum, dicens: Recede hinc, et vade contra orientem, et abscondere (*II Reg. xvii*), » etc. Haec dixit, et hæc fecit ille primus auctor, et institutor eorum, qui dicti sunt filii prophetarum, quos fuisse monachos in Veteri Testamento, consentit auctoritas Patrum venerabilium. Et recte dicitur apparuisse, quia jam dictus institutor illorum Elias, sic repente illic introducitur, ut antea nusquam Scriptura meminerit, quis vel unde fuerit progenitus. Qui « capilli tui, » vel unde capilli tui, similes gregibus illis? Nimurum cogitatus tui subtilissimi in eo fuerunt, ut fugeres ad desertum gentium, propter sanguinem quem Synagoga multum effudit, sicut illi in solitudines fugerunt, propter sanguinem quem Jezabel primum fudit, secundum nomen suum, quod interpretatur « fluxus sanguinis, » intersciens prophetas Domini. In hoc « similes » illis gregibus « capilli tui, » id est sicut illi, imo plus quam illi, omnes cogitatus tui, omnis meditatio tua, solitudinem et requiem in omnibus quæsivit, procul a tempestatibus Judaicis, quia suam justitiam statuere volentes, justitiæ Dei subjecti non sunt, Synagoga peccatrix, et per omnia Jezabeli similis, quam Elias, quod interpretatur « Dominus Deus, » et post eum filii prophetarum (*Rom. x*), non sine causa fugerunt, juxta illud: « Et dixi, quis dabit mihi pennas, sicut columbæ, et volabo, et requiescam (*Psal. liv*). Ecce elongavi fugiens, et mansi in solitudine, et exspectabam eum, qui salvum me fecit a pusillanimitate **395** spiritus et tempestate (*Psal. liv*). » Et tu columba illis similis, et quis illorum tibi colum-

A bæ similis, bæ similitudo in capillis, non solum propter illa quæ jam dicta sunt, verum etiam quia tu quoque longum in cogitationibus tuis, præscia futuræ passionis filii tui, pertulisti martyrium, sicut illi diu egentes, angustiati, afflicti, omnes testimonio fiduci probati inventi sunt (*Hebr. xi*). « Dentes tui sicut greges tonsarum, quæ ascenderunt de lavacro. Omnes gemellis fetibus, et sterilis non est inter eas. » Quam pulcher ordo! Primum oculi, et post oculos capilli, post capillos dentes lavantur innocui. Respicite, amici, ad sinistram; considerate Eam, mulierem odiosam, huic dilectæ oppositam, et oculis, et capillis, et dentibus et labiis, et genis, et collo, et uberibus infaustis. Oculi ejus non sicut columbarum, imo sicut oculi corvorum rapacium. Scriptum est enim: « Vedit igitur mulier lignum, quod bonum esset ad vescendum, et pulchrum oculis, aspectuque delectabile, et tulit de fructibus ejus et comedit (*Genes. iii*). » Habet autem ambitionem hujusmodi, comedite « et eritis sicut dei (*ibid.*). » Ergo capilli ejus, id est ambitio ejus, non sicut supradictarum greges caprarum, qualium est cœlestis desiderium, sed sicut filie princeps super omnes filios superbiae, qui dixit in corde suo, ascendam super altitudinem nubium, similis ero Altissimo (*Job xl*). Dentes vero ejus quales fuerunt? Nimurum sicut dentes leonum qui momorderunt, et mordendo ventum, venturæ posteritatis suæ animas interficerunt. Si enim de filiis ejus veraciter dictum vel scriptum est: « Filii hominum dentes eorum arma et sagittæ (*Psal. lvi*); » et illud: « Deus conteret dentes eorum in ore ipsorum, molas leonum confringet Dominus (*Psal. lvii*), » quanto magis de illa, quæ tali consilio momordit, cujus morsus tam malus proventus exstitit, recte quis dicat, quia dentes ejus arma ferrea fuerunt, dentes ejus molæ sive molares fuerunt. At « tui dentes » o amica mea, « sicut grex tonsarum, quæ ascenderunt, » id est certissime ascendent « de lavacro. » Cum enim posuero, sive de memetipso de latere meo lavacrum regenerationis, lavacrum sanguinis et aquæ profudero (*Joan. xix*), sanctique Spiritus invocationem dedero, tunc lavabuntur oves, pro quibus animam meam pono et mundabuntur eodem lavacro, nec emundatione simplici contentæ, vellera sua deponent, vellera rerum, vellera facultatum suarum, ut nihil habeant proprium, sed sint illis omnia communia. Hujusmodi tonsæ omnes sunt gemellis fetibus, et sterilis non est inter eas. In quo gemellis fetibus? In eo videlicet, quod et præceptum impleverunt vel custodiæreut, et consilium suo addiderunt. Quod est præceptum, aut quod consilium? Utique præceptum est, non rapere aliena, consilium, relinquere etiam sua (*Matth. v*). Consilium istud tum præcepto sibi met composuerunt, et hoc est bonum geminum, hæc est fecunditas fetuum gemellarum. Sic sunt, o amica mea, dentes tui, id est talium innocentiam tibi proponebis, cum ejusdem innocentiae magistra sis, multo excellentior qualibet ovium sive arietum talium,

quorum utique non est dentibus male uti, scilicet invicem mordere, vel detrahere, et ab invicem consumi. Et quidem grex ille, quicunque talis est, sibi magistrum scit, tu autem cunctis humilio, de omnibus pene altiora sentis, et videris tibi capras et oves meas imitari, quas longe praecedis. « Sicut vita coccinea labia tua, et eloquium tuum dulce. » In quo sicut vita coccinea labia tua? Nimurum in eo, quod sermo tuus a veritate non discordat, imo cum veritate multum concordat. Principium veritatis hoc est, ut non defendat se contra Deum, imo accuset ante Deum quispiam filiorum vel filiarum Evæ, quæ dissolvit amicitiam inter se et Deum proterva defensione. Si vitam hujusmodi habuisset, si vineulo perfectionis, quod est dilectio, sese Creatori astrinxisset, paries iniuriantarum in medio non surrexisset (*Ephes.* ii). In labiis tuis « confessio et pulchritudo » est, in labiis tuis « sanctitas et magnificentia » est (*Psalm. xcvi*). Haec Deo fuit muta, tu autem magnificasti Dominum mente ardentissima, voce suavissima, et haec est vita coccinea, quia charitas est ignea, qua bene cum eo ligata, sic Deo adhaesisti, ut unus cum eo spiritus sis (*I Cor. vi*). Hinc « eloquium tuum dulce, » quia videlicet ex abundantia cordis os loquitur, et dulcedinem, quæ abundat interius, sapit sermo, qui redundat exterius. Ecce Rhaab meretrix dulcis eloquii tui vittam coccineam, sive tunicum coccineum, in fenestra sua ligavit, signum sue fiduciæ, quod nuntios Josue sive Jesu suscepit atque salvaverit (*Jos. ii*), dum Ecclesia quandam peccatrix, et idolatriæ meretricio sordida, dulce eloquium tuum, quo magnificavit anima tua Dominum (*Luc. i*), pignus suæ salutis jugiter personat, et omnem doctrinam evangelicam, in qua ipsos apostolos tua sine dubio labia confirmaverunt, integræ semper fide prædicat (*I Cor. i*). Et de omni quidem anima, quæcunque diversa sentientes ad unitatem sua prædicatione constringit, ut idipsum dicant omnes, et hoc agit « in charitate et fide non flecta (*I Thim. i*), » verum est dicere, quia « labia ejus sicut vitta coccinea, » sed in ista gratia cæteris omnibus es incomparabilis, post me dilectum tuum, cui specialiter Spiritus in psalmo dicit : « Diffusa est gratia in labiis tuis (*Psalm. xliv*). » — « Sicut fragmen mali Punici, ita genæ tue, absque eo quod intrinsecus latet. » Malum Punicum dicitur, eo quod ex Punicâ regione sit genus ejus translatum. Idem et malum granatum, eo quod intra corticis rotunditatem granorum contineat multitudinem. Negant medici mali hujus cibo corpora nutriti, sed eo sic utendum opinantur, ut medicari potius, non altere videatur. « Ita, inquit, genæ tue sicut fragmen mali Punici, » id est, verecunda es, sicut decet virginem, longe dissimilem filiabus illis, quarum cuiilibet diendum fuit : « Frons mulieris meretricis facta est tibi, et erubescere nolusti (*Hier. iii*). » Fragmen mali Punici et rubet, et amplius quam integrum malum redolet. Sic tu et singulariter verecunda es, et multis per bonam opinionem in bono exemplo pro-

A ficies. Quid autem est dicere, « absque eo quod intrinsecus latet, » nisi ac si diceret : Et illud, quod intus in conscientia latet, amplius laudabile est? O vere laudabilis verecunda, ubi et intus conscientia munda, et foris facies verecunda est. Nam ubi est aliquid, quo mens erubescat, non audeo laudabile est, si conspectam faciem rubor perfundat. Igitur tua verecunda quid est, nisi religiositas summa? Et hæc virtus, sine dubio, malo Punico debuit assimilari, quia grata est intuentum oculis, et interdum suo silentio non minus ædificat, quam sermo prædicationis. Unde in tunica pontificis deorsum ad pedes ejusdem tunice : « Facies, inquit Dominus ad Mosen, per circuitum, quasi mala Punicâ ex hyacintho, purpura et coco bis tincto, mistis in medio tintinnabulis, ita ut tintinnabulum sit aureum et malum Punicum rursumque tintinnabulum aureum et aliud malum Punicum, et vestietur ea Aaron in officio ministerii, ut audiatur sonus, quando ingreditur et egreditur Sanctuarium, et in conspectu Domini, et non moriatur (*Exod. xxviii*). » Malum quippe Punicum in medio tintinnabulorum, religiosum atque operosum est silentium, maxime sexus feminei, in societate fidei vel doctrinæ prædicatorum, qualis tu præcipue fuisti, Virgo virginum, in adjutorio, vel etiam regimine prædicantium apostolorum, cujus etsi verba noui 396 leguntur, vel audiuntur, ubi prædicaverunt, opera tamen vel merita non ignorantur, non minora, imo majora tinnit prædicantium. Illud quoque factitium malum Punicum rubicundum erat, utpote non ex solo hyacintho, qui color aerius vitam significat cœlestem, verum et ex purpura et coco bis tincto factum. Et « ita genæ tue, » o dilecta verecunda, et magistra competenter verecundiae sive religionis necessaria, cuius verecunda tanto est laudabilior, quanto conscientia gloriosior, tutior atque securior. Sicut turris David collum tuum, quæ ædificata est cum propugnaculis. « Quid erat turris David? Putasne illa turris manufacta, de qua legitur, Cepitque David Sion, haec est civitas David? Imo turris David non manufacta fuit, cui tuum, o dilecta, collum debeat assimilari, et haec est humilitas David. Atque hic sensus placet magis. « Filiæ Sion, ait Dominus Deus apud Isaiam, elevatae sunt et ambulaverunt extento collo, et nutibus oculorum ibant et plaudabant (*Isa. iii*). » Haec fuit superbiz illarum. Propterea expugnari potuerunt. Tuum autem collum nequam extentum fuit, sed est sicut turris David, id est sicut humilitas David, per quam ille coram Deo fortis, et contra homines stetit inexpugnabilis. Ipse enim quasi tenerimus ligni vermiculus, qui et cum esset rex unctus, dixit ad Saul, cum cum ille persequeretur : « Quem persequeris, rex Israel, quem persequeris? Canem mortuum, et pulicem unum (*1 Reg. xxiv*). » Turris ista ædificata est cum propugnaculis, et mille clypei pendent ex ea, omnis armatura fortium, id est hanc ejus tantam humilitatem cæteræ virtutes consecutæ sunt, maximeque

fortitudo et sapientia, sicut scriptum est : David se-deus in cathedra, sapientissimus ipse est, quasi terrimus ligni vermiculus, qui octingentes interfecit impetu uno. O qualis haec turris, qualia pro-pugnacula ! Ex ea mille clypei pendent, omnis armatura fortium, qui propter humilitatem accepit, ut caneret et scriberet verba fortitudinis, verba sapien-tiae et veritatis tam multa, ut millenarius numerus vult intelligi, tam fortia, ut omnibus exinde armatis fortibus nihil falsitatis obsistere possit. Ita collum tuum, imo et ultra quam turris illa, collum tuum, id est humilitas tua, quae sedet vel patet in collo tuo non extento, ædificata est cum propugnaculis, et mille clypei pendent ex ea omnis armatura fortium. Nihil enim deest illic omnium, quae continentur in Scripturis veritatis, et neque invisibilis diabolus, ne-que visibilis homo hereticus econtra potuit unquam vel poterit. Adde illud, quod maximum est, quia Verbi cuius mysteria consecuta est, ut caneret humilitas patris tui David, Verbi, inquam, ejusdem sub-stantiam concepit, et incarnatam peperit humilitas Iesu, o filia David. « Duo ubera tua, sicut duo hin-nuli capreæ gemelli, qui pascuntur in liliis, donec aspiret dies et inclinentur umbræ. » O ubera vere galissima atque pulcherrima, duo ubera manu Al-tissimi formata. Haec sunt virginitas et secunditas, quarum pulchritudo in tuis, dilecta, uberibus ca-tatis, uberibus semineis, quae me lactaverunt, maxi-mus spectanda est. Spectate, amici, ubera haec, imo in uberibus istis duo haec, virginitatem atque secundi-tatem. Nonne sunt haec sicut duo hinnuli capreæ gemelli ? Nunquam visum est simile huic in monti-bus, sive collibus nostris; sed neque videbitur in seculis superventuris, ut uni capreæ flant duo tales hinnuli gemelli, ut uni seminae contingat, quatenus eisdem uberibus et filium lactet, et virgo sit. Aspi-cite hoc et admiramini, videte et congratulamini, quia caprea haec tales hinnulos ita geminos edidit, quia semina haec, dum quasi caprea per montes traxit, dum cœlestibus vel supernis animo intendit, gemella haec plena gratia dona feliciter apprehen-dit, ut et mater et virgo sit. Quid faciemus gemellis istis ? Pascuntur, et pascunt in liliis, donec aspiret dies, inclinentur umbræ, id est secreto custodian-tur, in silentio habeantur, nec publice prædicentur, quod ita sint gemelli, donec resurgam a mortuis, quod est aspirare diem, et inclinari umbras morti-tatis. Omnino secreta sunt in liliis haec, id est in illis sive penes illos, quibus inest et candor et suavis odor castitatis, qualium prima fuit, cuius in utero infans ad odorem nostrum exsultavit longe a filiabus illis, quarum sunt quasi septem dæmonia, septem istis prædicamentis tuæ pulchritudinis, quæ nunc edixi, contraria, scilicet altitudo oculorum, compositio capillorum, voracitas dentium, inconti-nencia labiorum, irreverentia genarum, colli erectio-nis, subactionis atque confraktionis frequens in-uria. Tempus erit, quando haec tua, quæ nunc se-reta sunt, oporteat prædicari ad gloriam Dei. Pri-

A mus [prius?] hoc flet : « Vadam ad montem myrræ et ad collem thuris. » Quomodo vadam ? Ascendam Hierosolymam, et consummabuntur omnia, quæ scripta sunt de me : « Tradar enim gentibus ad illudendum et flagellandum, et postquam flagellaverint, crucifigent et occident me (Matth. xvi, 20). » Hoc erit ire ad montem myrræ, scilicet mortificari vel occidi, si-cut a patribus istorum mortificati sunt prophetæ. Tertia die resurgam a mortuis, et deinde ascendam in cœlum, et sedebo ad dextram Patris, juxta illud : « Dixit Dominus Domino meo, sede a dextris meis (Psal. cix). » Hoc erit ire ad collem thuris. Exinde namque cognoscetur et prædicabitur, quia sum Deus, juxta illud, « Et vocabitur nomen ejus Admirabilis, Consiliarius, Deus (Isa. ix). » Hoc prædicabitur, et sequentibus signis confirmabitur, atque ita flet, ut mihi thus offeratur tanquam Deo vero, de-structis simulacris gentium et aris dæmonum, qui-bus hactenus ab ignorantibus et errantibus incen-sum offertur et sacrificium. Quid deinde ? « Tota pulchra es, amica mea, et macula non est in te. Veni de Libano, sponsa mea, veni de Libano, veni. Coro-naberis de capite Amana, de vertice Saniir et Her-mon, de cubilibus leonum, de montibus pardorum. » Cum pertransiero montem myrræ, et pervenero ad collem thuris, id est cum resurrexero a mortuis, atque coronatus gloria et honore resurrectionis et immortalitatis, sedensque ad dextram Patris adorari, et thure, id est omni divina religione honorari co-pero Deus unus cum Patre et Spiritu sancto, tunc demum et « tu coronaberis », tunc demum haec lo-quar ad te : « Tota pulchra es, amica mea, et macula non est in te. » Quomodo haec loquar ad te ? Nimi-rum magna et manifesta Evangelii prædicatione. Et nunc quidem pulchra es, sed nondum apparuit quod tota pulchra sis, et quod macula non sit in te, quod scilicet virgo conceperis vel generis, et virginis uberibus lactaveris me. Hoc prædicabitur gentibus quod a Deo macula non sit in te. Tunc denum lo-quar tibi, « Veni de Libano, sponsa mea, veni de Li-bano, veni, coronaberis. » Unde coronaberis ? De capite Amana, quod interpretatur nocturna avis, de vertice Sanir, quod interpretatur dens vigilia-rum, et Hermon, quod interpretatur anathema. D Venies de Libano, quod interpretatur candida-tio, id est, migrabis de corpore isto, corpore can-dido, corpore virgineo, et coronaberis de omnibus his, id est de corpore vel membris Hlius, qui nomi-nibus istis recte denotatur, de regnis mundi hujus. Regna namque mundi hujus, quædam capita vel quidam vertices recte dicuntur nocturnæ avis, et dentis **397** vigiliarum, et vere anathematizati diaboli, a Deo separati, qui cum sit princeps tenebrarum, et tanquam leo rugiens circumeat, quærens quem de-voret (I Petr. v), recte et nocturna avis et dens dicitur vigiliarum. Ipsa eadem regna et cubilia leonum, et montes dico pardorum, quia videlicet reges regnum, reges Babyloniorum et Persarum atque Medorum, reges et consules sive imperatores Roma-norum, quid nisi leones et pardi dicendi sunt, qui

tot bellis, tot cædibus orbem terrarum laceraverunt? De talium leonum cubilibus taliumque pardorum montibus tu, amica mea, coronaberis. Quomodo? Videlicet credent in me, fructum ventris tui, et eorum credentium salus corona tua erit. Ita coronaberis, ut et in caelis regina sanctorum, et in terris regina sis regnorum. Ubicunque enim prædicatum fuerit illud de dilecto dictum, « minuisti eum paulo minus ab angelis, gloria et honore coronasti eum, et constitueristi eum super opera manuum tuarum (*Psalm. viii.*), » prædicabitur et de te, quod sis, o dilecta, et mater hujus coronati, ac proinde regina caelorum, totum jure possidens filii regnum, atque hoc intuitu reges atque imperatores coronis suis te coronabunt, palatia sua nomini meo sacrabunt, honori tuo dedicabunt, ut desinant esse quod fuerant, montes pardorum cubilia leonum. « Vulnerasti cor meum, soror mea, sponsa. Vulnerasti cor meum in uno oculorum tuorum, et in uno crine colli tui. » Etenim quis unquam ita habuit, ut tu habes, soror mea, sponsa, unum oculorum? De quadam muliere sacra et veridica narrat Scriptura, quia, cum esset sterilis, et ob hoc amaro animo oravit Dominum flens largiter, et multiplicavit preces coram Domino, et post haec ita subiunctum est: « Et abiit mulier in domum suam, vultusque illius non sunt amplius in diversa mutati (*I Reg. i.*). » Quid erat illa uniformitas vultuum, non se amplius in diversa mutantum? Nimirum identitas cogitationum, et valde intenta earumdem perseverantia precum, quas profecto quis discernat, vos scitis, o amici, qui dicitis: « Vivus est enim sermo Dei et efficax, et penetrabilior omni gladio ancipi, et pertingens usque ad divisionem animæ et spiritus, compagum quoque ac medullarum, et discrētor cogitationum et intentionum cordis, et non est ulla creatura invisibilis in conspectu ejus (*Hebr. iv.*). » Hoc est unum oculorum, haec uniformitas vultuum, oculorum spiritualium vultum internorum indefessa charitate justam precem perseveranter, uti cœptum est, dirigere ad Dominum ac semper cogitare id ipsum. Et quis in hac re talis, ut tu, o dilecta singularis, quam solam præ cunctis amantibus totam occupavit totamque possidet amor dilecti. In hoc uno, soror mea, sponsa, per fidem soror mea, per Spiritum sanctum, amorem verum, sponsa mea, in hoc uno oculorum tuorum vulnerasti cor meum, unde et viscera mea super te continere se non potuerunt. Nec vero solummodo in hoc uno oculorum tuorum vulnerasti cor meum, » sed et « in uno crine colli tui, » id est in nimia humilitate cordis tui, quem videlicet crinem semper unum vidi, quam humilitatem semper uniformem et indeficientem esse conspexi. Quid uno crine gracilis, et quid humilitate subtilius? Quid crine flexibilis, et quid humilitate contractius? Crinis unus vix comparet, humilitas tua vix consentit, quod computari possis inter homines. Iste est crinis colli, humilis cogitus mulieris, caput non habentis; caput inquam, id est virum, neque habentis neque habere volentis.

A Nam « caput mulieris vir (*Ephes. v.*). » Tu capite isto te indignam judicasti, tu viro et omni sæculo te indignam existimasti. Hoc scientes dicunt et vere dicunt amici, quia votum egregium Deo prima votisti, votum virginitatis. Attamen sponsi nomen admisi, despontari viro non renuisti, et inter haec unum oculorum tuorum et illum crinem jam dictum colli tui, magis ac magis in me fixisti, fide fortis, spes stabilis, charitate immobilis. Si enim Abraham et Sara fideles sperare potuerunt (*Gen. xii.*); quod coniugium eorum non deberem negligere, quin custodiire illud in domo Pharaonis incontaminatum, et idcirco Saram tolli in domum illam, nec Abraham rognuit, nec ipsa Sara refugit; quanto magis tu, fidelissima, me fidem fore sperasti, quod virginitatem tuam custodire possem aut non negligere illibatam in domo sponsi, præsertim fidelis et justi, et idcirco de-sponsionis solemnitatem non refugisti? Itaque semper et ubique unum sive unitatem habens oculorum, ille est vultuum in diversa non mutatum, « vulnerasti cor meum, » unum illum crinem tuum, scilicet spiritum bumilem et contribulatum in me jecisti, veluti spiculum præacutum, et « vulnerasti cor meum. » Alii quondam fortes et validi me tenuerunt, et dicentem: « Dimittite me (*Gen. xxiv.*), » non dimiserunt, et luctando fortiter contra Deum fortes fuerunt, tu autem et « vulnerasti cor meum. » Et illi quidem luctando atque vincendo, æternam sibi net benedictionem et necessariam peccatori populo suo indulgentiam obtinuerunt, tu autem quid invenisti, quid accepisti vulnerando cor meum? « Quam pulchræ sunt mammæ tuæ, soror mea, sponsa. Pulchriora sunt ubera tua vino, et odor unguentorum tuorum super omnia aromata. » Amici auscultant haec, et intelligunt me hoc dicere, hoc admirari, quia mater et virgo es, et hunc esse fructum unius oculorum tuorum, et unius crinis colli tui, quod cum te reputares indignam viro, facta es digna Deo; cum te indignam judicares facere semen in Israel, facta es digna facere salutem in Israel; cum indignam te reputares lactare filium hominem, digna habita es mammis pulchris, uberibus pulcherrimis, mammis virgineis, uberibus intactis, lactare Filium Deum et hominem. Haec auscultantes, toties de mammis et uberibus tuis, et de ceteris instrumentis tuæ pulchritudinis, D de oculis, de capillis, de dentibus et labiis, tot voces dilecti gratulantur non fastidiunt, quoniam amici sunt, imo « gaudio gaudent propter vocem sponsi laetantis (*Joan. ii.*), juxta illud: « Laetabitur Dominus in operibus suis (*Psalm. ciii.*). » Voces istæ, voces laetitiae nostræ sunt, laetitiae Patris et Filii et Spiritus sancti in istis operibus nostris, in mammis sive uberibus tuis, semel duo ubera tua, sicut duo binuli capreæ gemelli, quod jam supradictum est; et nunc iterum: « Quam pulchræ sunt mammæ tuæ, soror mea, sponsa! » ac tertio: Pulchriora sunt opera Trinitatis, haec gratiora valdeque pulchriora primis operibus illius, dicentis: « Faciamus hominem ad imaginem et similitudinem nostram (*Gen. i.*), » pla-

emantis de terra Adam et fabricantis de costa ejus Evan. Nunquid enim non valde pulchrius est, sicut nunc de utero mulieris absque viro virum facere, quam tunc de costa viri mulierem fecisse? Illic namque de viro mulier facta est, quæ perdat; hic de muliere vir factus est, qui perdita salvet, propter quod et factus est. Pulchritudo ejus operis jucundius spectatur in mammis sive uberibus tuis, quando jam peracta est species tantæ pulchritudinis, quando jam natus lactor mammis tuis, mammis feminis, uberibus virgineis. Qualis tandem est ista comparatio, « pulchriora sunt ubera tua vino? » Aut quid magnum est dicere, « pulchriora sunt ubera tua vino? » Nam in vino luxuria est. « Nolite, » ait quidam amicorum ad nostras adolescentulas scribens, « nolite inebriari vino, in quo est luxuria (Ephes. v). » Quid ergo magnum **398** est dicere, quod ubera tua pulchriora sunt, eo quod non est pulchrum? Vinum namque sive hoc præsens vini significatum non est pulchrum, cum sit luxuria, sive emis voluptas, sive cuius ebrietate præeunte nulla nequam ubera præter ubera tua filium lactaverunt. Est igitur illud, quod apud hominum scholas dicitur troposis, id est humilitas, statum rei magnæ dictis iurmans. Magna quippe res est virginitas sive integritas uberum, me filium lactantium; nec satis laudatur hæc tam pulchra res, dum re maritali sive conjugali puichrior esse prædicator, scilicet lactatione filiorum, quorum initium vinum est, id est luxuria, quæ in vino est. Itidem secundum tropum, qui apud homines metonymia dicitur, per id quod continet, ostendens id quod continetur. Poteram sic scire, quia sola ubera tua me lactantia pulchra sunt, ceterarum cuncta ubera seminarum, ex quo si acceperunt ut filios suos lactare possent, etiamsi quid pulchritudinis prius haberunt, pulchra esse desierunt, ita ut re ipsa quisque lactantium veraciter dicat: « Ecce enim in iniquitatibus conceptus sum, et in peccatis concepit me mater mea (Psal. l), » scilicet in iniquitatibus Adæ, in peccatis Evæ. Nam et illis iniquitatibus, ex illis peccatis cum cæteris malis istud quoque vinum venit, scilicet luxuriæ nimetas, per quam conceptus mulieris a Deo super numerum multiplicentur, ut in comparatione reproborum electi pauci testiminentur. Quæ autem sunt unguenta tua? Dico enim, et odor unguentorum tuorum super omnia aromata. Quæ ergo sunt unguenta tua, soror mea, sponsa? Eleemosynæ tuae, quas expendisti in me. Audiunt et audituri sunt amici de quædam muliere effundente oleum super caput et super pedes dilecti tui recumbentis, et dicunt, quia « domus impleta est ex odore unguenti (Joan. xii), » et intelligunt in illa muliere Ecclesiam

A nostram, quæ quoties impendit eleemosynam pauperibus nostris, toties unguenta sua peditus meis superfundit, et aromata distribuit. Hæc enim sunt aromata vera, unguenta pretiosa, esurienti cuilibet ex inimicis meis cibum dare, sienti potum præbere, hospitem sive peregrinantem colligere, nudum vestire, infirmum visitare, et si in carcere est, ad eum venire (Matth. xxv). « Super omnia hæc aromata est odor unguentorum tuorum, » id est suavitas eleemosynarum tuarum, quia non ut cæteri in membris meis, sed in memetipsò tu mihi munificentissima exstisti. Et quidem jure materno et naturali affectu tu mihi cuncta debuisti, verumtamen fidem et humilitatem sive charitatem tuam plusquam misteriā respiciens mihi, cuncta pro optimis unguentis, cuncta pro suavissimis fuere eleemosynis, ita ut nulla eleemosynarum aromata, quæcumque mihi in meis expenduntur minimis, unguentis illis valet aliquatenus comparari. « Favus distillans labia tua, sponsa; mel et lac sub lingua tua, et odor vestimentorum tuorum sicut odor thuris. » Parum erat quod dixi supra, « et eloquium tuum dulce, » quia nimis parum est, dulcedinem esse in eloquio, nisi dulce sit etiam cor. Tu dulcis in ore, dulcis et in corde. Hoc est quod nunc dico, « favus distillans labia tua, » subjungens, « mel et lac sub lingua tua, » id est in anima tua. Ibi tibimetipsi dulciter sapit favus eloquii tui, favus distillans a labiis tuis, labiis gratiosis. Favus tuus ego sum, mel tuum et lac tuum ego sum, quia Deus tuus et filius tuus ego sum. Hoc tua sentit anima, hoc tua sonant labia. Aliud loqui non potes, quam id quod in pectore habes: « Ex abundantia cordis » labia tua loquuntur (Luc. vi). Et si aliis pro tempore facuisti, mihi tacere non potuisti. Ex quo me natum vidisti, mecum dedicata es favo dulcis eloquii, simulque osculo oris mei, osculo oris tui, et satisfactum est etiam sic fidei tuae, spei et dilectioni tuae, fidei per dilectionem dicentis: « Osculetur me osculo oris sui (Cant. t). » Quid de pannis dicam, quibus me involvistiel in præsepio reclinasti? Nimurum id quod verum est, quia « odor vestimentorum tuorum sicut odor thuris. » Omnium namque vestimentorum, scilicet bonorum operum tuorum, quæ in me materna et plusquam charitate operata es, panni illi primitæ fuerunt. Et quia cuncta, quæ tunc in me vel tunc propter me operata es, de magno et valido charitatis igne cum suavitate humilitatis venerunt, recte dixerim ego, recte consenserunt amici, quia « odor vestimentorum tuorum sicut odor thuris. » Sic enim in omnibus famulata es mihi, mater et virgo fidelis, tanquam Deo, cui soli debetur odor thuris in sacrificio suo, quamvis essem ego parvulus tuus, parvulus homo.

399 LIBER QUARTUS.

Quid agimus, « anima, quare tristis es, et quare conturbas me? (Psal. xl). » Ecce in medio nuptiarum

sumus, nuptiarum hominis regis, quas fecit filio suo; quem de virgine incarnari voluit. Et dicens

mihi illud terrificum, illud valde pavendum. « Intravit autem rex, ut videret discumbentes, et vidi ibi hominem non vestitum ueste nuptiali, et ait illi : Amice, quomodo huc intrasti, non habens uestem nuptiale? At ille obmutuit. Tunc dixit rex ministris : Ligatis manibus ejus et pedibus, mittite eum in tenebras exteriores (*Matth. xxii.*). » Quorsum tendis? Cur mihi haec ingeris? Timesne quod uestem non habeas nuptiale? Et quidem si de charitate agitur, quod ipsa sit uestis nuptialis, tu ad istas nuptias, ad istarum nuptiarum laudes decantandas sine charitate non intrasti. Ipsa mater nuptiarum, conscientia sibi sit et testis quod sine hujusmodi ueste non accesseris, cui quondam tecum, ut videbatur, colloquenti, dum sermonem cum illa conferens de sacris mysteriis, de gloria sanctae et individuæ Trinitatis, et dicenti, Quomodo tu aedes loqui de hujusmodi? erat autem haec ejus percunctatio facie serena et vultu bilari, ita respondisti : Ego beatam Trinitatem diligo, et inde certissime scio, quod de illa loquens nunquam extra veritatem aberrabo. Ne igitur tristaris, anima mea, neque conturbes me, sed spera in Deo, quoniam adhuc confitebor illi (*Psal. xli.*), non aberrando, quod esset pene in tenebras exteriores mitti, et sequentem vocem sponsi cum gudio audi : « Hortus conclusus, soror mea, sponsa, es, » Dei Genitrix « hortus conclusus, fons signatus. Emissiones tuæ paradisus malorum Punicorum cum pomorum fructibus. Cyprus cum nardo, nardus et crocus, fistula et cinnamomum, cum universis lignis Libani, myrrha et aloë cum omnibus unguentis. Fons hortorum, puteus aquarum viventium, quæ fluunt impetu de Libano. » Ecce novus paradisus, novæ plantationes, quas plantavit unus idemque antiqui paradi plantator Dominus Deus. « Plantaverat autem Dominus Deus, ait Scriptura, paradisum voluptatis a principio, in quo posuit hominem quem formaverat. Produxitque Dominus Deus de humo omne lignum pulchrum visu, et ad vescendum suave; lignum etiam vitæ in medio paradi, lignumque scientiæ boni et mali. Et fluvius egrediebatur de loco voluptatis ad irrigandum paradi, qui inde dividitur in quatuor capita (*Gen. ii.*). » Ille est paradisus antiquus, paradisus terrenus; iste est paradisus novus, paradisus colestis. Utriusque plantator est unus idemque Dominus Deus. In illo « posuit hominem quem formaverat; » in isto formavit hominem, qui apud ipsum in principio erat. « De » ista « humo produxit omne lignum pulchrum visu, et ad vescendum suave. Lignum etiam vitæ in medio paradi. » Istam humum, istam terram suam benedixit, et ex ea cunctarum germina gratiarum, et cunctarum exemplaria virtutum produxit. Ipsum quoque lignum vitæ Christum, Deum et hominem Dominum paradi colestis. « De » illo « voluptatis loco egrediebatur fluvius ad irrigandum paradi, qui inde dividitur in quatuor capita. » De isto paradi ille fluvius, sive illud flumen egressum est, de quo Psalmista dicit : « Fluminis impetus lœtificat

A civitatem Dei (*Psal. xlvi.*), qui inde dividitur in quatuor Evangelia. Nec paradisus ille hominem custodire potuit, nec paradisum illum homo custodire voluit. Quoniam ergo non profuit illis parentibus primis, nec nobis in illis introductio illa in illum tam paradisum, terrenum paradisum, non observato præcepto quod acceperunt; iterum plantatur alius paradisus, quem ingredientes lignum vita eternæ comedamus et non moriamur, et istæ sunt emissio[n]es dilectæ, super quibus præsenti loco gratulatur dilectus, et ita loquitur : « Hortus conclusus, soror mea, sponsa, es, » Dei Genitrix, « hortus conclusus, fons signatus. Emissiones tuæ, paradisus malorum Punicorum, cum pomorum fructibus. » Dicturnus, « emissiones tuæ paradisus, » præmisit, « hortus conclusus, soror mea, sponsa; » et iterum, « hortus conclusus, » ac deinde « fons signatus. » Porro emissiones horti bujus illud fuit principium, quod sicut illi nuntiavit angelus, concepit et peperit filium (*Luc. i.*). Quid igitur verbis istis, nisi et concipientis virginitas et parientis prædicatur integritas? Proinde dicamus et nos feliciter cum dilecto, dicamus omnes corde credulo et ore consono : « Hortus conclusus, es, o Dei Genitrix, « hortus conclusus, fons signatus. » Unde « hortus? » Nam inde nominatur hortus, quod semper ibi aliiquid oriatur; quia cum terra semel in anno aliiquid creet, hortus nunquam sine fructu est. Unde ergo hortus es tu, o dilecta dilecti, nisi quia ante te natum est aliiquid, quod nunquam desinit, et fructus tuus nunquam marcescit, aut deficit. Maxime autem hoc mirum est, imo verum atque jucundum, quia de horto prædicatur quod sit conclusus. Quoniam enim hortus, si conclusus? Nunquam simile huic auditum est de omni nostrorum multitudine hortorum, nec potuit dici vel esse hortus non habens aditum per quem saltem unus intraret vel exiret hortulanus. Hic hortus unus vel solus est et clausus vel conclusus; hic uterus unus est secundus et incorruptus. O igitur soror et sponsa mea, quoniam gaudent amici, quia talis es hortus, talis fons? Corpore « hortus conclusus, » mente vel anima « fons signatus. » Et quare bis diceris « hortus conclusus? » Videlicet propter conceptum **400** et propter partum, quia in utroque mirabile est, et fidelium mentibus amabile miraculum, quod neque corrupta est conceptu, neque violata partu in utroque, et amici et omnes adolescentulæ nostræ gratulantur, et utrumque libenter confitentur. Unde autem « fons signatus? » Et quo vel quali signaculo signatus? Nimirum ex eo, quod Spiritus sanctus supervenit in te, et virtus Altissimi obumbravit tibi (*Luc. i.*). Ipse Spiritus sanctus signaculum est hujus fontis nostri, signaculum pectoris tui. Et hoc geminum nostræ custodiæ munimentum, geminum nostrorum amicorum gaudium, quia et uterus tuus nulli viro, nulli carnali commercio accessibilis, et meus tua nulli vitio, nulli spirituali nequitia fuit unquam penetrabilis. Mirum, quod cum ita sis « hortus conclusus, » ita « fons signatus, » nihilominus, imo et

eo amplius, emittis omnia bona quibus mundus implectur, et emissiones tuæ paradisus malorum Punicorum cum pomorum fructibus, » paradisus Scripturarum vel doctrinæ cum bonis et sanctis operibus. » Emissiones tuæ » vel paradisus tuus, » cyprus cum nardo, nardus et crocus, fistula et cinnamomum cum universis lignis Libani, myrrha et aloë cum omnibus primis unguentis. » Herbarum aromaticarum iste numerus, scilicet numerus septenarius, amicis nostris bene est cognitus, quod universitatem significet, maximeque ex Spiritu sancto sit sacrambus, Spiritu septiformi qui hoc ipsum operatur, requiescendo super me florem primitivum horti hujus. Operatur, inquam, hoc ipsum, quod hortus conclusus es, quod emissiones tuæ paradisus talis et tam pulcher, sicut ex istis aromatum septem speciebus animadvertis potest, inter quas principalis est nardus, unde et bis prædicari vel numerari meretur, cum dico, » cyprus cum nardo, nardus et crocus. » Nam ipsa est humilitas tua, quæ valde oblectavit Altissimum, oblectavit me regem dilectum tuum, sicut ipsa dicit, quia » dum esset rex in accubitu suo, nardus mea dedit odorem suum (*Cant. 1*). » Quidquid gratiarum, quidquid virtutum, quidquid operationum coelestium mundus accepit, emissiones tuæ sunt, ut ubi erant prius spina et vepres, vepres et carduus, lappa et tribulus, urtica et paliurus universitas nequitiarum, ibi sit » cyprus cum nardo, nardus et crocus, fistula et cinnamomum, myrrha, et aloë, » universitas gratiarum, juxta numeri hujus, numeri septenarii sacramentum, » cum universis lignis Libani, cum omnibus primis unguentis. » Quid ibi universa ligna Libani? Et prima unguenta quid sunt vel faciunt illic? Nimirum ligna Libani sunt quidam amici nostri, amici illi, qui sunt nuptiarum nostrarum filii sive domestici, nihilominus sunt potentia sæculi grandes et excelsi, atque facultatibus dilatati, ita ut ex eleemosynis eorum sustententur parvuli nostri, parvuli spiritualis propositi, quemadmodum in ramis lignorum Libani nidificant passerex exigui. Unde est illud in psalmo prescriptum: » Saturabuntur ligna campi, et cedri Libani, quas plantavit, illic passerex nidificabunt (*Psal. cxi*). » Tales niduli passerum nostrorum et cunctæ eleemosynæ, quas faciunt vel facturi sunt potentes ac divites amici vel filii nuptiarum nostrarum, prima unguenta sunt, unguenta miri odoris, sicut significatur ex me dilecto tuo, ubi mulier peccatrix pretiosum unguentum emit, et effudit super caput vel pedes meos recumbentis, » et domus repletur ex odore unguenti (*Joan. ii*). » Pulchra valde varietas sive diversitas harum emissionum tuarum, hujus paradisi nostri, ubi et altitudo lignorum Libani et humilitas omnis aromatici germinis, qualemunque decet intellegi, per jam dicta virgulta numeri septenarii spectaculum commune præbebit, spirantibus in medio primis unguentis, id est cunctis operibus pietatis, maximeque eleemosynis, quibus suppleri poterit, quidquid minus spiritualis vita habuerint tales, ut

A jam dictum est, nuptiarum nostrarum domestici, quamvis sæculi curis impliciti, nostri tamen per fidem amici. Sic quondam in tabernaculo Domini saga cilicina byssum et purpuram amica extensione tegebant (*Exod. xxvi*); sic semper, qui spiritualibus minus abundant, carnalia sua spiritualibus communicant, ut jure spiritualium illorum participes flant. Hæ sunt » emissiones tuæ, soror mea sponsa, emissiones horti conclusi, emissiones fontis signati, paradisus Dei Patris. Hæreditas mea dilecti tui, filii Dei, filii tui, opus Spiritus sancti, Ecclesia una de multis emissionibus tuis, quam per orbem terrarum diffusa, semper in te respiciet, et ad nos clamabit de nobisipsis, vocem extollens mulier de turba fidelis, dicens mibi: » Beatus venter, qui te portavit, et ubera quæ suxisti (*Luc. xi*). » Tu » fons hortorum, puteus aquarum viventium; » fons, inquam, hortorum, id est mater Ecclesiarum; puteus aquarum viventium, id est secretarium omnium Scripturarum sanctorum. Quæ, videlicet aquæ viventes, fluunt impetu de Libano, id est sanctæ omnes Scripturæ, quæ solæ dicuntur et sunt canonicæ, manaverunt de populo antiquo, populo Judaico. Nobilitas quippe illius populi, per Libanum solet mystice designari, de quo populo ego et tu, soror mea sponsa, secundum carnem sumus progeniti, cuius terræ terminus ex uno latere est mons hujus nōminis. Cunctæ viventes aquæ de isto Libano fluunt, cuncta eloquia Dei, huic populo nostro non quomodo cunque, sed cum impetu concurrerunt. Oportebat enim bujusmodi aquas cum impetu fluere, oportebat eloquia Domini fortiter currere, quia multi nimis erant qui conabantur obsistere, multi nimis adhuc sunt qui obnuntiuntur et audent contradicere. Ille amici nostri, per quos administrata sunt eloquia Dei, oportuit ut essent non solum auctoritate divina prædicti, verum etiam potestate mundana præcelsi. Qui fere primus vocibus manifestis cantaturus erat mysteria regni nostri, et virtutes sæculi venturi, oportuit cum regem fieri, regem David potentem et secundum nomen suum bellatorem manu fortem, ut pueros sive pueriles populi animos, qui nescirent sponte curam habere de futuris et invisibilibus, nimis inhibiendo præsentibus istis visibilibus auctoritate frangeret regiae potestatis, admisto terroribus blandimento, scilicet suavitate musici modulaminis. Similiter cæteri amicorum nostrorum per quos eloquia Dei manaverunt, fere omnes fortitudine et terrore armati fuerunt, et omnes gladiis usi sunt; gladiis, inquam, materialibus necessario armata hujusmodi aquæ viventes, revera cum impetu per eos cucurrebunt. Primus vel mitissimus eorum Moses, cum de nostra plenitudine accipiens, viventes aquas fundere, id est legem sanctam et mysticam scribere inciperet, gladium arripuit atque arripit jussit, et uno die vianti tria millia hominum fabricatorum mendacii (*Exod. xxxii*), impetu primo aquæ viventis, id est acceptæ legis, interfecit. Et illi quidem postquam

temporaliter administraverunt suo quique tempore decesserunt; sed perseverat impetus aquarum viventium in ore et manibus etiam illorum qui non scripserunt, quorum notissimus Helias existit, qui uno die quadragintos viros magno impetu interfecit (*III Reg. xviii*). « Aquarum » igitur « viventium puteus, » id est sanctarum Scripturarum sacrarum, « soror mea sponsa, » tu es, et hinc est quod dico, quia « emissiones tuæ paradisus maiorum Punicorum cum pomorum fructibus. » Sicut enim in initio fons ascendebat et terra, irrigans universam **401** superficiem terræ, sicut, inquam, « fluvius egrediebatur de loco voluptatis ad irrigandum paradiſum, qui inde dividitur in quatuor capita (*Gen. ii*); » sic ex te, o amica, o terra benedicta, fons ille ascendit, qui apud Deum erat, et vera lux erat, sicut scriptum est : « Quoniam apud te est fons vitaæ, et in lumine tuo videbimus lumen (*Psal. lv*). » Fons, inquam, ille ascendit ex te, mox principium sive initium habens ex te, sed de corde Patris per occultas vias cum omnibus aquis viventibus, id est cum omnibus Scripturis veritatis veniens in te, et æternum sapientiæ fontem sive puteum faciens in te, atque hoc modo ascendit ex te. Ad quid ascendit? Utique ad irrigandam superficiem terræ, ad instruendam sive excolandam Ecclesiam per universum ornam terræ. Ad hoc egreditur fluvius de loco voluptatis, scilicet « ad irrigandum paradiſum, » ad hoc, inquam, ex te, o voluptas, sive locus voluptatis Dei, initium accipiet sanctum Evangelium ut per universum mundum spiritualem irriget paradiſum, et dividetur « in quatuor capita, » id est in quatuor necessaria salutis sacramenta, quæ videlicet sunt haec, incarnatione, passio, resurrectio atque ascensio mea. Haec enim necessario prædicabuntur, et necessario scientur, quia sine istorum confessione non sit noster paradiſus, sine istorum fide non salvatur mundus. Dividentur, inquam, viventes aquæ in ista quatuor capita, id est principalia sacramenta, quia videlicet omnes Scripturæ in ista quatuor subtiliter intendunt, appellando haec, faciem hominis, faciem vituli, faciem leonis et faciem aquilæ volantis. Tunc cognoscent amici, quid etiam ante Scripturas voluerit Scriptura legis, dicendo : « Catulus leonis Juda, ad prædam, filii mi, ascendisti (*Gen. xlix*); » quid voluerit, ordinando talem ritum vituli sacrificandi (*I. civit. iv*); quid voluerit, dicendo Mosi : « Proprietatem suscitabo eis de fratribus suis similem tui (*Deut. xviii*); » quid voluerit, canendo . « Sicut aquila provocans ad volandum pullos suos, et super eos volitans, expandit alas suas, et assumpsit eos atque portavit in humeris suis (*Deut. xxxii*). » Et de duabus quidem faciebus, de facie hominis et facie vituli omnes in me consentiunt, scilicet quod humanatus sim, et mortalis mortem sustinuerim; sed de facie leonis, et de facie aquilæ volantis non omnes similiter consentiunt, videlicet quod et resurrexi, et in cœlum ascenderim. Sic et de duobus capitibus fluvii, de loco voluptatis egredientis, et in

A quatuor capita divisi, scilicet de fluvio Gyon, qui apud Ægyptios Nilus vocatur, et de fluvio Physon, qui et Ganges dicitur, negari non potest quin exeat de illo paradiso terrestri; de duobus vero cæteris scriptores mundani Scripturarum nostram redarguerent conantur, dicendo quod non ita sit, ut ipsa dicit, eo quod illi, scilicet Tigris et Euphrates in Armenia manare videantur, uno fonte exorti, non intelligentes neque animadverentes quia Scriptura non dixit, quod fluvius ille paradisi in ipso paradiso incipiat in quatuor capita dividi, « sed fluvius, » inquit, « egrediebatur de loco voluptatis ad irrigandum paradiſum, qui inde dividitur in quatuor capita, » id est in omnes fluviales atque dulces et potabiles aquas, quarum capita sunt ista flumina principalia. Aque etenim suæ natura falsæ erant et amaræ, ascedendo autem per illam quasi terræ mammam, scilicet paradisiacam terram, versæ sunt in dulcedinem, ut irrigarent universam terræ superficiem, ipseque dulces atque potabiles captivo, quod futurum erat, generi humano, terram extra paradiſum facerent habitabilem, scilicet herbarum, lignorum, seminumque feraceum, et inter aquas cæteras, quæ ex illa mamma dulciorem acceperunt, illa flumina, Gyon et Physon, Tygris et Euphrates, præcipua sunt. Similiter aquæ Scripturarum ex te, soror mea sponsa, dulcescunt ex utero tuo, sive per uterum tuum viventes factæ sunt. Alias autem valde amaræ, imo et mortuæ et mortificantes sunt. « Littera enim occidit (*II Cor. iii*), » ait quidam amicorum nostrorum. Etenim quid aliud est, quidquid Moses loquitur, quidquid de prophetis legitur apud filios matris nostræ qui pugnant contra te, nisi littera sine spiritu, sine anima corpus? Idcirco libentes aquas mortuas moriuntur; legentes et sequentes solam occidentem litteram occiduntur. Quomodo tandem fiet istud. quomodo plantabitur, sive dilatabitur talis emissio numeri tuarum paradiſus? « Surge, aquilo; et veasi, auster; perfla hortum meum, et fluent aromata illius. » Surgente aquilone et flante austro, fiet istud. Quis ille est aquilo? Ille nimirum, qui dixit : « Scdebo in monte testamenti, in lateribus aquilonis (*Isai. xiv*) ; » ille, de quo dictum est per prophetam : « Ab aquilone pandetur malum super omnem terram (*Jer. 1*), » ipse est « serpens antiquus, qui vocatur diabolus et Satanás (*Apoc. xii*). » Unde iste talis aquilo surget? Quomodo surget de occultis insidiis, ubi jacerebat olim et serpebat lubricus anguis, quando primam mulierem decepit, quemadmodum illa dixit : « Serpens decepit me, et comedi (*Gen. iii*). » Non ibi surrexit ut impugnaret, sed serpendo sibilavit ut deciperet. Vires quippe non habebat prius quam consensum voluntarium præberet ei mulier, quam Deus innocentem fecerat. Inter te et illum, soror mea sponsa, Deus iniurias posuit; et idcirco de te omnino desperavit, imo de fraude sua, de dolo sive artibus suis adversum te nihil habet spei ut decipere possit. Dico ergo illi : « Surge, aquilo (*Apoc. xii*). » Quid jaces in terra? Quid insidiaris

calcaneo nostro? Nihil proficis insidiando. Potius surge, viribus utere, et toto malignitatis impetu debacchare. Egisti olim ut serpens, age nunc ut draco magnus, draco rufus habens capita septem. Non quasi imperans dico, sed permittentis animo loquor. Tu enim jamdudum surgere coepisti, nec aliud est nisi ac si dicam: Age quod agis, surge qui surgis, debacchare qui debaccharis. Quando enim surgere cepisti? Nimurum antequam fieret haec altera mulier, contra quam decipiendo nihil poteris. Ubi verbum promissionis quae nunc impletur, audisti, quod ad Abraham dictum est: « In semine tuo benedictentur omnes gentes (*Gen. xxii*), » statim surrexisti, quia praedictas inter te et mulierem, inter semen tuum et semen illius, inimicitias adesse persensisti. Surrexisti, caput erexisti, caput primum regnum *Egyptiorum*. Dixisti enim loquens in Pharaone: « Quidquid masculini sexus natum fuerit, occidite et in flumen projicite: quidquid feminini, reservate (*Exod. i*), » et cetera his similia, usque dum dices, persequens abeuntes: « Evaginabo gladium meum, interficiet eos manus mea (*Exod. xv*). » Ita qui serpens deceptor fueras, draco persecutor factus es, draco magnus, draco rufus, id est sanguineus. Post illud primum caput tuum, secundum caput exexisti occidendo per manus Jezabel et stirpis ejus, prætones mysterii hujus, prænuntios hujus sacramenti, prophetas Domini (*III Reg. xviii*). Deinde tertium caput in Nabuchodonosor rege Babylonis (*IV Reg. xxv*); deinde quartum in regno Persarum et Medorum per Aman, qui genus nostrum delere voluit, ne esset unde possem ego nasci (*Esther iii*). Deinde quintum in regno Græcorum per Antiochum Epiphanem caput exexisti, et ita jam quinque vicias, o aquilo, surrexisti (*I Mach. i*). Sextum caput dunc est, scilicet regnum Romanorum. Septimum doudum venit, vide licet regnum Antichristi. Surge, igitur, o aquilo, id est, age quod agis: non enim præcipio ut agas malum, quod nunquam egeris, sed permitto surgere, quia vis. Excute hoc sextum caput tuum, effice ut tradatur hoc semen mulieris in manus Romanorum. **402** Ita « surge, aquilo; et veai, auster; » veni, sancte Spiritus, cui diabolus aquilo contrarius est, « persua hortum meum et fluent aromata illius, » fietque quod ante dixi, « emissiones tuz paradisus, » quod nunquam ita factum est. Nunquam enim, o auster, ita contra aquilonem venisti, ut perfando hortum meum, novum faceres fluere paradisum, id est novam propagari Ecclesiam de multitudine gentium.

Cap. V. — « Veniat dilectus meus in hortum suum, ut comedat fructum pomorum suorum. » Ut dilectus meus mihi loquitur, ita est. Ego « hortus, » ego « fons hortorum, » ego « fons signatus, » ego « gratia ejus, puteus aquarum viventium, et emissiones meæ « paradisus malorum Punicorum. » Veniat ergo ipse in hortum suum, ut comedat fructum pomorum suorum. Non quomodo Eva invitavit frutum suum, ego invito dilectum meum. Illa invita-

A vit virum suum ad comedendum pomum non suum, pomum alienum, pomum interdictum; ego invito dilectum meum ad hortum suum, ad comedendum fructum pomorum, non alienorum, sed fructum pomorum suorum, quemadmodum dicit: « Meus cilus est, ut faciam voluntatem Patris (*Joan. iv*), » salus et vita est generis humani, quod ipse plasmavit, quod benedixit, quod perditum reparavit. Et quid tam proprie suum inter omnes fructus pomorum suorum quam ego, quæ sum prima de primitiis pomorum, imo etiam fons hortorum. Veniat igitur in hunc hortum suum, et me transferendo in illud tertium cœlum, in illum tertium paradisum quo abiit, quo me vidente ascendit (*II Cor. xii*); comedat fructum pomorum suorum, perficiat, usque in finem perducat gratiam eorum quæ in me celebrata sunt operum suorum. Ex quo in cœlum abiisti, crebro reverteris in illum quem dicas paradisum emissionum mearum, et comedis de pomis Punicis, quæ optima sunt inter primitias earumdem emissionum mearum. Tot enim jam comedis fragmina malorum Punicorum, quot beatas animas martyrum confessorumque tuorum hiuc assumis, et transfers in illud vitæ semi-piternæ secretum. Quando ita venies in hunc hortum tuum, ad istum quena dics fontem hortorum? Quando ita venies ad me, ut ubi tu es, illic ego tecum sim? « Veni in hortum meum, soror mea sponsa, messui myrrham meam cum aromatibus meis. Comedi favum cum melle meo, bibi vinum meum cum lacte meo. Comedite, amici; et bibite et inebriamini, charissimi. » Omnia quæ generi humano ad salutem sive restorationem ipsius erant necessaria, ego te silentie perfeci; soror mea sponsa, nunc me quiescente, tibi debetur aliqua ejusdem operis portio tua. Quid tautum ad requiem tuam festinas? Ego nascendo, moriendo, resurgendo, et in cœlum ascendendo, salutem mundo operatus sum, nunc cum amicis et testibus meis te superesse oportet, et omnium quæ facta sunt, idoneum perhibere testimonium, cum necessaria operatione signorum atque virtutum. Diligenter auscultent amici, et enarrent omnibus nuptiarum nostrarum filiis quatuor ista quæ facta sunt, quia « veni in hortum meum, » quia « messui myrrham meam cum aromatibus meis, » et quia « comedi favum cum melle meo, » et quia « bibi vinum meum cum lacte meo. » Descendendo quippe in uterum tuum et assumendo carnem, ut verus homo nascerer, qui verus Deus eram, veni « in hortum meum; » moriendo atque ad infernum descendendo, reversurus cum omnibus sanctis et electis meis qui me exspectabant ab origine mundi, « messui myrrham meam cum aromatibus meis; » resurgendo, « comedi favum cum melle meo; » ascendo in cœlum, « bibi vinum meum cum lacte meo. » Descendendo, inquam, in uterum tuum homo factus ego, « veni in hortum meum. » Quid enim nou meum? Ego quippe, ego ipse sum Verbum, « per » quod « omnia facta sunt, et sine, » quo, « factum est nihil (*Joan. i*). » Et ille paradisus, de quo Scri-

ptare dicit: « Plantaverat autem Dominus Deus paradi-
sum voluntatis a principio (*Gen. xi*), » per me
plantatus est; et tu hortus alias, « hortus conclusus, » per me factus es; et universus emissionum
tuarum paradisus, per me plantatus sive plantandus
est, propterea dixi « hortum meum. » At non sic ille
primus homo, de quo sic scriptum est: « Tulit ergo
Dominus hominem et posuit eum in paradyso vo-
luntatis, ut operaretur et custodiret illum (*ibid.*), »
non, inquam, sic ille dicere potuit: « Veni in hor-
tum meum. » Non enim paradisum ipse fecerat sive
plantaverat, sed nec in paradyso ipse formatus fuerat.
Ego et hortum feci, et in horto natus sum, et, ut aliis
verbis utar, ego et civitatem condidi, et in civitate
natus sum, sicut scriptum est: « Homo natus est in ea, et ipse fundavit eam Altissimus (*Psal. lxxxvi*). »
Non suus paradyssus erat, atque eo magis operari et
commissum custodire illum condecebat. Quod quia
non fecit, necessarium erat ut venirem ego in hor-
tum meum, et ultra debitum operando ac serviendo,
corrigerem illius peccatum qui nec operatus est de-
bitum. Quomodo correi? « Messui myrrham meam
cum aromatibus meis, » id est expandi manus meas
in cruce, hoc fructu, ut salvarentur omnes mei quos
ille, metendo mortem animae suae, perdidit. Dicte
quippe fuerat illi: « De ligno autem scientiae boni et
mali ne comedas, in quaunque enim die ex eo co-
mederis, morte morieris (*Gen. ii*). » Non obedivit,
imo inobediens manus incontinentes ad vetitum
extendit. Hoc illi metere fuit: seminaverat enim im-
piam cogitationem tumens intus, et cogitans esse
sicut Deus. Hoc illi, inquam, metere fuit, non myrrham, sed gehennam; non mortem corporis, quae
interdum pretiosa est, sicut dicit psalmus: « Pretiosa
in conspecta Domini mors sautorum ejus (*Psal. xiii*), » sed mortem animae, quae mors mala est, sic-
ut item dicit Psalmista: « Mors peccatorum pessima (*Psal. xxxiii*). » Mortem illam messuit, morte illa
statim mortuus fuit, ubi pomum de arbore rupit et
momordit, juxta veritatem dicentes: « In quounque
enim die comederis ex eo, morte morieris (*Gen. ii*). »
— « Ego » autem « messui myrrham meam, » scilicet
corporis solam mortem, mortem pessimam. Se-
minaveram ante justitiam, seminaveram humilitatem
et obedientiam spontaneam, cum essem ego non
ut ille, tantum homo, sed et Deus et homo. Consi-
derabam illud unde Patre minor essem, scilicet na-
tura carnis, sicut scriptum est: « Minuisti eum
paulo minus ab angelis (*Psal. viii*), » et secundum
illam naturam ita justitiae ordinem tenui, ut omnibus
subditus essem et obediens Patri, tanquam minor
majori, homo Deo, creatura Creatori, secundum le-
gem Mosi. Exempli gratia: « Ter in anno apparebit, »
inquit, « omne masculinum tuum coram Domino
Deo tuo (*Exod. xxxiv*), » scilicet in solemnitate Azy-
morum, in solemnitate primitivorum mensis, et in
solemnitate exitus anni, quae est solemnitas Taber-
naculorum. Haec enim pars justitiae sive obedientiae
maxime mihi seminarium myrrae fuit; quia exinde

A inimicis meis opportunitas venit me interficiendi,
dum sciens eos tractare mortem meam, nihilominus
propter praeceptum legis ascendi Hierosolymam. Ita
factum est ut meterem « myrrham meam cum aro-
matibus meis, » id est ut per obedientiam pervenirem
« usque ad mortem, mortem autem crucis (*Phi-
lip. ii*), » cum qua et per quam omnia traxi ad me
(*Joan. xii*), et acquisivi omnes electos meos a con-
stitutione mundi (*Ephes. 1*). Quid deinde? « Co-
medi favum cum melle meo, » id est surrexi a
mortuis, recepi carnem meam, non ultra moritu-
ram semperque victuram et in Verbo sibi unito,
403 Verbo Deo, quod sum et eram ego. Miranda
oppositio, mirabilis correctio! Ille primus homo
requisitus sive redargutus de peccato suo, quoniam
scmetipsum defendit, non solum mortem animae,
quam incurriterat, non evasit, verum etiam mortem
corporis insuper acquisivit, dicente Deo: « Quia
pulvis es, et in pulvrem reverteris (*Gen. iii*). » Ego
autem, quoniam tradidi pro peccato, non meo, sed
alieno, memetipsum, obediens Patri, non solum vi-
tam animae non amisi, quasi propter maledictum
legis, dicentis: « Quia maledictus a Deo est, qui
pendet in ligno (*Deut. xxi*), » verum etiam vitam
carnis cito recuperavi, et ecce sum homo in utroque,
scilicet in corpore et in anima vivus, contra quod
ille fuit in utroque mortuus. Itaque et mel meum
cum favo meo, et « favum meum cum melle meo
comedi, » quia mel meum favum suum recognovit,
et favus meus melle meo respiravit, ita ut nulla un-
quam myrrha interfluere possit, id est vitæ et Verbi,
quod ego sum sempiterna dulcedo, carnem meam
rursus decoravit, et caro in divinitatis gloriam trans-
ivit, ita ut ipsa jam mori vel mors ei dominari
ultra non possit. Hoc sacramentum nesciebant ad-
huc amici nostri, quando redivivus apparetur ei,
dixi: « Habetis hic aliquid quod manducetur! »
(*Luc. xxiv*.) Et tunc obtulerunt mihi partem piscis
assi et favum mellis. Comedi coram eis non prius
favum mellis, et deinde partem piscis assi, sed prius
partem piscis assi, et deinde favum mellis, et sumens
reliquias, dedi eis, hoc signo edocens, quod et ipsi
exemplo meo prius passionibus atque pressuris de-
siccandi, ac deinde favo consurgendi mecum forent
D satiandi. Similiter et inimici mei nesciebant sacra-
mentum dicti hujus, quod dixi, et nunc dico: « Mes-
sui myrrham meam cum aromatibus meis, » et ni-
hilominus dabant mihi bibere vinum myrratum
(*Marc. xv*), vinum cum selle mistum (*Matth. xxv*). Post illum resurrectionis favum ista est gloria et
honoris consummatio, quia « bibi vinum meum cum
lacte meo, » id est laetificatus sum ascensionis gau-
dio, completa Scriptura, qua dicit: « Laetificabis eum
in gaudio cum vultu tuo (*Psal. xx*). » Nam ego sum
ille rex, de quo dicebat: « Domine, in virtute tua
laetabitur rex, et super salutare tuum exsultabit ve-
hementer (*Ibid.*) » Illa laetitia, illa vehemens exsul-
tatio, ista est quam nunc dico: « Bibi vinum meum
cum lacte meo. » Ascendi enim in iubilo (*Psal. xlv*),

et inde non solum lactatur cor, verum etiam exsultat caro; et idcirco dixi: « Bibi vinum meum cum lacte meo. » Hoc vinum meum, oblivionem mihi fecit laborum præteriorum, juxta illud: « Da siceram morentibus, o Lamuel, et vinum his qui amaro sunt animo. Bibant et obliviouscantur egestatis, et doloris non recordentur amplius (*Prov. xxxi*). » Bibi, et bibendum dedi his, qui amaro mecum fuerunt animo, vinum cum lacte meo. Biberunt et obliti sunt egestatis aique doloris: egestatis, qua prius egentes fuerant, utpote « homines sine litteris et idiotæ (*Act. iv*); » doloris, quo propter passionem meam doluerant, sicut prædixeram eis jam hora passionis imminentia; « sed quia hæc locutus sum vobis, tristitia implevit cor vestrum (*Joan. xvi*). » Item: « Et vos igitur nunc quidem tristitiam habetis, iterum autem videbo vos, et gaudebit cor vestrum, et gaudium vestrum nemo tollat a vobis (*ibid.*). » Hoc sacramentum nescientes, qui videbant et audiebant eos, scilicet quod bibissem ego et gustandum præbuissem illis vinum meum cum lacte meo, dicebant, nescientes quid loquerentur, « quia musto pleni sunt isti (*Act. ii*). » Denique Spiritum sanctum dederam illis, Spiritum Paracletum, qui unus idemque est, et vinum meum, et lac meum: vinum meum, quia gaudium de presentibus bonis; lac meum, quia consolatio de præteritis malis; vinum meum, quia dilectio Dei; lac meum, quia dilectio proximi. Et dicebam eis: « Comedite, amici; et bibite, et inebriamini, charissimi. » Quid comedetis, et quid bibetis? Nimirum reliquias, quas ego sumens dedi vobis, reliquias favi mei et mellis mei, reliquias vini mei et lacticis mei, non sine reliquiis myrræ meæ vel pacis assi mei. Non quomodo serpens mulierem Evans, et mulier virum suum invitavit ad comedendum, ego invito vos ad comedendum et bibendum; imo contra illud quod illi comedenterunt, ego necessarie comeditionis atque bibitionis appono vobis antidotum. Serpens non dahat illis de suo, sed suadebat rapere de alieno. Ego do vobis de proprio, de favo et melle meo, de vino meo et lacte meo, imo et de corpore meo, de sanguine meo, simul et de spiritu meo. Spiritus hic veritatem loquitur vobis contra mendacium, quod serpens loquebatur illis. Quid enim locutus est illis: « Scit enim Deus, quia quoctaque die comederitis de ligno illo, aperientur oculi vestri, et eritis sicut dii, et idcirco prohibuit ne comederetis (*Gen. iii*). » Hoc dicens ille spiritus blasphemizæ, magnam Deum asseruit contra hominem habere invidiam. Iste autem Spiritus veritatis, quid dicit vobis? Scit enim Dei Filius, quia « si manseritis in illo, et ipse in vobis (*Joan. xv*), » eritis sicut filii Dei, eritis dii, eritis « omnes filii Excelsi (*Psal. lxxxi*), » quia aperientur oculi vestri, aperientur vobis sensus, ut Scripturas intelligatis, et idcirco dixit vobis: « Accipite et comedite, hoc est corpus meum. Accipite et bibite, hic est sanguis meus (*Math. xxvi*). » Hoc dicens iste spiritus gratiae, magnum circa nos insinuat Dei benevolentiam. « Co-

Patrol. CLXVIII.

A medite. » igitur. « amici, et bibite, et inebriamini, charissimi. » Hoc unum de similibus loquor vobis, de similibus serpentis. Non enim sine causa dixi: « Et sicut Moses exaltavit serpentem in deserto, ita exaltari oportet Filium hominis, ut omnis qui credit in ipso, non pereat, sed habeat vitam æternam (*Joan. iii*). » Non, inquam, sine causa dixi, quia videlicet ecce loquor vobis unum de similibus serpentis. Quid est illud, unum de similibus? « Comedite, » inquit ille, « et eritis sicut dii, comedite et bibite, » ego dico, et eritis vos gratia, quod sum ego natura, scilicet filii Dei. Neque illi, videlicet primi homines, in fructu ligni vetiti videbant hoc quod audiebant, scilicet divinitatis effectum, neque vos videtis in pane et vino corporalibus oculis, sic esse, ut dico corpus et sanguinem meum. Illi videbant solummodo arboris pomum, vos videtis solummodo panem et vimum. Plus ille serpens quam videretur credi sibi met voluit, et creditum est illi, plus et ego mihi ut credatis exigo quam videre possitis corporis oculis, et credendum est mihi, ut quo ordine mors introivit, eodem foras mittatur, et vita sublata male credulus, bene credentibus recuperetur. Quo enim ordine vita sublata est et mors introivit? Eo videlicet, ut morte animæ præcedente, mors carnis subsequetur. Nam quo die comederunt primi homines vatum, eodem morte animæ, morte peccati mortui sunt, et deinde morte carnis, suo quoque die vel tempore in pulverem reversi sunt. Ibi vos quoque amici, et secundum animam mortui, et secundum carnem mortales facti estis. « In Adam » quippe « omnes moriuntur (*I Cor. xv*), » et hoc scienter unusquisque vestrum constitetur. Nunc autem quid spiritus dicit? « Elevare, elevare, consurge Hierusalem, quæ bibisti de manu Domini calicem iræ ejus, et usque ad fundum calicem soporis bibisti, et potasti usque ad fæces. Duo sunt quæ occurrerunt tibi, vastitas, et contritio, et famæ et gladius. Filii tui projecti sunt, dormierunt in capite omnium platearum, sicut bestia illaqueata, pleni indignatione Domini, increpatione Dei tui (*Isa. li*). » Quam dicit indignationem Domini, ipsa **404** est mors animæ, et quam dicit increpationem Dei tui, ipsa est mors corporis, et ipsa est calix, quem bibisti, inquit, de manu Domini, subauditur, increpantis atque dicentis, « in sudore vultus tui vesceris pane tuo, donec vertaris in terram, de qua sumptus es, quia pulvis es, et in pulverem reverteris (*Gen. iii*). » Nam calicem mortis animæ bibisti, non de manu Domini Dei tui, sed de manu serpentis antiqui inimici tui. Mortis corporeæ calicem idcirco bibisti de manu Domini, quia sublata vita anime, vita corporis si perpetua fuisset, nimis esset inutilis. Hæc duo occurrerunt tibi, inquit. Ac deinde subjungit: « Idcirco audi hæc, paupercula, et ebria non a vino. Ecce tuli de manu tua calicem soporis, fundum calicis indignationis meæ. Non adjicies, ut bibas illum ultra (*Isa. xl*). » Hoc agitur nunc, o charissimi, dum dico vobis: « Comedite, amici; et bibite, et

inebriamini. Amici, et inquam, et charissimi. Jam enim non dico vos servos, sed amicos meos, quia omnia quaecunque audivi a Patre meo, nota feci vobis (*Ioan. xv.*). Idcirco non dico, chari; sed dico, charissimi, quia caritas erga vos maxima mihi est, quia major esse non potest. Majorem enim hac dilectionem nemo habet, quam ut animam suam ponat quis pro amicis suis (*ibid.*). Hoc ego facio. Nam, ecce dum morior, dum ad mortem trador, jamque venditus in morte agonizor, corpus quoque meum comedendum et sanguinem mecum bibendum vobis appono, ut sicut jam dixi, quo ordine mors introivit, eodem foras mittatur de animabus et corporibus vestris. Primo quippe foras mittitur mors animarum, dum comeditis et bibitis sacramentum mortis vel passionis meae, quia sicut quodam loco dixi: « Qui manducat me, ipse vivet propter me (*Ioan. vi.*). Post hoc foras mittetur mors corporis, scilicet quando omnes resurgetis, quod et vos me primo resurgentem fideliter creditis, sicut istud ego dixi de illo, « qui manducans me, vivit propter me, et ego reusciscabo eum in novissimo die (*ibid.*). » Vicit aliquis: Sancti itaque patres vestri quomodo videntur, qui non comedderunt neque hiberunt hoc vita sacramentum, nisi tantum in figura et in generatione una, quando et magna in deserto conciderunt (*Exod. xvi.; I Cor. x.*) et aquam de consequente eos petra hiberunt? Ad haec, inquam, sicut viventibus vobis pro modo vestro, ita et defunctis illis pro modo ipsorum, sapientia Dei providit, cunctisque mensura paravit. Siquidem dissipati sunt illi, quoniam animarum quidem apud inferos sunt in regno speci, corpora vero requiescent in sepulcris, dissipabor et « ego panis vivus, qui de celo descendit (*Ioan. vi.*), et anima quidem ad animas illorum, corpus vero descendit ad corpora ipsorum, scilicet in ejus terrae ventrem, quo illa recepta sunt. Mox animarum illorum revivescent in vita plena aliquid perfecta, cuius in spe aliquatenus vixerunt; in novissima autem die vobis, cum resurgent resurrectione corporum. Aliud ita sicut quod dicitur aliquis vestrum, quoniam summis letaret tides omnium vestrum, quia et sicut in Adam omnes moriuntur, ita et in Christo, omnes vivificabuntur (*I Cor. xv.*). Hoc tamen salutis sacramentum ab initio non feci vobis, hunc cibum non possum dare, nam eternae habeamus, non porrecti vobis, cum ambulatoris mecum ad praedicandum Evangelium regni Dei. Non enim tempus erat, neque ordo poscebat ut vobis cibus aut potus daretur novae salutis, priusquam mundaremini, priusquam deceleretur macula vestra, macula reatus antiqui, quam contraxerunt cum condendo vetitum, vobisque omnibus nascituris intrerunt jam dicti homines, primi parentes vestri. Mundi autem alter neque vos potuistis, neque poterunt veteres amici nostri, sancti antiqui ab origine mundi, nisi per effusionem sanguinis mei, et lavacrum regenerationis (*Tit. iii.*), scilicet sanguinis et aquae de latere meo decurrentis. Non igitur ante vobis sapere aut dicere debui, et accipite et comedite,

A amici; accipite et bibite, charissimi; non, inquam, ante, sed in ipso articulo passionis meae vel mortis, qua emundati estis, unde et dico vobis, quia et « vos mundi estis propter sermonem, quem locutus sum vobis (*Ioan. xv.*). » Nam quia credidistis, et quia permanesistis mecum in temptationibus meis, idcirco ex quo ego coepi agouizari vos copistis emundari; ac proinde sicut iam mundis, sicut emundatis a peccato originali, quod primus homo per ebum contraxit, hunc cibum et hunc potum feci vobis apponendum ceteris amicis et filiis nostris post vos nascituris, hoc ordine ut ipsi prius laventur aqua baptismatis, quae post sanctificationem Verbi cum signaculo crucis sive exorcismo passionis meae vel mortis, non erit alia, sed eadem quam cum salvare mea de latere meo jam mortuus profundam, percussus lancea militis, et tunctus demum participata cibi hujus ac potus e modo quo tradij vobis. **C** Inebriamini et igitur, et charissimi; et inebriamini, inquam, ita ut egestatis vestras obliviscamini, et doloris amplius non recordemini. Nam et corpus quidem mortuum, id est certissime revertiturum est « propter peccatum, spiritus vero non propter justificationem (*Rom. viii.*). » Et ipsam mortem et omnes modos sive species mortis alique penarum, quidquid doloris et quidquid gaudii, quidquid timoris, et quidquid spes mandua habere, sive inferre potest aut potuit, obliviscimini charissimi per elicitatem yni vestri, praet abundantia Spiritus sancti, praet dulcedine myopia vestrum, pupillam presentium quibus interesse merueritis, quarum scientiam videre prius meruerunt beati oculi vesti. **D** Vobis enim estis convites, myopia vestrum, praeponiti, quia prius omnipotens aqua, viuum saecula gustare merueritis. Siquidem jam hoc ipsum quod non habetis tristitiam sive dolorem seculi, quod conceptus gaudiu[m] mundi, quod timore hominum non est meritis, quod non in homine speratis, quia videlicet qualiter passiones aqua mortua, ita et aquam mortuarum quedam capta sunt, sed solamente secundum Deum contristomini (*I Cor. viii.*), solam mox in Spiritu sancto gauditis, solam Deum timetis, et in solo Deo speratis, jam, inquam, hoc ipsum est preconuata factum ex aqua tua et obraqtatis iubatum, veniet aeterna salutis, perficit obiectus, post hoc, justa illud haec psalmus: « Iustitia tua ab ubertate domus tua, et exortio voluntatis tua potabat eos (*Psalm. xxxv.*). » Ecce hoc sunt socii mea sponsa, quae feci, quaeque dixi anima et charissimis meis, veniebas et in hostium meum, et mortuum, ut jam dixi, et myrram meam cum aromatis incis, et comedens et favuna impetu cum nullo noco, et bibens et vinum mortuus canis hoc meo. Exterum quod optas et dicas post hoc omnia: « Veniat dilectus meus in hostium suum, et comedat fructum pomorum suorum, » hoc desideras, ut id quam dixi hostium conclusum, cujus emissionem sum vel esse incipiant per mundum universum prae radibus malorum punicorum; te, inquam, hostium

conclusum, fontemque hortorum, mox accipiam ad meipsum, aut ubi ego sum, illuc et tu sis mecum (Ioh. xiv), hoc nimurum ratio differre postulat, videlicet in primis, ne vacet huic mundo dicere quod nonquam mulierem viderit, de qua novum hoc audit et Evangelii nostri prædicatione, quia misit Deus Filium suum, factum ex muliere, factum sub lege (Gal. iv). Pulcherrimum atque ordinatissimum est quod dum adversarii nostri libros bajulat secum, dicentes sive scriptum habentes: « Ecce virgo concipiet et pariet filium, et vocabitur **B** domen ejus Emmanuel (Isai. viii), et amici nostri prædicant in ita plenitudine temporis hoc esse perfectum, sequentibus signis, ad confirmationem dictorum (Marc. xvi), tu quoque ades nata libenter præcedentium atque prædictorum supernaque subsequentium; tu, inquam, virtutum operaris, ac fons sanctæ magistra religionis, qualem nonquam opulus vides, quælibet ab initio, quando finies est, non fuit, nec est, nec erit in cogitationibus, in verbis suis, in factis suis, in omni odore sanitatis, in operi flore et fructu honoris ethonestatis (Ecclesi. xxiv). Ecce venturi sunt horripes spiritus mortali, spiritus contra semelipsam divisi, et contra conclusionem horti mei, contra virginitatem uteri mei [al. viii], contra paradigmas emissiones tuas, multæ diversa, iuxta et contraria dicturi, videlicet Carthaginiani, Valentianiani, Apollinaristarum, Pauliani, Irenianistæ, et alii spiritu terroris seducti sive se-

A ducendi, per quos serpens antiquus sibilabit, ut dicant, alii me hominem fuisse tantum, et utroque sexu progenitum; alii me nihil corporis assumpsisse ex te, sed transisse per te quasi per fistulam, alii non me hominem verum, sed in phantasia apparuuisse hominem phantasticum, alii non semper me fuisse, sed ex te sumpsisse Initium, alii filios te ex Joseph suscepisse post me natum. Tandiu igitur differri te oportet et detineri in peregrinatione ista, donec interimas et istas et cæteras haereses universas, barrando fideliter, quod prædictetur et scribatur veraciter; narrando, inquam, prout tempus et causa postulaverit, quod non me ex viro, sed ex superveniente Spiritu sancto conceperis, quod non ita per te, quasi per fistulam transierim, sed de ipsa carnis tuae substantiam veram carnis substantiam suscepimus, quod non phantasticum, sed verum et vere humanum corpus acceperimus, et in cœlum levaverimus, quod non ex te initium sumpserimus, sed ante te, imo et in principio ante omnia sæcula Deus Dei Verbum ego exsisterim, et post me natum semper virgo sis, juxta quod Ezechiel propheta dictum fuit, quia « porta hæc semper clausa erit (Ezech. xliv). Portas istas et omnes ejusmodi emissiones tuas, tempus tuum erit, ut cum anima tua faciam id quod summopere desiderans, dicas: Ut veniat dilectus meus in hortum suum, ut comedat fructum pomorum suorum.»

LIBER QUINTUS.

O beata Maria, vocem sponsi jamdudum audierunt non solem amici, verum etiam adolescentulæ quam puerorum pulchritudinem tuam laudantis et dicens, quia « Iusta pulchra es, » et adhuc adjiciens [al. dicebat], « absque eo quod intrinsecus es. » Quid est illud quod: intrinsecus latet, et nisi optimus intentionis sive conscientiae thesaurus? Hoc enim fere orantes nos latet dum legitimus, quia in religionis et fidei magistra cum beatissimis apostolis convertebamus, sicut hominibus, et fere inter turbas tuas es. Cur nos potius in abscondito te contulimus? Cur non confirmasti tibi secretum contemplationis? Cur nonquam aliquis mortalium visus est magis te assumptiæ penas sicut columbae, ut volaret et requiesceret, ut elongaret fugieus, et manaret in solitudine? (Psal. lxxv.) Hoc enim multi fecerunt, non solus Elias sive Helias (III Reg. xviii), verum etiam quamplures filii prophetarum. Quid igitur? Quam ob causam non et tu similiter, sive amplius ex modo pretiosam abscondisti hominibus pulchritudinis tuae margaritam? Quærimus, hoc et est scitum dignum, et ecce jam invenimus et videamus, non quidem omnino sicut est, sed quasi per speculum (I Cor. xiii), sublucet vita tua, vita inclita, quæ ut dicere vel capere jam consuevimus, cunctas

C considerandum habemus maxime hunc Scripturæ locum, hæc pulcherrima dicta Canticorum, quæ sic incipiunt: « Ego dormio, et cor meum vigilat. Vox dilecti mei pulsantis: Aperi mihi, soror mea, amica mea, columba mea, immaculata mea, quia caput meum plenum est rore, et cincinni mei guttis noctium. Exscoliavi me tunica mea, quomodo induar illa? Lavi pedes meos, quomodo inquinabes illos? Dilectus meus misit manum suam per foramen, et venter meus intremuit ad lactum ejus. Surrexi, ut aperirem dilecto meo. Manus meæ distillaverunt myrrham primam, et digitæ mei pleni myrrha probatissima. Pessulum ostii mei aperui dilecto meo. At ille declinaverat atque transierat. Anima mea liquefacta est, ut dilectus locutus est. Quæsivi illam et non inveni: Vocavi, et non respondit mihi. Invenerunt me custodes, qui circumdeunt civitatem: Percusserunt me et vulneraverunt me, tulerunt mihi pallium meum custodes myrorum. Adjuro vos, filii Hierusalem, si inveneritis dilectum meum, ut annuntiatis ei, quia amore langueo. » Ecce hic, o Maria beatissima, ecce hic nobis: quasi perspiculum in enigmate (I Cor. xiii), sublucet vita tua, vita inclita, quæ ut dicere vel capere jam consuevimus, cunctas

illustrat Ecclesias. Totus fere hujus capituli sensus ad illud pertinet, quod in te latet; et supra nos est: quemadmodum supra dicebat dilectus, « oculi tui columbarum, absque eo quod intrinsecus latet, sicut fragmen mali punici, ita genere tuæ absque eo quod intrinsecus latet (*Cant. iv.*). » Admoveamus igitur hoc speculum et diligenter oculis cordis exinde contemplemur, utsalem aliqua ex parte cognoscamus sanctissimam conversationem tuam. « Ego dormio, et cor meum vigilat. » Quid hoc est aliud, nisi illud ipsum quod alibi dicit habitatrix pectoris tui sapientia **406** Dei: « In omnibus requiem quæsivi? (*Ecclesi. xxiv.*) » Et quid haec sunt: « Ego dormio, » etc., « In omnibus requiem quæsivi, » nisi optimam partem elegi (*Luc. x.*), relictis cunctis sollicitudinibus vel curis sæculi? Et quidem multæ filiæ sive multæ animæ taliter dormierunt, vel dormire cupierunt, sed tu dormitionis hujus totum obtines magisterium et vigiliarum cordis totum tenes principatum. Quid aliud nobis in Psalmo loquitur ibidem dilectus dicens: « Vacate et videte, quoniam ego sum Deus (*Psalm. xlvi.*) ». Hoc namque idem est ac si diceret: Vos dormite, et cor vestrum vigilet. Intelligimus igitur quid dicas: « Ego dormio, et cor meum vigilat, » scilicet quia talem nobis ut sequamur vitam tuam esse insinuas, qualis in patre tuo Jacob, quasi per umbram significata est; qui et ipse quando dormivit, tunc cor ejus vigilavit sicut scriptum est: « Cumque venisset ad quemdam locum et vellet in eo requiescere, tulit de lapidibus qui jacebant, et supponens capiti suo dorignivit in eodem loco. Vidiisque in somnis scalam stantem super terram, et cacumen ejus tangens cœlum; angelos quoque Dei ascendentis et descendentes per eam, et Dominum innixum scalæ (*Gen. xxviii.*), » etc. Multarum quoque, sicut jam dictum est, animarum fuit et est, non solum secundum illam similitudinem otio sancto dormire, id est, a terrenis curis vacare, et in cœlestibus per contemplationem corde vigilare, verum etiam eodem modo, quo et Jacob tunc dormivit secundum corpus dormire et secundum animam per somnium cœlestia videre, juxta illud: « Senes vestri sonnia somniabunt, et juvenes vestri visiones videbunt (*Joel. ii.*) ». Sed, o tu cœlum Dei, unica sedes Domini, in utroque vigilante modo, cunctis mortalibus sive terrenis hominibus longe eminentior exististi, longe studiosior ad contemplandum eum, in quem desiderant angeli prospicere, atque aptior fuisti. Quid ergo tu cum hominibus, quamvis sanctis? Quid tu loqui vel conversari cum mortalibus, quamvis apostolis? Cur non potius tanquam turtur castissima, turtur solivaga, solitudinem expectisti remotior quam Joannes Baptista, secretior quam Helias, ut solite scirent, tibique famularentur angelii sancti, non ad horam, sicut angelus Heliam semel et iterum pavit (*III Reg. xix.*), neque ad tempus, sicut eundem corvi paverunt ministri, sed jugiter, donec tuis completis diebus, ad transferen-

A dam te in cœlum æthereum non unus tantum cursus igneus, sed totus cum rege suo Filio tuo veniret atque occurreret angelorum exercitus? Hæc nobis quasi percontantibus tu respondens, dicas: « Vox dilecti mei pulsantis, aperi mihi, soror mea, amica mea, columba mea, immaculata mea, quia caput meum plenum est rore, et cincinni mei guttis noctium. » Hoc est dicere: Dilectus meus foris est, quasi subdio est, tectum non habet, domum non habet: « Vulpes, inquit, soveas habent, et volucres cœli nidos, Filius autem hominis non habet, ubi caput suum reclinet (*Matth. viii.*) ». Quid enim? Numquid domum vel suam habet? Imo « reliqui, ait, domum meam, divisi hereditatem meam, facta est mibi habitatio mea quasi spelunca hyæna (*Hier. xii.*) ». Domum ergo jam non habens suam, et nondum adeptus aliam, id est, a Judeis repulsus, et gentibus nondum cognitus, quodammodo stans foris et pulsans, rogat intus suscipi, et haec vox dilecti mei pulsantis: « Aperi mihi, soror mea, columba mea, amica mea, immaculata mea. » — « Soror mea, » per fidem, « amica mea, » per spem, « columba mea, » per charitatem, « immaculata, » per omnimodam mentis et corporis incorruptionem, quod in matre quæ concepit et peperit, valde laudabile est. « Aperi mihi, » id est os tuum, « loquere, » prout ad confirmandum pertinet Evangelium, et in hoc optatæ tibi quietis patere suspendium; ut gratum singulari pudicitæ tuae propter me rumpas silentium. Quam ob causam? videlicet, « quia caput meum plenum est rore, et cincinni mei guttis noctium. » — « Extraneus factus sum quippe fratribus meis, et peregrinus filiis matris meæ (*Psalm. lxviii.*); et sicut ejus qui foris est, et tectum non habet, « caput plenum est rore, et cincinni » sive supremi capilli pleni sunt « guttis noctium: » ita « opprobria exprobantium ceciderunt super me (*ibid.*), » et ab ipsis sacrae sensibus pravis inficiuntur Scriptura, quæ omnes ita mihi, scilicet Verbo Dei, sicut cincinni inhærent capiti. Sicut me extra portas suas, ut crucifigerent, ejecerunt, ita de cordibus suis longe fecerunt, odientes et me et Patrem meum, et sicut illa nocte sua faciem meam conspuerant, ita pertinaciter blasphemias in caput meum jacitantes. D et cincinnos meos commaculant, similes ipsi roti cadenti, sive caducis guttis noctium, quia de gratia Dei ceciderunt, dum me Deum Dei Filium esse blasphemantes negant, et Scripturas, quæ testimonium perhibent de me, sensu contrario conturbant. Aperi igitur cum aliis testibus meis os tuum, et facito, ut in quibuscumque locum habeam, ubi reclinem caput meum. Ubi et quando ista vox dilecti pulsantis? Intus et interiori homine, ubi vobis quaque amicis dilectus idem solitus est loqui, sicut et de quodam vestrum Scriptura dicit: « Dixit autem Spiritus Philippo: Accede et adjunge te ad currum istum (*Act. viii.*) ». Si enim dilectus habitat in vobis et intus loquitur vobis, non necesse habetis doceri quid de meipsa dixerim, « vox dilecti mei pulsant-

uis.» Si quæritur quando, nimirum postquam ascen-
dit in cœlum, dum hic quoque sexus tenderet ad
eum, sicut legitur in Actibus apostolorum : « Hi
omnes erant perseverantes unanimes cum mulieri-
bus, et Maria matre Jesu et fratribus ejus (Act. 1). »
Sicut viri, ita et feminæ jam communiter vivere
incipiebant, non solum Judæorum, verum etiam
Græcorum, cum dato Spiritu sancto, prædicaretur
Evangelium. Hinc est illud : « In diebus autem illis
crescente numero discipulorum, factus est murmur
Græcorum adversus Hebræos, eo quod despicerent-
tur in ministerio quotidiano viduæ eorum (Act. vi). »
Propter hujusmodi maxime siebat « vox dilecti pul-
sanus » et dicentis : « Aperi mihi, soror mea, »
videlicet ne vel infirmiori sexui decesset salutaris
doctrina, ministeriumque et norma vitæ, vel morum
disciplina. Ego autem, inquam : « Expoliavi me
tunica mea, quomodo induar illa ? Lavi pedes meos,
quomodo inquinabo illos ? » Jamdudum quippe,
dilecte mi, vitam perfecte solitariam concupivi, in
qua sic vivitur, ac si quis tunica vel omni veste
nudus, quiescat sibi in secreto lectuli lotis pedibus,
et expers totius pulveris. Quomodo rursus implicar-
bor curis, quæ non desunt prælatis in conversatione
communi, quamvis vita communiter viventium
propriumque nihil habentium religiosa sit vel esse
possit ? Hæc namque vita sine victu vel ministerio
quotidiano non potest deduci, et non nihil habet pul-
veris, imo et nimis sæpe pulverulenta est, et in pri-
mis murmuriosa, sicut initio jam audistis, o amici,
« quia factus est murmur Græcorum adversus He-
bræos, eo quod despicerentur in ministerio quotidi-
ano viduæ eorum. Nec mirum quod sexu isto,
sexu fragili, confugiente ad nos de luto sæculi,
subest aliquid pulveris hujusmodi, cum et in ve-
stro, scilicet sexu virili, nonnulla reprehensibili-
ta sint, et multa pristinæ conversationis vesti-
gia supersint. Ego autem dilecto meo pulsanti lo-
quor, eique nota replica, quia singularis ego præ
omnibus exui me tunica mea, mente et actu
407 vel habitu reliqui omnia et ita lavi pedes
meos, conscientiam sive intentionem meam emun-
dante Spiritu sancto, ut jam dicti pulveris nihil
omnino residuum sit. Quomodo nunc « induar tu-
nica, » ut cum mea reliquerim omnia, curem aliena,
pro aliis sollicita, et earum quæ quotidie veniunt
viduarum, vel quæ venturæ sunt virginum mater-
familias efferta ? « Quomodo inquinabo, quos lavi
pedes meos, » id est, ad aliqua terrena inclinabo
oculos vel cæteros, quos omnes tibi soli, dilecte
mi, dedicavi, sensus vel cogitatus meos ? Nam, et si
custodia tua semper mecum est, vera tamen hu-
militas semper sollicita est, et mea potissimum
anima, quæ amore tuo singulariter plena est, pro
pulvere æstimat, pro sordibus reputat, quidquid
unquam præter te per aliquam necessitatem dicit vel
cogitat, quamvis licitum sit, quamvis non otiosum, imo
et aliquatenus utile videri possit. Hæc vel his similia
dicenti et vigilanti, corde dormire volenti mibi quid

A obvenit ? « Dilectus meus misit manum suam per
foramen, et venter meus intremuit ad tactum ejus. »
Quomodo, o dilecta, misit dilectus tuus manum
suam per foramen ? Quæ est illa manus ? Quod est
illud foramen ? Quis ille tactus ? Quis ille tremor ?
Quomodo « intremuit venter meus, » aut quid ven-
ter tuus ? Mirantes ista quærimus, quia talium
inexperti sumus. Dicit quidam veterum amicorum.
« Et misit Dominus manum suam et tetigit os
meum, et dixit ad me : Ecce dedi verba mea in
ore tuo. Ecce constitui te hodie super gentes et
regna (Jer. 1). » Item alius dicit : « Ego sedebam
in domo mea, et senes Juda sedebant coram me,
et cecidit super me ibi manus Domini Dei. Et
emissa similitudo manus apprehendit me in cin-
cino capitil mci (Ezech. x). » Nostra ætate refe-
rebat quædam adolescentularum familiaribus suis,
quibus propter compertam benevolentiam secreta
sua committere non dubitabat, nocte quadam si-
militudinem manus a capite lectuli fuisse immis-
sam super pectus suum pene vigilantis, imo nullatenus
dormientis, non nihil tamen de excessu
tenuiter patientis. Erat autem tactus suavissimus,
quasi dexteræ manus. Et apprehendens illam suis
utriusque manibus demulcebat signaculo crucis,
peragrans intus et exterius, quibus delinimentis
valde manus eadem delectari videbatur. Cumque
post illas signaculi sancti delicias, quibus manum
demulcebat, brachium quoque contingere, ipsam-
que personam, cuius manum tenebat, assequi co-
narebatur, velociter veluti increpitans movit et excus-
sit se manus illa, oleo suavior, penna volucris agili-
or, motuque suo dedit intelligi, quod ipse cuius
erat manus, nollet se apprehendi. Memorabat etiam
eadem adolescente, scilicet anima nuplius istis
dedita, canticisque nuptialibus intenta, quoniam
dilectus in visu noctis conspicuus, manum suam
miro modo pectori ejus, quasi per foramen injecit,
et cor ejus intrinsecus apprehendit, tenuitque ali-
quandiu suavissime stringens, et gaudebat ineffa-
bili gaudio cor illud intra manum illam subsiliens
atque tripudians. Porro de tremore illo, tremore
sancto et divino, tale experimentum sibi evenisse
fidei narratione referebat. Aspiciebat per visum in
quadam ecclesia Salvatoris imaginem, cruci con-
fixam in loco sublimi, scilicet ubi de more consi-
stebat, orantibus sive adorantibus proposita popu-
lis. Cumque in eam intenderet, vivens imago visa
est, vultu quasi regio, radiantibus oculis, aspectu-
que prorsus reverendo, manumque suam dextram
de patibulo adducere, signaculum crucis super as-
picientem edere magnifica expressione dilectus ille
dignatus est. Nam vana visio, imo magnæ virtutis
sensum videnti intulit continuo. Denique sicut tre-
mit folium arboris, ubi ventus vehemens illud con-
cussit, ita cum repente in hoc visu evigilasset,
tremore dulci, in lectulo aliquandiu tremuit, ve-
rum tam, tremore blando nimiumque suavi. Et
antequam evigilaret, in ipso visu jam dicti virtus

signaculi videntem sursum rapuit, velocius atque facilius quam dici possit, manibus expansis ad manus illius confixas cruci, ita ut os quoque ori, otumque corpus admotum videretur ejus corpori, et ubi sonno erupit, aliquandiu, sicut jam dictum est, tremore illo divino multum delectabili- ter vigilans tremuit. Hæc pro experimento manus vel tactus atque tremoris divini paucis dicta sint. Verum cum de tua persona agitur, o dilecta dilecti singularis, qualia vel quanta sunt ista, ut ea, quæ circa te fecisse credenda est manus Domini, possint aliquatenus ex istorum similitudine colligi? Magna sunt ista, nostrosque longe cogitatus exce- dunt, te potius audiamus, cætera tam sancta tamque mystica narrantem, tam longe supra litteram spiritum vitæ in sensu habentem. « Surrexi ut aperirem dilecto meo. Manus meæ stillaverunt myrrham optimam, et digitæ mei pleni myrrha probatissima. » Surrexi, inquam. Quomodo enim diutius dormire aut post obdormiscere potuissem? Quomodo tunica indui fastidiosum, aut pulverem pati in pedibus mibi esset pigrum, ubi post vocem dilecti mei pulsantis, manus quoque accessit, et tactu suo illum ineffabilem ventri meo timorem in- cussit? « Surrexi igitur, ut aperirem dilecto meo, » operam dedi, ut cùm apostolis Christi, utique dilecti mei dictis et factis proficerem currenti Evangelio. Nam hoc est quod dico: « Manus meæ stillaverunt myrrham optimam, et digitæ mei pleni myrrha probatissima. » Oportebat namque, ut ma- xime relictis creditum atque apostolicam vitam imitantium viduis, manifestum darem exemplum mortificationis vitiorum normamque in propatulo mox venturis, novumque eatenus inauditum exem- plum eo suscepturis sanctæ virginitatis proposi- tum. Hæc « myrrha utique probatissima, » id est pretiosissima est. Cæterum carnem mortificare, non propter Deum, neque propter ædificationem vi- dentium, sed propter gloriam propriam capien- dam ex ore laudantium, hoc quidem est manibus stillare myrrham, sed non probatam, imo nec ibi sunt digitæ, qui dicantur myrrha pleni, quia non est in tali opere virtus discretionis, quæ per digi- torum distinctionem solet intelligi. « Pessulum ostii mei aperui dilecto meo. » — « Pessulum, inquam, ostii mei, » id est, clausuram oris mei. Quid namque per pessulum, nisi silentii signatur firmamentum? Pessulum ergo ostii dilecto meo aperitur, cum in- dictum ori silentium propter Christum resolvitur, ut audientes æditcentur. Et quam pulcher, quam rationabilis et disciplinatus ordo loquendi! Prius myrrha stillat de manibus et digitæ myrrha probatissima pleni monstrantur, ac deinde pessulus ostii dilecto aperitur, id est, prius vita laudabilis in exemplum preparatur, et deinde doctrina fidem quærens audientium palam profertur. Hinc de ipso dilecto scriptum est, quia cœpit facere et docere (Act. i). Non dictum est prius docere, et deinde facere, sed prius facere, et deinde docere. « Et ille

A declinaverait atque transferat. » — « Ego, inquit, pes- sulum ostii mei dilectio meo aperui et ille decli- naverat atque transierat, » id est, ego os meum aperui in doctrina, ut audientibus facerem notiam dilecti, sed ille jam nobiscum non era, jam celo receptus adhuc redire ulteriori non habebat. Ergone, o dilecta, tu istud nesciebas? Nonne prius qua modo jam dicto pessulum ostii tul aperuisse, videras quod in cœlum 408 ascendisset, et scie- bas quod ultra ad commanendum mortalibus redi- turus non esset? Sciebam, ait, et bene sciebam. Sed quid? « Anima mea liquefacta est, ut dilectus locutus est. » Quando vel ubi locutus est? Nimirum, quando vel ubi ego et pessulum ostii mei dilecto aperui, et loquendo scilicet pro utilitate audiendum ea quæ sunt dilecti, tunc et ubi dilectus est locu- tus. Non enim ego eram quæ loquebar, sed ipse loquebatur in me (Matth. xi). Si enī quislibet re- strum amicorum dicit, et vere dicit: « An expe- rimentum queritis ejus, qui in me loquitur, Christi (II Cor. xiii), » non dubium quin et in me dile- ctitus idem locutus sit, quoties ei pessulum ostii mei aperui, quoties linguam movi, et Verbo Dei, quod ipse est, vocem meam accommodavi. Ut ergo dilectus locutus est, « anima mea liquefacta est. » Flebam quippe, et præ singultibus vehementer erumpentibus non poteram verba nisi concussa, vel voces nisi intercisas evolvere. Nunquid enim poteram absque fletu de illo verba facere? Verum fletus ipse consolatio mihi erat, delectatio quadam mihi erat, sicut et cuique vestrum lacrymæ se dulces sunt, fluentes in ejusdem recordatione dilecti, juxta illud: « Fuerunt mihi lacrymæ meæ pates die ac nocte (Psalm. xli). » Quanto magis mihi, da- diceretur mihi quotidie: « Ubi est Deus tuus (ibid.), » filius tuus? sive alia dicerem ego: « Me dimisit in hoc exilio Deus meus, filius meus, de me taliter incarnatus vel natus, propter me et me vi- dente, taliter agonizatus, talia passus? Quale mihi erat, commemorare sive narrare verba ejus, verba morientis, sive continuo morituri dilecti, ma- xime commendantis præceptum charitatis, manda- tum dilectionis, ab illa eterna sacrosancta, quando tradebatur, usque ad hæc verba novissima: « Mi- lier, ecce filius tuus; » ad discipulum autem: « Ecce mater tua? » (Joan. xix.) Ibi ignis, ibi gladius, ignis amoris, gladius doloris, et anima mea victimæ erat holocausti. Hanc enim et ignis incendit, et gladius petransivit. Unde sicut adeps sacrificii liquevit ab igne, et sicut fleuit sanguis de gladii vulnere, sic anima mea liquefacta est, non ibi semel tantum, ubi moriebatur ipse, verum etiam quoties me spe- riebute pessulum ostii mei, locutus est in me. To- quies quippe sensi profundæ corde, vulnerata mente istud, quod nona dieo, quia declinaverait signe transierat, ipsa commemoratione horum sensum mihi renovante ut magis ac magis sentirem eum hic jam non esse, visibiliter non comparera. « Qua- sivi illum, et non inveni, vocavi, et non respodi-

mibi. Quesivi, scilicet jugiter meditando, vocavi, semper orando, sed sic querens non inveni, sic voluntati non respondit mihi. Dulce lumen, et delectabilis est oculus videre solem, sed mihi dulce sensibilia, videre carnem meam in ipso viventem, delectabiliter habebam, quem generavam, videre facies ad faciem, ad dextram Patris super omnia fulgentem. Non sic statim inveni, non quoniam oculo volui, super hoc respondit mihi: Invenerant me custodes, qui circumdeunt civitatem. Percusserunt me et vulneraverunt me, tulerunt mihi pallium meum custodes murorum. Qui sunt vel erant illi vigiles, illi custodes murorum, qui circumdeunt civitatem? Nimirum amici et primi amicorum nostrorum, qui dicunt in libro suo, libro Actuum apostolorum: Non sequitur nos derelinquare verbum Dei, et ministrare mensis. Considerate ergo, fratres, viros ut vobis beati testimonili septem, plenos spiritu sancto et sapientia, quos constitutimus super hoc opus. Nos vero orationi, ministerio verbi instantes erimus (Act. vi). Isti erant vigiles, et hoc illis erat vigilare, et civitatem circuire, et muros custodire, scilicet orationi et ministerio verbi jugiter instare, iusta illud propheticum: Super muros tuos, Hierusalem, constitutus custodes, tota die et tota nocte non tacebunt laudare nomen Domini. Qui remansimini Domini, non taceatis et ne deis silentium ei, domino stabilitate, et domino penitenti Hierusalem inde in terra (Isa. xxxii), illam Hierusalem habuerunt, de qua et in Psalmo dictum est: In Hierusalem, quae seditetur ut civitas (Psal. cxviii). Hoc ita vigiles illi faciebant, ut omni die in templo et circa domos non essarent docentes et evangelizantes Jesum Christum. Iati invenerunt, querabant enim me. Quomodo querebant, et quomodo invenierunt me? Querabant me utique omnes plottelitudine, et illi praecepit, qui a dilecto fueram commissa, dicente: Ecce mater tua (Joh. xix), et recepit me in sua. Querebant isti multum sperantes de me, quod intesset mihi aliquid dignum illa inquisitione, quippe qui doverant quod in me vel de me fuisse factum, qualis mater quam genitissimum illum. Non nihil in me superesse arbitrabantur de thesauris Altissimi, quos superveniens in me Spiritus sanctus thesaurizat in conceptione tantum Filii. Verum quippe hoc erat, quia illius quidem de utero meo per nativitatem carnis, et tanquam sponsus de thalamo suo procedens (Psal. xviii), sed tibialominus tota plenitudo gratiae, quam acciperam, extunc et usque in seculum in corde et in sensibus meis, perseveravit ac perseverabit. Querabant igitur et invenerunt me plenam esse gemilibus inenarrabilibus (Rom. viii). Et hoc unde illis, ut sic inventirent me? Nimirum ex aliqua similitudine. Nam quod gemebam, similiiter et ipsi gemebant, eamdemque in gemilibus nostris habebamus causam, taliter ab ipso dilecto veraciter prænuntiatam. « Filioli, adhuc modicum vobissem sum. Quaretis me, et sicut dixi vobis:

A quo ego vade, vos non potestis venire; et vobis deo modo (Joh. iii). Hec nobis erat communis causa geminatum atque stetum, quod quod ipse abierat nos non poteramus ire. Non quidem reliquerat nos orphanos, quia reliquerat cum sua promissione et sua præmissionis spe secundum verba hanc: Et si abiens et preparavero vobis formam, iterum venio et accipiam vos ad mecum ipsum, ut ubi sum ego, et vos sitis (Joh. xiv) verumtamen interim, dum differebamur, sic erat nobis, quemadmodum ipse alibi dixit: Nunquid possunt illi sponsi jejunare, quando cum illis est sponsus? Venient autem dies quando auctor sponsus ab eis, et tunc jejunabunt (Malch. ii). Quod si filii sponsi erat Iesu, quanto magis illi matre ejusdem sponsi Iesu, quanto magis illi ieiunabunt? In hoc ipsi invenerunt me, nec enim quid alibi gererent, posset illos latere. Quid deinde? Petruerunt me et vulneraverunt me. Quodmodum vel quibus armis petruerunt me? Confundendo et colloquendo, et gemitus sube illis ultroneos, immo et nimis violentos in medium jacientibus, et percusserunt me, quod videlicet gemitus et stetus suis, et si vellent, retinere possem poterant, et idcirco soluti habenis lacrymas salis currere dilittabant, quia hunc ipsa lacrymae votum suum. Tunc unusquisque positionem suam afficerbat in medium, memores verborum Patris sui, illi mei, sponsi jam dicti, dilecti nostri, verborum novissimorum Patris ejusmodi, quae moriens et quasi ultimam trahens spiritum dicit, memores quale testamentum scripserit eisdem filiis suis, qualem hereditatem dimisisset eis, et de ipsorum heredum pace et concordia in orebus quam pie sollicitus testator ipse fuisse, et quodmodum et cum dilexisset suos, qui erant illi mundo, in finem dilexit eos (Joh. xiii). Hec erant jacula ipsorum, et istis pereuerterunt me, et vulneraverunt me percussi ipsi et vulnerali a me vicissim sagittis acutis, quae erant sagittæ loquentis in me dilecti, quemadmodum Psalmista dicit: Sagittæ potentis acutæ eum carbonibus desolabiles (Psal. cxix), atque ita multis percussiōibus intuisque vulneribus percutiebamus invicem et percutiebamus, vulnerabamus et vulnerabamus per percussiōibus suavissimis, vulneribus dolcissimis, qualla qui expertus non est profecto sanitatem cotidis non habet. Inter ista tulerunt mihi pallium meum illi custodes murorum, ita videlicet ut totum quod erat in me secretum facerem, quantum opus erat, illis manifestum. Nam tamen omnia quae erant de illo dilecto verba conservaveram considerans in corde meo (Luc. ii), et ita contingens quasi sub pallio; tuh autem deprimpsi illi aperto, videlicet necessaria multaque profutura prædicando vel etiam conscribendo dilecti Evangelio. His allisque modis defessa et omalno huic mundo præmortua, converto me ad alias sororesque nostras, Evangelii nostri viudas, sive qualescumque sexus nostri personas mihi creditas, et aio ad eas: Adjuro vos,

filiae Hierusalem, si inveneritis dilectam meum, ut annuptietis ei quia amore langueo. » O filiae Hierusalem, quae veræ estis filiae Abraham, semen Juda, filiae quoque David secundum fidem, credendo in eum, qui cum esset filius Dei secundum divinitatem, et rex supernæ Hierusalem, factus est filius meus, sive filius hominis « ex semine David secundum carnem (*Rom. 1*), » — « adjuro vos, » videlicet per hoc ipsum, unde estis filiae Hierusalem, si inveneritis dilectum meum; » si ante me, ut saepe fit, discipulae ante magistram, exeentes de corpore veneritis ante dilecti mei conspectum, « ut annuntietis ei quia amore langueo, » quia præ amore ejus, præ magno videndæ faciei ejus desiderio, nimirum vitæ bujus tedium patior et animo gemituoso lacrymosisque oculis suspiriosas præsentis exsillii moras sustineo. Quid erat, vel quid efficiebat hæc talis adjuratio? Nunquid ille dilectus nesciret amorem languentis sive languorem amantis nisi annuntiaret ei? « Domine, inquit Petrus, tu omnia scis, tu scis quia amo te (*Joan. xxi*). » Quanto magis, o tu dilecta, tam prudens tamque fidelis per temetipsam absque internuntiis dicere poteras dilecto, et frequenter dixisti sine dubio, dilecte mi, nullum tibi est absconditum cor, nullius occultus amor, tu scis quia amore langueo? Quorsum ergo tendit vel quid efficit hæc adjuratio? Eo nimirum ut percussa percutiat, vulnerata vulneret mater filias, salubriumque vulnerum suorum aliquod, et si non statim omnibus at saltem jam aliquibus earum experimentum efficiat, ut audientes filiae vel sentientes in matre tantum vitæ futuræ, quæ non videtur, desiderium in mente persentiant et ipsæ talem illum esse dilectum, ut jure propter eum fastidiat quivis vel quævis hoc præsens sæculum, jamque inter moras præsentis vitæ magis ac magis cupiat eum agnoscere, saltem per speculum, saltem in æpigmate (*I Cor. xiii*). Unde et protinus dicunt: « Qualis est dilectus tuus ex dilecto, o pulcherrima mulierum? Qualis est dilectus tuus ex dilecto, quia sic adjurasti nos? » Opportuna valde percontatio, si respiciamus ad illa tempora de quibus nunc agimus, quando tu, o dilecta, propter Evangelium dilecti præsens aderas, et in corpore detinebaris, magistra necessaria, testis valde idonea! Jam tune enim audiri incipiebant, non solum Iudei aperta fronte blasphemantes, verum etiam multi ac diversi hæretici sub nomine Christiano Christianam veritatem corrumpere laborantes, et exinde pullulare habebant eodem quidem malignitatis spiritu, sed diversis sibique contrariis erroribus, quamplura viperarum genima, velut antiquæ hydræ capita quæ, ut fertur, sectis prioribus plura renascebantur. Pulsandum igitur erat ad ostium veritatis, et consulendum oraculum Spiritus sancti, scilicet sacrarium pectoris tui, ut viva voce omnem necessario tenendam demonstrares regulam fidei, cum testimonio Scripturarum, quas memoriter tenebas prophetissa magna, et capax omium prophetarum sive prophetiarum. « Qualis est, aiunt,

A dilectus tuus ex dilecto, o pulcherrima mulierum, idem filius tuus, Deus ex Patre Deo qualis est, o Virgo virginum, o sancta sanctorum? « Qualis est dilectus tuus ex dilecto, quia sic adjurasti nos? » Neque enim nos, quæ jam sumus filiae Hierusalem, dubium habemus quin ipse sit dilectus ex dilecto, id est Deus ex Deo, sed non nobis solis, quæ nunc sumus in hoc tempore tuo, verum etiam et omnibus aliis providendum est filiabus Hierusalem quæ futura sunt post nos, ut ex te certo instructæ vel confirmata Spiritus sancti testimonio, sciunt contemner hæreticos et solius dilecti sancto flagrare desiderio. « Dilectus meus candidus et rubicundus, electus et millibus. Caput, ejus aurum optimum, coma ejus sicut elata palmarum, nigra quasi corvus. Oculi ejus sicut columbae super rivulos aquarum, que lacte lotæ sunt, et resident juxta fluenta plenisissima. Genæ illius sicut areolæ aromatum, consistit a pigmentariis. Labia ejus lilia distillantia myrram primam. Manus illius tornatiles aureæ, plena hyacinthis. Venter ejus eburneus, distinctus sapphiris. Crura illius columnæ marmoreæ, quæ fundata sunt super bases aureas. Species ejus ut Libani, electus ut cedri. Guttæ illius suavissimum, et totas deaderabilis. Talis est dilectus meus et ipse est amicus meus, filia Hierusalem. »

Tale tuum nobis carmen, divina propheta,
Quale sopor sessis in gramine, quale per aestum
Dulcis aquæ saliente sitim restinguere rivo.

C Hoc tuum carmen vere pulcherinum, et sicut dicitur, ita est Canticum cantorum. Nihil amici libentius audierint, nihil adolescentulæ delectabilius acciperint, quæcumque habent aures audiendi sensum que promptum, quo legitimum carmen discernere possint. Dixisti qualis dilectus sit, et miras qualitates ejus breviter quidem sed delectabiliter expensi, sicut habet seipsa veritas rei, sicut omnes consonanter prædicant Scripturæ veritatis. « Dilectus meus candidus et rubicundus. » Unde candidus, et unde rubicundus? Nimirum candidus sanctitate, rubicundus passione. Dicat aliquis: Si ergo candidus, quare rubicundus? Si sanctus, quare passus? Hoc enim admirans Spiritus sanctus in David, cum dixisset: « Beatus vir qui non abiit in consilio impiorum, et in via peccatorum non stetit, et in cathedra pestilentiae non sedit (*Psal. 1*), » et cætera, unique verbis designavit eum fore candidum, scilicet immunem ab omni nigredine ejus, « in quo omnes peccaverunt (*Rom. v*), » erant enim in lumbis ejus, quando « abiit in consilio impiorum, et stetit in via peccatorum, et sedit in cathedra pestilentiae, » cogitando malum, et transgrediendo mandatum, et defendendo sive in posteros suos transfundendo bæditarium peccatum suum, subjunxit atque ait: « Quare fremuerunt gentes, et populi meditati sunt inania. Astiterunt reges terræ, et principes convenierunt in unum, adversus Dominum et adversus Christum ejus? » (*Psal. ii*.) Et est sensus: Cum ita fuerit candidus et omnino immaculatus, quare ita con-

venerandi, et suo illum sanguine rubicundum fecerunt? Et in Isaia: « Quare ergo rubrum est indu-
mentum tuum, et vestimentum tuum, sicut calcaneum in torculari? » (*Isa. lxiii.*) Præmiserat enim:
« Ego qui loquor justitiam, et propugnator sum ad
salvandum (*ibid.*), » quod est vero esse candidum,
vere immaculatum. Statisque et quod hic dicitur,
« electus **¶** ex millibus, » ibidem subjungitur,
torcular calcavi solus (*ibid.*). » Igitur querimus et
nos, sive adolescentulæ, quæ nondum ad plenum
didicerunt, sed adhuc discunt tantum sacramentum.
Si ergo candidus, quare rubicundus? Si sanctus,
quare passus? Et respondent nobis amici veteres ac
novi: « Quia vulneratus est propter iniquitates no-
stras, attritus est propter scelera nostra (*Isa. lxxii.*), »
et proprio Filio suo non pepercit Deus, sed pro no-
bis omnibus tradidit illum (*Rom. viii.*), » et ipse dile-
ctidilectus « propter peccata, inquit, populi mei per-
cussi eum (*Isa. lxxii.*). » Quibus autem ex millibus
est electus, nisi ex sanctis omnibus? Et in quo elec-
tus, nisi in eo ut illud ficeret solus, ad quod facien-
dum nullus illorum fuit idoneus? Hinc enim apud
Isam, cum de universitate sanctorum, quæ una
civitas est, quæque in Adam cecidit, præmissum
fuisse: « Elevare elevare, consurge Hierusalem,
quæ bibisti de manu Domini calicem iræ ejus, et
usque ad fundum calicem soporis bibisti (*Isai. li.*), »
protinus infirmitas cunctorum millionum quanta fuerit,
his verbis quæ subjuncta sunt, demonstratur. Non
est qui sustentet eam ex omnibus illis quos genuit,
et non est qui apprehendat manum ejus ex omnibus
illis quos enutrit. Amplius autem ad ipsam con-
versus dicit: « Filii tui projecti sunt, dormierunt in
capite omnium viarum, sicut bestia illaqueata plen-
i indignatione Domini, et increpatione Dei tui (*ibid.*). »
Vere magna infirmitas cunctorum millionum. Non so-
lum non potuerunt sustentare Hierusalem sive ap-
prehenderet manum ejus, verum etiam ipsi « projecti
fuerunt et dormierunt in capite omnium viarum sic-
ut bestia illaqueata, » videlicet peccato illaqueati,
peccato originali, et ob hoc « pleni indignatione
Domini, pleni increpatione Dei, » id est et secundum
animam mortui, et secundum corpus mortales effe-
cti, nisi quod in isto electo spes omnibus illis una
residua fuit, quemadmodum sequens littera continuo
repromisit. Hæc dicit Dominator tuus, Dominus et
Deus tuus, qui pro populo suo pugnavit. « Ecce tuli
de manu tua calicem soporis, fundum calicis indi-
gnationis meæ. Non adjicies, ut bibas illum ultra, et
ponam illum in manu eorum, qui te humiliaverunt
(*ibid.*). » Hoc est opus electi, potuisse facere et fecisse,
quod nullus alius fecit aut facere potuit, quod est
abstulisse de manu generis humani, scilicet omnium
qui ad vitam erant præordinati, qui omnes dicuntur
et sunt una Hierusalem, calicem iræ et fundum cali-
cis, id est sententiam utriusque mortis animæ et
corporis. Unde hoc illi, ut talis vel tantus deberet
esse electus? in quo discernitur? Quo differt a cun-
ctis? « Caput ejus aurum optimum. » Hoc est ejus

A proprium, et hinc est illud quod veraciter esse dicti-
tur, « speciosus forma præ filii hominum (*Psal. xliv.*), » quia caput ejus aurum est optimum, id est,
principalis ejus natura vera divinitas est, ipse enim
est Deus, Dei Verbum, quod « erat in principio apud
Deum. Nam Deus erat Verbum (*Joan. i.*). » Ex dua-
bus unus idemque subsistit naturis, divina scilicet
et humana; et ob hoc divina ejus natura recte dicitur
caput, quia principium est, quemadmodum quædam
loco dicit: « Ego principium, qui et loquor vo-
bis (*Joan. viii.*). » Quid tanti ponderis, ut hoc au-
rum? Quid tam pulchrum, ut hoc caput aureum?
Quid tam pretiosum, ut hoc verbum? Ego dilecta
pondus auri hujus ineffabiliter in memetipsa persen-
si, quando de cœlo in uterum meum descendit. Sed
B habet quamdam de semetipso mirabilem atque in-
estimabilem efficaciam, qua mortalis conditionis ute-
rum fragilemque hunc serum ita dulciter solidare
novit ac potuit, ut non solum non frangeretur, ve-
rum etiam delectaretur pondere ejus parvitas uteri
mei, cum sit ipse quem tremunt angeli, quem totus
non capit orbis, « sub quo curvantur, ait Scriptura
qui portant orbem (*Job. ix.*). » Efficacia hæc, gratia
ejus est, sine qua nulla sub eo creatura subsistere
potest. Hoc habet præ cunctis millibus, scilicet ale,
tantique ponderis caput, et hinc est dilectus ex mil-
libus. « Comæ ejus, sicut elatæ palmarum, nigræ
quasi corvus. » Comæ ejus capitis sunt omnes Scrip-
pturae veritatis. Sicut enim comæ de capite pro-
deunt et capitis quoddam sunt ornamentum, ita
omnes Scripturæ divinitus inspiratae, de plenitu-
dine hujus verbi sive electi acceptæ sunt, et omnes
huic electo perhibent testimonium. Itæ comæ « sie-
ut elatæ palmarum, » id est sicut folia palmarum,
quæ videlicet folia idcirco dicuntur elatæ, quod ele-
ventur sursum, quia non pendent deorsum. sicut
aliarum arborum. Est aut palma arbor, insigne
victoriæ ramis oppansis in modum palme hominis,
procero ac decoro virgulto, diurnisque vestita
frondibus, et folia sua sine ulla successione conser-
vans. Vere ergo « comæ ejus, » videlicet electi sive
aurei capitis dilecti, « sicut elatæ palmarum, » quia
videlicet Scripturæ veritatis, quarum utique princi-
pium est caput illud, scilicet Deus Verbum, non sie-
ut scripturæ hominum terram aspicunt, sed sur-
sum tendunt, et quæ sursum sunt querunt (*Coloss. iii.*). Siquidem non occidentem litteram, sed vivifi-
cantem sequaris spiritum (*II Cor. iii.*), et valde diu-
turnæ sunt, sicut imo plus quam elatæ sive folia
palmarum. Quia « ecclæ, inquit, et terra trans-
ibunt verba autem mea non transibunt (*Luc. xxi.*); »
et: « iota unum, aut unus apex non præteribit
a lege, donec omnia flant (*Matth. v.*). » Sunt autem
nigræ quasi corvus, quia, sicut alibi dictum est,
« tenebrosa aqua in nebibus aeris (*Psal. xvii.*), »
id est occulta scientia in propheticis atque lega-
libus scripturis, ita veraciter dicas, nigredo ma-
gna in comis capitis dilecti, ut sensus sive intellectus
ideæ sit. Sed vide quid sequitur: « Oculi ejus sicut

columbae super rivulos aquarum, quae lacte lotae sunt, et resident juxta fluenta plenissima. » Oculi ejus septem sunt spiritus ejus, septem dona sive septem gratiae sunt unius ejusdemque spiritus. Confer opposita haec, « comæ ejus nigrae quasi corvus et oculi ejus sicut columba, quæ lacte sunt lotæ, » et vide quid conficitur. Istud nimirum, quia Scripturæ sanctæ sunt quidem sanctum et vivificantem non habentibus spiritum nigræ quasi corvus, quia obscuræ eis et truces videntur; sed habentibus gratiam spiritualem, quæ per oculos intelligitur, candidæ, imo et lucidæ sunt, sicut oculi columbae mansuetæ, columbae lactæ. Exempli gratia: Scriptum est, quoniam Abraham duos filios habuit, unum de ancilla, et unum de libera (*Gen. xxi*). Et *Ier.* dicit. « Animam pro anima, oculum pro oculo, dentem pro dente (*Deut. xix*), » et cetera. In prophetia autem: « Vade, inquit Dominus, sume tibi unorem fornicationis et fac filios fornicationum (*Osse. i*), » et cetera. In iis namque et ceteris humanis, comæ jam dictæ nigrae sunt, non quomodo, sed sicut corvus, quia non solum obscura sunt haec, verum etiam nociva videntur secundum litteralem sensum. Adhibitis autem oculis jam dictis oculis spiritualibus, appareat quia lucida sunt, columbina sunt, honesta et sancta sunt, videlicet secundum sensum mysticum, et quantum distat inter nigredinem eorum et nitoremque columbarum lactearum, tantum, imo et amplius, distat inter occidentem litteram et vivificantem spiritum (*II Cor. iii*). Igitur « oculi ejus, » id est gratiae sancti Spiritus in eo momentis « sicut columbae, quæ lacte sunt lotæ, » columbae valde candidæ, « quæ resident super rivulos aquarum et juxta fluenta plenissima, » id est omnino intendunt scripturis prophetarum et omnes inspicunt Scripturas sanctas, sacramentorum ecclesiasticum **¶** plenissimas, juxta illud Psalmistæ: « Sed in lege Domini voluntas ejus, et in lege ejus meditabitur die se meete (*Psal. i*). » Quid enim fuit aut docuit absoque auctoritate Scripturarum? Primum ubi egressus est a deserto, post jejunium ac tentationem, tradidit nibi liberum Isaïæ prophete revolvens, et inveniens locum, ubi scriptum erat: « Spiritus Domini super me, propter quod nuxit me (*Iac. LXI*), » et exēsta. « Hodie, inquit, impensa est hæc Scriptura in auribus vestris (*Luc. iv*). » Ita incipiens, cuncta sine dubio cum auctoritate Scripturarum, et dixit et fecit, semper intendens Scripturarum. Et ut aliquid pro exemplo dictum sit, nunquid in ipso initio sus prædicationis sine inspectione Scripturarum, absoque meditatione legis Domini in montem ascendit, sicut narrat Evangelium, « quia videns turbas plurimas ascendit in montem; et cum sedisset, accesserunt ad eum discipuli ejus et aperiens eis sudum, décebat eos, » videlicet hoc præcipue, « quod non venisset legem solvere, sed adimplere? » (*Matth. vi*.) Non utique sed hoc inspiciebat hoc meritabatur, utrum et alterum, videlicet et quod olim fecerat et quod postmodum erat factu-

A rus, quia nimirum et olim in monte legem dederat eamdem (*Exod. xx*), et postmodum ascensurus erat in montem, id est in ipsam cœli altitudinem, et aperto ore suo, aperto nihilominus sensu discipulorum suorum ut intelligentem Scripturas (*Luc. xxiv*), docere habebat eos omnem veritatem (*Joan. iii*). Recte igitur sicut columbae non qualescunque, sed columbae residentes super rivulos aquarum et juxta fluenta plenissima, « oculi ejus, » videlicet dilecti sunt, quia sensus sive cogitationes ejus nosquam a sanctorum inspectione Scripturarum sese aliquando averterunt. « Genæ illius sicut areole aromatum, consitæ a pigmentariis. » Genæ sunt inferiores oculorum partes, unde barbae inchoant. Nam barba Graece dicitur γύνακος. Quid ergo per genas dilecti, nisi exterior ejus habitus intelligitur? Genæ namque hominis enuntiant de illo, unde et dicitur vultus idem locus, eo quod per eum animi voluntas ostenditur. Ergo « genæ ejus, inquit, sicut areole aromatum, » quia nimirum latentum in eo indices sunt gratiarum virtutumque omnium, quæ ita intentibus gratae sunt, habentibus duntaxat simplicem oculum atque benevolum, « sicut areole aromatum, consitæ a pigmentariis, » id est non casu complantatae, sed bene dispositæ cura diligenter deletabiles sunt, et aspicientium lætificant visum pariter et olfactum. « Labia ejus lilia distillantia myrram primam. » Evangeliæ prædicatio munda est, et omnis doctrina dilecti sancta et vera est, quod et ipsi adversarii confessi sunt, quamvis non simpliciter dicentes: « Magister scimus quia verax es, et viam Dei in veritate doces (*Matth. xxii*). » Fuit autem initium prædicationis ejus pœnitentia, prærente in hoc ipsum Joanne, sicut ipsa manifeste Scriptura evangelica demonstrat. « In diebus autem illis, inquit, venit Joannes Baptista prædicans in deserto Judeæ, et dicens: Pœnitentiam agite, appropinquavit enim regnum cœlorum (*Matth. iii*). » Item: « Cum audisset Jesus quod Joannes traxisset, cessasset in Galilæam, et exinde coepit prædicare et dicere: Pœnitentiam agite, appropinquavit enim regnum cœlorum (*Matth. iv*). » Sed et alias, ubique occasio se præbuit, illam ostendit fuisse adventus sui causam, vocare scilicet peccatores ad pœnitentiam (*Luc. v*), et haec est amicorum quoque ejus doctrina circa omnes homines, « ut mortificent membra sua super terram (*Colos. iii*). » Ergo veraciter « labia ejus lilia distillantia myrram primam, » quia doceat munditiam, vocat ad pœnitentiam. Non qualemcumque myrram, sed « myrram, inquit, primam, » id est veram et optimam scilicet nequaquam cupiditate vanæ gloriæ adulteriam. « Cum, inquit, jejunatis, nolite fieri sicut hypocritæ tristes. Tu autem cum jejunas, unge caput tuum et faciem tuam lava, ne videaris hominibus jejunans, sed Patri tuo, qui est in absconso et Pater tuus, qui videt in absconso, reddet tibi (*Matth. vi*). » — « Manus ejus tornatiles, aureæ, plene hyacinthis, la quo « manus ejus tornatiles et aureæ? » Nimirum

in faciendo miracula, ut constanter dicere posset : « Si non facio opera Patris mei, nolite credere in me. Si autem facio, et si non vultis mihi credere, operibus credite (*Joun. x.*) ; » videlicet quæ feci in vobis, qualia vel quomodo nemo aliis fecit. Nemo quippe alias manus in faciendis signis vel prodigiis ita tornatiles et ita aureas habuit, id est nemo ita velox et potens exstitit in hujusmodi, ex omnibus, quicunque mira in hoc mundo sunt operati. Qui lorno operatur, facilius, citius atque perfectius operatur. Sic iste dilectus nimirum longe facilius, multo citius, valde perfectius mira quæ voluit operatus est quam aliquis ex cunctis operariis virtutum, quicunque a saeculo fuerunt. Illi namque multo sudore, multis orationum atque jejuniorum impendiis, multis clamore cordis et oris aliunde, scilicet ex Deo acquirere sive obtinere meruerunt cujuslibet (quam utique in semetipsis vel ex semetipsis non habebant) virtutis effectum. Hic autem solo nutu, sola voluntate, solo imperio interdum et taciturnus quod voluit operatus est. Exempli gratia : Cum dixisset in nuptiis : Implete hydrias aqua (*Joun. ii.*), non solum non clamavit aut oravit, sed nec voce sua sive labiorum motu jussit saltem aut dixit, convertantur vel convertimini aquæ in vinum, sed de hoc omnino tacitus. Haurite nunc, inquit, et fert architrino (*ibid.*), sciens et certus, quod satis tensisset natura tacitum conditoris sui nutum. Nec mirum. Ipse enim crat et est antiquus tornator, qui tornavit cœlum et terram, et sphærica solis et lunæ cunctarumque corpora stellarum torno suo, id est imperio velocissimo. Unde manus ejus ad tornatiles ? Nimirum ex eo quod sunt aureæ. Quid est aureæ, nisi divinæ ? Substantia namque Verbi incarnati verum aurum est, vera divinitas est; et unde quod ita velociter currunt manus ejus ? Quia, quamvis infirmitate carnis obiecta fuerint, nihilominus tamen tornatiles, ut erant, perseveraverunt, et in nullo infirmiores sive tardiores effectæ sunt. Adde et hanc sapientiæ laudem, tanto præconio fortitudinis sive velocitatis, quia plenæ hyæiōthis, lapidibus utique pretiosia. Quinam sunt illi hyacinthi ? Nimirum cœlestes causes mirabilium ipsorum quæ fecit, quas intendit, quas internis præ oculis habuit, sensus interni, sensus pulcherrimi, quos tu, dum cum exteriori opere conjungis, dum clare intelligis, dum opportune eloqueris, nimirum hyacinthos pulcherimos auro optime superadditos ostendis. Exempli gratia : Ut illuminaret cœcum a nativitate, exspuit in terram, et fecit lutum ex sputo, et linivit super oculos ejus, et dixit ei : Vade, et lava in natatoria Siloe (*Joun. ix.*), etc. In hoc nimirum manus ejus tornatiles et aureas claruerunt, quia et velociter operatas est, et sicut Deus in potestate opus fecit divinum. Adde annæ causes quare taliter operatus sit, cum dicere posset sicut alii dixit : Respic, fides tua te salvum fecit (*Lue. xviii.*), et ecce manus eadem plenæ hyacinthi. Quenam illæ cause sunt ? illæ profecto, quas usque in hanc diem sancta Eccle-

A sia diligenter observat in catechumenis suis, prius liniendo oculos eorum sive vel doctrina Incarnationis ejusdem dilecti Filii Dei, in qua videlicet Incarnatione, quasi sputum oris Dei, pulveri terræ sese indidit, et unus idemque Deus et homo ad illuminandum genus humanum processit de utero **412** virginis, et deinde intendo eos in fontem baptismi, quo per Spiritum sanctum totus homo illuminatur et vivit. « Véctet eūs éburneus, distinctus sapphirus. » Qualis venter, quam pulcher est quam decorus ! Vérum tamè si et caput pulchrius et pulchriores manus. Nam et caput atriū optimum, et aureæ sunt manus, venter autem éburneus. Pulchrum quidem et pretiosum est ebur, sed aurum longè pulchrius, longe pretiosius. Sic nimirum humana dilectioni hujus natura sive substantia, passibilis quandam et tenera, pulchra quidem et pretiosa; sed divina longe pulchrior, longe pretiosior, in una eademque dilecti persona, nimirum passibilis, semper immortalis, ut erat ante omnia saecula. Vere pulcher et decorus venter éburneus; quia sicut ebur magni corporis, scilicet elephantis, tota pulchritudo, totumque pretium est; sic iste venter, videlicet humanitas sive caro, quam ex genere humano assumpsit, totius mundi maximeque generis Abraham, de cuius semine nasci voluit, decus et gloria est. Pulchrius nimirum atque pretiosius est ebur carne vel corpore reliquo de quo sumptum est, et nihilominus caro dilecti hujus pulchrior, mundior et incomparabiliter sanctior est omni massa, cuius ex semine sumpta est. Nam universitatis hominum ista conditio est, ut nullus sit qui non veraciter dicat : « Ecce enim in iniquitatibus conceptus sum, et in peccatis concepit me mater mæa (*Psal. l.*), praeter hunc unum et unicum, singularem et solum, quem sine ulla iniquitate absque ullis peccatis concepi ego mater sua, nunc incorrupta, mater in conceptu intacta, in partu et post partum illesa et integra. Ita et venter ejus éburneus, id est homo ipse est castissimus, ab omni vitio frigidus, contra omnia quæ sunt carnis et sanguinis valde solidus, impassibilis et mundus, et sanctus, innocens et impollutus, et omnino a peccatoribus segregatus (*Hebr. vii.*). » Hujusmodi venter, et si non est aurum, sive aureus, ut caput est aurum, et ut sunt aureæ manus, attamen distinctus est sapphiris, id est humanitas ejus, et si non est id ipsum quod divinitas ejus, attamen splenduit rebus divinis, glorificata est omnimedis privilegiis divinitatis ab ipso initio quo cum vagiret in cœnis, famulante cœlo et indice stella, adorans est a magis usque ad consummationem (*Matth. ii.*), id est usque ad mortem, mortem autem crucis (*Philip. ii.*). Ubi dum compungeretur hic venter clavis et lancea militis (*Joun. xix.*), cœlum obscuratum est et tenebre factæ sunt (*Luc. xxiii.*), — et velum templi scissum est, et terra mota est, et patre scissæ sunt, et monumenta aperia sunt (*Matth. xxvii.*), et cætera deinde facta sunt, quæ tu considerans recte dicas, quia sub pedibus ejus quasi opus lapi-

dis sapphiri, et quasi cœlum cum serenum est A (Exod. xxiv). — « Crura illius columnæ marmoreæ, quæ fundate sunt super bases aureas. » — « Crura illius, » viæ sunt illius, scilicet misericordia et judicium, sive misericordia et veritas, sicut ait Psalmista : « Universæ viæ Domini misericordia et veritas (Psal. xxiv). » Nam veritas, ipsa est judicium verum. « Crura » ista, viæ istæ, « columnæ marmoreæ, » id est rectissimæ sunt atque firmissimæ, nec est qui posset eas infirmare aut juste reprehendere. « Nam judicia Domini vera, justificata in semetipsa (Psal. xviii). » Exempli gratia : Loco vel tempore supradicto, cum penderet dilectus iste crucifixus, latronum duorum medius, alterum ex eis penitentem misericorditer suscepit, secumque in paradiisu assumpsit, alterum blasphemantem justo iudicio reprobavit (Luc. xxiii). Cum similiter populi quondam non suum, populum gentilem credentem atque confidentem assumit, et populum quondam suum, populum Judaicum non credentem, imo contradicentem atque blasphemantem dereliquit, quis juste reprehendere, quis immutare possit ? Nemo utique, quia rectæ sunt istæ viæ ejus universæ. Ergo « crura illius columnæ sunt marmoræ. » Quid eo quoque verius, quod ait, « quæ fundatæ sunt super bases aureas ? » Bases namque aureæ consilia sunt sapientiæ divine. Denique super hujusmodi bases ita fundatæ sunt illæ mirabiles columnæ, ut in iudicando sive misericordiam faciendo, dilectus iste nibil possit a semetipso facere. Flere potuit super civitatem Hierusalem (Luc. xix), subversionem et damnationem suæ gentis prævidens, et tamen animum suum inducere non potuit ut averteret ab eis iram imminentem. Stabant quippe inflexibilia crura ejus tanquam « columnæ marmoreæ super bases aureas, » id est non qualis esset humanitatis suæ voluntas, sed divinæ justitiae rationes attendebat. « Species ejus, ut Libani electus ut cedri. » — « Species ejus, » pulchritudo ejus talis est ut Libani. Cujus Libani ? Illius nimirum, cui per prophetam Zachariam Spiritus sanctus, spiritus propheticus dixit : « Aperi, Libane, portas tuas, et comedat ignis cedros tuas (Zach. 1). » Iste Libanus fuit templum Domini, templum quod Salomon Domino ædificavit, cuius trabes et tabulata fere omnia fecit de lignis Libani, lignis redrinis auroque vestitiv. In quo species dilecti similis speciei talis Libani ? Primum in eo quod sicut Libanus ille, templum illud, caput et decus exstitit, sanctumque sanctorum Hierusalem illi terrenæ civitati, sic iste dilectus, et caput, et decus, et Sanctus sanctorum est supernæ Hierusalem civitati coelesti, civitati Dei viventis, secundum mysteria templi hujus noui manufacti, cuncta facta sunt ædificia templi illius manufacti, sicut et tabernaculum, quod Moses in eremo, jubente Domino, perfecit. Sicut enim de tabernaculo faciendo dixit Dominus Mosi : « Inspice et fac secundum exemplar quod tibi in monte monstravi (Exod. xxv), » ita et David Spiritum sanctum, spiritum propheti-

cam habenti, non dubium quin demonstratum fuerit cœlitus exemplar coelestis ædificii, ut describeret qualiter deberet fieri, sicut Scriptura libri Paralipomenon dicit : « Dedit autem David Salomoni filio descriptionem porticus et templi, et celliarum, et cœnaculi, et cubiculorum, in adytis, et domus propitiationis, necon et omnium quæ cogaverat atriorum (I Par. xxviii), » et cætera usque ad id : « Omnia, inquit David, venerunt scripta manu Domini ad me, ut intelligerem universa opera exemplaris (ibid.). » Profecto propheta cum esset David, qui et dicebat : « Super senes et super omnes docentes me intellexi (Psal. cxviii), » non dubium quin et ipse oculis iisdem quibus Moses viderat exemplar tabernaculi faciendi, viderit exemplar, juxta quod descriptiones templi faciendi, dedit filio suo Salomon. « Exemplar, » inquam, coeleste, scilicet magnum sacramentum templi, non manufaci, per Spiritum sanctum de utero virginis construendi, id est corporis sancti, sicut et ipse dilectus testatur, dicendo Judæis : « Solvite templum hoc, et post triduum excitabo illud. Hoc autem, inquit evangelista, dicebat de templo corporis sui (Jou. ii). » Igitur « species ejus ut Libani, » id est decus ipse est suæ sempiternæ civitatis, et Sanctum sanctorum in Hierusalem colesti, sicut praefiguntur est in illo templo manufacto, in illa Hierusalem terrena, constructa de lignis imputribilibus atque auro tectis. Non solum autem, sed et in hoc « species ejus ut Libani, » et ipse « electus ut cedri. » Quia sicut Libanus mons Phœnicis qui ex uno latere terminus est terræ Judææ maximis abundat cedris in semetipso radicatis et in altum subrectis, sicciste « mons Dei, mons pinguis (Psal. Lxvii), » vere candidus et mundus secundum hoc ipsum nomen, quod est Libanus, magnos et valde nominatos et ipsos patres suos, C 413 secundum fidem et de semetipso radicatos protulit, quemadmodum de David, utique patre sua carnis, ipse dicit : « Ego Jesus misi angelum meum testificari vobis, hæc in Ecclesiis, ego sum radix et genus David (Apoc. xxii). » Igitur isto quoque modo « species ejus ut Libani, » et « electus ut cedri, » scilicet sancti vel patres antiqui, id est assimilatus et illis, quemadmodum in Osee propheta dicit : « Et locutus sum per prophetas, et ego visiones multiplicavi, et in manu prophetarum assimilatus sum (Osee xi). » Exempli gratia : sicut Isaac ad immolandum ductus, non reluctatus est ipse, tamen vivus holocausto suo supersuit (Gen. xxii); » et sicut Joseph, invidia fratrum superata, de carcere transivit ad currum dominacionis, et Ægyptum de periculo famis eripuit (Gen. xli). Et sicut David, cum esset minimus, de medio fratrum invidentium, assumptus, et rex unctus, superbum Goliad stravit, et post multas persecutiones Saul, tandem sedet in throno regni (I Reg. xvi); » sic iste dilectus inter adversa gloriosus claudit, omnique invidia et ipsa morte superata, in cœlum ascendit. et sedet a dextris Dei, iuxta illud. « De torrente in via libet, propterea exaltabit caput.

(Psal. cix). » Similiter de aliis quamplurimis experimenta capere copiosa promptum est, ut scienter noveris ita esse, ut dilecta dicit, electus ut cedri. Finis descriptionis hic est : « Guttur illius suavissimum, et totus desiderabilis. » Guttur dilecti experimentum est divinæ ejus dulcedinis, quæ nondum apparuit, sed in futuro reservatur in remunerationem presentis fidei ac dilectionis, quemadmodum ipse Dilectus dicit : « Qui autem diligit me, diligetur a Patre meo, et ego diligam eum, et manifestabo ci meipsum (Joan. xiv). »

Guttar illud suavissimum, inquit, et non dicit, quam suave, vel cui simile sit. Cæterorum singulis quedam similia dedit sive apposuit, videlicet capitulum optimum, comis elatas palmarum, oculis columbas super rivoles aquarum, genis areolas aromatum, labiis lilia, manibus tornum et aurum cum hyacinthis, ventri eber distinctum sapphiris (Isa. liv), cruribus columnas marmoreas cum basibus aureis. Porro guttar, ut jam dictum est, nulli rei simile, sed tantummodo suavissimum dixit, ut per hoc recognites ineffabilem atque inestimabilem esse internam dulcedinem divinitatis, ut merito dictum sit illud quod Deus diligentibus se preparavit, quale « nec oculus vidit, nec auris audivit, nec in cor hominis ascendit (I Cor. ii). » Sed nec cæterorum, de quibus jam dictum est, similitudines sufficietes sunt.

Uno autem dicto supplerere contendit defectum totius sermonis, dicendo, et totus desiderabilis. Vere totus desiderabilis, « et semper desiderabilis, » quia cum habetur, tunc magis desideratur, estque visus in desiderio, desiderium in visione, sicut scriptum est : « In quem desiderant angeli prospicere (I Petr. i). » — « Talis est dilectus meus, et ipse est amicus mens, filiæ Hierusalem. » Quomodo sermo potius [al. sic] descripsit virum amabilem, dilectum, desiderabilem. Non talis pictura hæc, qualem aspexit illa non mater nostra, illa Hierusalem terrena, immo non Hierusalem, sed Ooliba soror ejus, quæ dicebatur Oolia, de qua et sic scriptum est in propheta Ezechiele : « Cumque vidisset viros depictos in pariete, imagines expressas coloribus et accinctos balteis renes, et tiaras tintas in capitibus corum, formam ducum omnium, similitudinem filiorum Babylonis terræque Chaldaeorum, in qua nati sunt, inservit super eos coneupiscentia oculorum suorum, et misit nuntium ad eos in Chaldaæam (Ezech. xxiii). Non, inquam, talis pictura hæc, verumtamen ænuminata in mellius visum illum et concupiscentiam illam. « Humanum dico, » ait quidam amicorum, « propter infirmitatem carnis vestrae. Sicut enim exhibuisti membra vestra servire immunditiae et iniquitatibus iniuriantibus, ita nunc exhibete membra vestra servire justitiae in sanctificationem (Rom. vi). » Et ego vobis dico : sicut illa videlicet non Hierusalem, sed Ooliba, exhibuit oculos suos videre viros depictos in pariete, videre imagines Chaldaeorum expressas coloribus, videre balteos eorum, tia-

A ras eorum, et formam eorum, ita nunc exhibete oculos vestros, oculos interiores, videre dilectum hunc, videre aureum caput ejus, nitentes oculos ejus, reverandas genas ejus, candida et gloriosa labia ejus, tornatiles et aureas manus ejus, eburnea et sapphiris distinctum ventrem ejus, recutissima crura ejus, et tangite suavissimum guttur ejus, juxta illud : « Gustate et videte, quoniam suavis est Dominus (Psal. xxxiii). » De omnibus justum iudicium judicare, vi' elect quod iste multo melior sit Moses. Illoc enim postulabat ipse, cum dicere: Judicabis : « Si circuncisionem accipit homo in Sabbatho, ut non salvetur lex Mosi, mihi indignamini, quia totum hominem sanum feci in Sabbatho? Nolite judicare secundum faciem, sed justum iudicium iudicare (Joan. viii). » Nam illi quidem locutus est Deus, et ex collocutione Dei facies ejus splenduit (Exod. xxxiv); sed non caput aureum, non manus tornatiles et aures habuit, id est, non Deus et homo, sed tantummodo homo fuit; et hoc ipsum, quoil splendida facta est facies ejus, quod aliqua operatus est qualibuscunque manibus, de plenitudine huius accipit, sicut et omnes alii. « Talis, » inquam, « est dilectus meus, et ipse est amicus meus, » et prius amicus quam dilectus meus. Prior enim illo me amavit, et resperxit humilitatem auxiliæ suæ amicis oculis, et hinc illum ego dilexi, quia magna fecit mihi (Luc. xi; Joan. i); magna, inquam, quæ vere sunt amici. Illoc autem nunc agitur, ut vester quoque dilectus sit, et ut sciat vel cognoscatis jam ex parte quam vere diligendus et totus desiderabilis sit, quia dixisti : « Qualis est dilectus tuus ex dilecto, quia sic adjurasti nos? Quo abiit dilectus tuus, o pulcherrima mulierum? Quo declinavit dilectus tuus? et querimus cum tecum? »

CAP. VI.— « Dilectus meus descendit in hortum suum ad areolam aromatis, ut pascatur in hortis et lilia colligat. » Ergo, o dilecta et dilectorum dilectissima, non quasi ignorans, quo abiisset dilectus tuus, dixisti filiabus Hierusalem, « adjuro vos, si invenieritis dilectum meum, » nam ipse potius ex te discendum existimaverunt, et tu doces eas, ubinam inveniro deberent illum. Quare autem non dixisti, Dilectus meus ascendit in cœlum, sed dixisti, « Dilectus meus ascendit in hortum suum? » Videlicet quia non adhuc in fidelibus, sed jam fidelibus loqueris, scilicet filiabus Hierusalem, quippe quæ nec veraciter dici possent filie Hierusalem, si non haberent fidem, nisi dilectum surrexisse atque in cœlum jam ascensisse credidissent. Illoc autem scire illas oportebat ad perfectionem fidei, quod licet ascendisset in cœlum, et sederet ad dexteram Patris, nibilominus tamen hic remansisset præsentia majestatis, præsentia vel gratia sive operatione divinitatis invisi, quemadmodum dicit : « Ecce ego vobiscum sum omnibus diebus usque ad consummationem saeculi (Matth. xxvii). » Igitur « dilectus meus descendit in hortum suum ad areolam aromatis, ut pascatur in hortis, et lilia colligat » id est, hic perseverat

neficium, que omni descendit, ut faceret voluntatem Patris sui, quod est pasci in hortis, quemadmodum dicit : « Meus cibus est, ut faciam voluntatem Patris mei (Joh. iv), » et ut electos suos congregaret ad se, quod est lilia colligere, quemadmodum quidam de principiis anticorum dicit de hoc ipso Diluceto, quia : meriturus erat pro gente, et non tantum pro gente, sed ut **414** filii Dei, qui erant dispersi, congregaret in unum (Joh. xi). » Cum hæc ita sint, nou illa vobis dictum arbitriemini, filii Hierusalem, « adjuro vos, si inveneritis dilectum meum, ut anamictio ei, quia amore languet, et lanquam

A hinc abierit, et hic nullo modo inveniri possit, quia Deus et Dominus est, qui ubique est, et omnia impedit, quemadmodum sapiens cogitor ejus dicit : Ergone putandum est, quod Deus habitet super terram ? Si enim cœlum et cœli cœlorum capere te non possunt, quanto magis domus hæc, quam sedificavi : (III Reg. viii.) Quamvis secundum visibilem præsentiam hic non sit, quamvis humanam formam in cœlum levaverit, eamque nubes suscepit ab occulis nostris (Act. i), tamen hic intra vos est, et vos illi estis areola aromatis, et ipse pascitur in vobis, et vos estis lilia quæ colligit.

LIBER SEXTUS

At tequam flerent et emploratione tum paradisus marlorum punicorum cum pomorum fructibus (Cant. iv), laudabilis eras et pulcherrimus meliorum, et dilectus tui voce haudaberis, dicentis : « Quam pulchra es amica mea, quam pulchra es ! Oculi tui columbarum, absque eo quod intrinsecus latet (ibid.), » etc. Quanto magis postquam ad vocem ejus pulsantis et prepter manam ejus te tangentes surrexisti ut apertures ei, et aperuitati pessulum ostili tui, factusque est filie emissionum tuarum paradisus, verbis atque exemplis tuis complantatae, laudari debauisti ampliori lande pulchritudinis, quam esses pulchra non sibi tibi, sed pulchritudinis tuae facti essent particeps plurimi. Repetit iterum dilectus canticum laudationis, et modulos multiplicat pulchritudinem cantationis in memoriam tui, talibus verbis te promittit : « Ego dilecto meo, et dilectus meus mihi, qui pascitur inter lilia. Pulchra es, amica mea, suavis et decora sicut Hierusalem, terribilis ut castrorum acies ordinata. Averte oculos tuis a me, quia ipsi me avolare fecerunt. Capilli tui sicut gressus caprarum, quæ apparuerunt de Galaad. Bentes tui sicut gressus ovium, quæ descederunt de Iudeo. Omnes gemellis foibus, et steriles non est in eis. Sicut cortes malorum punicorum, sic gena tua absque occultis suis. Sexaginta sunt regias, et octoginta concubinae, et adolescentularum non est numerus ; una est columba mea, perfecta mea, una est matre sua, electa genitrici meae. » Septimus : « Viderunt illam filii, et beatissimam predicaverunt reginas, et concubinas laudaverunt eam. » Octavus : « Quæ est ista quæ progrediatur quasi aurora consurgens, pulchra ut luna, electa ut sol, terribilis ut castrorum acies ordinata ? »

Igitur perfecta cantio maximaque hæc symphonia dilectionis, et modulus octavus idem sonat quod primus pro eo quod non concipiatur ego propria felicitate, studiū chorūm filiarum Hierusalem docere et ordinare, ita ut unus idemque corus et chorus esset castrorum acies, chorus laudantium dilectum, acies pugnantum contra diabolum propter dilectum. Nunc singula hæc modulari studiosius adiungenda sunt. « Pulchra es, inquit, amica mea, suavis et decora sicut Hierusalem, terribilis ut castrorum acies ordinata. » In hoc est perfectio pulchritudinis, quod non solum suavia, nec solum terribilis, sed utrumque es et suavia et terribilis ; « suavis sicut Hierusalem, terribilis ut acies castrosum, » quæ hec ordinata est. In quo « suavis et decora sicut Hierusalem, lego : » In eo videlicet quod et anima tua separatur sup-

pernam videt pacem, et ex visitatione cuiusvis discuntur A anima plurius celestem ducere conversatio-
num, unde et dicuntur vel sunt filii Hierusalem,
quia optimam eligunt partem, juxta illud : « Vacate
et videbitis quoniam ego sum Deus (Psal. xl.v.) » Quid
 vero est, ut castorum actes ordinata? Non
enim a magno intellectu vacat ista comparatio, et
idecirco subtiliter est intuenda. Scimus et constat,
quia castorum actes tunc hostibus terribilis ostendit-
tur, quando ita fuerit consipita atque densata,
ut in nullo loco interrupta videatur. Nam si ita dis-
ponitur, ut locus vacuus, per quem hostis possit
ingredi, dimittatur; profecto jam quis hostibus ter-
ribilis non est. Et nos ergo, cum contra malignos
spiritus spiritualis pertinaciam aciem panimus, sum-
mopere necesse est ut per charitatem semper uniuersum
alique constricti, et punctum interrupti per discordiam
inveniamur; quia, queritis qualibet hora in
nobis fuerit, si charitas desit, per malum discordia-
bus agetur in aie, uade ad feriendas nos valeat
hostis intrare. Huius pars optime tu talium habre-
distem possides, et in ea princeps tu es; pars, in-
quam, optima, cuius est in uiritate videre jam uer-
templari supernam pacem, secundum memorem
Hierusalem, et contra malignos spiritus in procinto
cum secundum castorum similitudinem. Verumtamen,
dilecta, q. vera Hierusalem, fac quod dico.
« Averte oculos tuos a me, quia ipsi me avolare fe-
cerunt. » Et tunc, quando me presentem habuisti prae-
ceptio corporali, oculos tuos, oculos tam mentis quam
corporis semper in me fixos habuisti; et nunc, quando
secundum corpus absens tibi sum, me spiritualibus
uisis jugularis contemplaris. « Averte oculos tuos; »
— averte, a ipsorum, videlicet ita ut prudens et di-
recta sit contemplatio, sciendo quod sim incom-
prehensibilis ego dilectus tuus, ex eo quod sum
Deus, cuius substantiam vel naturam quanto quis
contemplatur subtilius, tanto ad comprehendendum
insufficiet inventur, ut de isto quoque recte dicas:
« Adeodotus homo ad eum alium, et exaltabitur Deus
(Psal. lxxii). » Ergo homo est hoc placitumque
dilectio, propter causam hanc avertere oculos? Est
plene bonum, aliquo modo, scilicet dico sic a me
avertis, ut in contemplatione convertas oculos tuos, id
est dico sic altissimam divinitatem confuneris, ut re-
veres ad memoriam iustitiae tuam iustitiae con-
fitemur, et optimam uicias quia hoc ipsum quod Deum
tides non tuus potest, sed divinis gratia est. « Ca-
pilli tui sicut greci caprarum, quae apparuerunt de
Gabriel. Rupes tui sicut greci orium, quae ascenderunt de lavastro. Omnes gemellis fetibus, et sterilis
non est in eis. Sicut capillae mali punici, sic geno-
bae abaque oculis tuis. » Ut quid ista dilectus lau-
dationis modulatim repetit, cum inter cetera su-
perius eadem et eodem modo cecinerit, nisi quia dupli
honorificentia dignum est, eamdem munditiam
colationum, eamdem vite innocentiam, eamdemque
pudicitiam verescundiam, quam prius habuisti in soli-
litudine silentii, custodisse ad integrum in illa fre-

quentia, cui te interesse poscebat ptilitas Evangelii,
secundum voluntatem dilecti pulsantis et dicentes:
« Aperi mihi, soror mea, quia caput meum plenum
est rure, et cincipi mei guttis noctium? » (Cant. v.)
Et de istis quidem, videlicet de capillis, dentibus,
atque genis jam illic dictum est: verumtamen de
genis adhuc aliquid dicendum, quod libenter au-
diunt amici, quo xedimentur adolescentulæ, quo de-
lectentur filii Hierusalem. In utero nos ita natura
formavit, ut genua genis opposita sint. Unde
et a genis genua dicuntur. Ibi enim coherent sibi,
et cognata sunt oculis, lacrymarum iudicibus et
misericordiæ. Denique complicatum aiunt gigni, for-
marique hominem ita ut genua sursum sint, quibus
oculi formantur ut cavi sunt ac reconditi. Inde est
quod homines, dum se ad genua prostrant, statim
lacrymantur. Voluit enim nos natura maternum re-
memorare uterum, ubi conseedebamus in tenetris,
antequam veniremus ad lucem. Profecto qui causam
istam diligenter attendit, ille scienter aliquo ratio-
nabiliter laudat et approbat, sanctis et eruditis co-
gitationibus familiare esse, genua frequentius ex-
celso Deo curvare, et genas lacrymosas genibus
curvis applicare, ut respiciat ac recognoscat Creatorem
habitans in excelsis, qualiter nos in utero formaver-
it. Unde et illud sanctus Job commonefacit his
verbis: « Memorato, queso, inquit, quod sicut lu-
tum feceris me, et in pulvrem reduses me (Job
x.), et etc., usque, » licet haec celas in corde tuo, ta-
men scio, quod universorum memineris (ibid.). » C Non parvum inventum reperit qui istud cognoscitum
est, ut scienter sic exhibeat Creatori, sicut reperit
propheta Michæas, cum dixit: « Quid dignum esse,
ram Domino? Curvere gena Deo excuso (Mich. vi.). » Neç vero soli Deo, verum etiam hominibus dulcis
visus et amabilis est hujusmodi compositione sive ap-
positio, talionqua quisque magis reverendus existit,
quanto frequentius aliquo affectuosis genua cur-
vata, genas suas vel cœlos aut totum caput domi-
serit. Econtra capitis oculorumque ac genarum ero-
cio uimia mulierum Deum et hominibus adiubat est,
magistrisque sororitatis utriusque latum reproba-
tio, maxime ex ore Dei. Exempli gratia, cum dicas:
« Pro eo quod elevare satis situm Sias, et ambula-
verunt extenso collo, et nutibus oculorum ibant et
plaudebant (Isai. iiii), » etc. Item: « Generatio oculis
excelli auat oculi, et palpabra in altum subiecta
(Prop. xxx). » Tu, o dilecta, naturam condecorasti,
quae genas tuas ad bellum viri aspectum subievere
prima proposuisti, solique Creatori mente et cor-
pore humulis sapienter inclinati, duce et magister
Spiritu sancto, in quo dicit Pater tuus fidelis David:
« Venite adoremus et preciamus, et ploremus ante
Dominum, qui fecit nos (Psal. xi). » Sequuntur en-
tum te utriusque sexus plurimi, quibus optimo pli-
cat id quod audiunt, « sicut cortex mali paucit, ita
genae tuae abaque oculis tuis. » « Setaginta sen-
tigine, et octoginta concubinae et adolescentularum
non est numerus. Una est columba mea, per-

fecta mea, una est matri suæ, electa genitrici suæ. » Quid est hoc dicere, nisi quod si multæ sunt fidèles et propter fidem, quæ per dilectionem in eis operatur (*Galat.* v), laudabiles, nulla tamen earum tibi similis est, sicut veraciter prædicamus, quia nec primam similem visa es, nec habere sequentem. Nam reginæ recte dicuntur illæ animæ, quæ perfectæ charitatis sunt, in eo videlicet quod eundem dilectum tuum sequentes, nihil terrenum sed ipsum solum querunt, nec propter metum gehennæ sed propter amorem vitæ tuæ æternæ peccatum fugiunt, virtutemque amando iniquitatem oderunt. Concubinæ vero sunt illæ, quæ sub timore serviunt, nec ejus perfectionis, ut super præceptum velint addere consilium, scilicet hoc, ut relictis omnibus solum sequantur hunc dilectum (*Matth.* xix), habentes quidem in fundamento Christum, sed nihilominus amantes aliqua quæ hujus mundi sunt. Quod porro volunt sibi numeri isti decem senarius atque octonarius: Valeatne aliquod nomen Scripturæ hujus, quod est, קָנִיתְהַרְיָה hoc est, *Canticum canticorum?* Valet utique, quia primam symphoniam efficiunt, quam musici nominant diatessaron. Est enim in eis habitudo, quam epitriton, id est sesquiteriam dicunt, quia major numerus, videlicet octoginta, minorem numerum, scilicet sexaginta, totum in se continet, et ejus insuper tertiam partem, id est viginti. Et hæc proportio numerorum in musica sex reddit diatessaron, quod interpretatur *de quatuor*, et idcirco sic vocatur symphonia hæc, quia de quatuor chordis sive vocibus constat, 416 cum duodus tonis habens semitonium. Igitur « sexaginta reginæ, et octoginta concubinæ, id est animæ quæ verbo Dei insistunt, et verbi Dei ita participes factæ sunt, ut facere possint doctrinæ fructum: meritis quidem, secundum quod supra dictum est, differunt, sed fidei consonantiam per unitatem confessionis in auribus dilecti suaviter resonant.

Quomodo autem numeri isti octonarius et senarius, qui hic multiplicaverunt denarium, ab invicem differunt, ut merito per senarium reginas, et per octonarium voluerit designare concubinas? Videlicet eo differunt quod senarius numerus perfectus, octonarius vero imperfectus ac diminutus, atque usque ad extremas unitates secabilis est. Perfectus quippe est, et perfectorum primus numerorum senarius, quia suis ex partibus construitur. Habet enim dimidiæ, id est tres; tertiam, id est duo; sextam, id est unum, quæ partes simus collectæ senarii summam restituunt. Porro octonarius in suis partibus seipso minor est. Habet enim dimidiæ, id est quatuor; quartam, id est duo; octavam, id est unum: quæ partes simul collectæ septenarium faciunt, minorem videlicet summam ipso octonario, cuius partes sunt. Claret igitur et ista causa cur senarius reginis, et octonarius concubinis, magisque octonarius reginis, et senarius congruat concubinis. Adolescentularum non est numerus, id est abundant in Evangelio plures, quam ad

A coelestes pertineant thalamos, juxta illud: « Anniversarii et locutus sum, multiplicati sunt super numerum (*Psal.* xxxix). » Adolescentulæ namque regæ dicuntur, quæ nondum saltem ad timorem Dei fecerunt, et propter hoc custodia indigent vel magisterio hominum, qui neendum intus divini timoris seu amoris habent magisterium, et multæ ex hujmodi (quod valde pavendum est) inveniuntur extra numerum, quia de adolescentia nunquam ad perfectam ætatem perveniunt, ætatem interioris hominis, quam quidam amicorum insinuans, « occurramus, ait, in virum perfectum, in mensuram ætatis plenitudinis Jesu Christi (*Ephes.* iv). » — « Una est columba mea, perfecta mea, una est matri suæ, electa genitrici suæ. » — « Una, inquam, est, » et similem non habet: Omnino nec inter reginas ulla similis huic est. Cui « matri suæ una, cui genitrici suæ est electa? » Nimirum matri suæ Hierusalem una est, illi Hierusalem, quæ sursum est, quæ est mater omnium nostrum, et genitrici suæ, scilicet antiquæ Ecclesiæ electa est, Ecclesiæ patriarcharum et prophetarum ac regum justorum, quorum de carne progenita est, quorum secundum fidem benedictionis, quæ ad illos repromissa erat, janua vel materia est. Et illi matri, et huic genitrici una et electa est; quia nec inter angelos, nec inter homines similes vel primam habet, vel sequentem habitura est: vere columba, quia gratia plena; vere electa, quæ non solum salva existaret, verum etiam ipsam salutem pareret. « Viderunt illam filiæ, et beatissimam prædicaverunt reginæ, et concubinæ laudaverunt eam. » Hoc ipsamet prævidens ac prænoscens, cum dirisset: « Quia respexit humilitatem ancillæ sue (*Luc.* i), » subjunxit atque ait: « Ecce enim ex hoc beatam me dicent omnes generationes (*Ibid.*). » Nonne, ut secundum præsentem litteram hoc dictum sit, et generatio reginarum, et generatio concubinarum, et generatio adolescentularum; nonne, inquam, omnes istæ generationes beatam dicent illam? Revera, et si impares meritis, attamen fide consimiles, ecce vident illam, ecce contemplantur illam unam, illam electam, et cum admiratione ineffabili voce extollunt jugiter ex omnibus locis suis, tamen laudantes, talem beatissimam prædicantes, non solum D hic in isto exsilio mortalitatis, verum etiam et multo amplius in illa prima vitæ et immortalitatis, ubi vident eam dominantem, et dominando possidentem regnum dilecti, eo videlicet jure quo decet matrem possidere regnum filii sui. Et quid dixerunt laudantes, et beatissimam prædicantes? « Quæ est ista quæ progreditur quasi aurora consurgens, pulchra ut luna, electa ut sol, terribilis ut castrorum acies ordinata? » Quam pulcher ordo in ista laudatione, in ista tuæ pulchritudinis, o beatissima, prædicatione! Primum « consurgens ut aurora, » deinde « pulchra ut luna, » deinde « electa ut sol. » Quando nata es, o Virgo beata, tunc vera nobis aurora surrexit, aurora prænuntia diei sempiterni, quia sicut aurora quotidiana finis præterita noctis, et initium

dei sequentis, sic nativitas tua, nativitas ex semine Abrahe, clara ex stirpe David, ad quos cum iuramento Dei facta est re promissio benedictionis, finis dolorum et consolationis fuit initium, finis tristitiae et Iustitiae nobis extitit principium. Quando autem Spiritus sanctus in te supervenit, et filium virgo conceperisti, virgo peperisti, tunc tu et ex tunc pulchra pulchritudine divina, pulchra, inquam, non quomodo cunque, sed ut luna. Sicut enim luna lucet et illuminat luce non sua, sed ex sole concepia, sic tu, o beatissima, hoc ipsum, quod tam lucida es, non ex te habes, sed ex gratia divina, gratia plena. Quando autem de hoc mundo assumpta atque ad æthereum thalamum translata es, tunc tu et ex tunc « electa ut sol; » « electa, » inquam, nobis, quia sicut ex te natum Dei Filium solem verum, solem æternum adoramus et colimus ut Deum verum, sic et te honoramus atque veneramur, ut veri Dei Genitricem, scientes quia totus honor impensus matris sine dubio redundat in gloriam Filii. Et quidem natura non tu idem es quod ille sol, sed nibilominus tanta es, ut te honoret ipse sol honore quo decet filios honorare parentes suos. Qui enim dixit: « Honora patrem tuum et matrem (Exod. xx), » non dubium quin et ipse honoret, et ab omnibus amicis suis suam velit honorari matrem. Finis cantici idem sonat quod principium, « terribilis ut castorum acies ordinata, » sicut superius jam dictum est. Protinus vero quod dixeras, o dilecta, filiabus Hierusalem, percontantibus quo abiisset dilectus tuus, « dilectus meus descendit ad areolam aromatis, et pascatur in hortis, » ipse gratarer acceptum confirmat his verbis: « Descendi in hortum nucum, et viderem poma convallis, et inspicere si floruerisset vinea, et germinassent mala Punica. » Ita, soror mea, ut novissime dixisti, ego « descendi, » videlicet de cœlis in hortum meum, « hortum nucum, » factus sum enim ex te muliere, factus sub lege (Galat. iv), quæ nimiram lex sic mihi est tanquam hortus nucum. Venique sicut nux sub amaro cortex, intra testam duram, dulcem et ad vescendum suavem continet nucleus, ita sub amara voce vel occidente littera, et durissimo jugo cærimoniarum, suavem atque vivificantem continet spiritum (II Cor. iii). Ad quid hoc descendisti? Ut viderem poma convallis, et inspicere si floruerisset vinea, et germinassent mala Punica. Verum, quod econtra evenit, illud cantabile non est, ad Cantica cantorum non pertinet, siquidem respicias causam illorum qui illi descensui meo nimis ingratuerunt. Amici nostri et filii Hierusalem adolescentulæ nostræ jamdudum rem gestam bene neverunt, secundum illam parabolam quam dixi, quæ est hujusmodi: « Homo erat paterfamilias, qui plantavit vineam et sepem circumdedit ei, et fodit in ea torcular (Matth. xxi), » et cætera usque « novissime autem misit ad eos filium suum, dicens: Verebuntur filium meum. Agricolæ autem 417 videntes filium, dixerunt intra se: Hic

PATROL. CLXVIII.

A est haeres. Venite, occidamus eum, et habebimus haereditatem ejus, et apprehensum ejecerunt eum extra vineam; et occiderunt eum (*ibid.*). Secundum, inquam, parabolam illam, ego descendens in hortum nucum, id est, sub lege factus sum, ut videarem poma convallis, id est, ut consolerer eos qui me exspectabant in spiritu humilitatis. Juxta illud: « Spiritus Domini super me, eo quod unxerit me Dominus. Ad annuntiadum manus eius misit me, ut mederer contritis corde, et prædicarem captiuis indulgentiam, et clausis aperitionem, » etc. (*Isa. LXI; Luc. iv*). Non solum autem, et ut inspicere si floruerisset vinea, illa nimirum vinea, de qua Scriptura prophetica dicit: « Vinea facta est dilecta in cornu filio olei, » et cætera, usque, « vinea enim Domini exercituum, domus Israel (*Isa. v*). » At illi agricolæ ejecerunt et occiderunt me. Verumtamen licet haec mihi fecerint, aliqua pars eorum tandem penitens istud cantabile dixit: « Nescivi, anima mea conturbavit me, propter quadrigas Aminadab. » Ubinam hoc dictum fuit? Cum dicerent eis amici nostri: « Certissime ergo sciat omnis donus Israel quia Dominum eum et Christum Deus fecit hunc Jesum quem vos crucifixistis. His auditis compuncti sunt corde et dixerunt ad eos: « Quid faciemus, viri fratres? » (*Act. II*.) Et quidam talium notissimus ita dicit: « Fui blasphemus et persecutor eius contumeliosus, sed misericordiam consecutus sum, quia ignorans feci in incredulitate (*I Tim. i*). » His atque aliis modis dixit penitens Synagoga, sive aliqua Synagogæ pars: « Nescivi, anima mea conturbavit me, propter quadrigas Aminadab. » Quare autem sic dixit, « Anima mea conturbavit me propter quadrigas Aminadab, » et non dixit, Conturbaverunt me quadrigæ Aminadab? Considerate, amici, prius ipsas quadrigas Aminadab, et videbitis multum pertinere ad rem quod dicit: « Anima mea conturbavit me, » et non dicit, Quadrigæ conturbaverunt me. Quadrigæ Aminadab quatuor sunt evangelica sacramenta Dilecti, videlicet incarnatio vel divinitas ejus, passio ejus, resurrectio ejus et ascensio ejus. Propter hujusmodi quadrigas anima mea, inquit, conturbavit me, id est, coetus Pharisaicus in seditiones excitavit me, ut talium quadrigarum cursum non possem discernere, videlicet præventa quadrigarum earumdem non bona aestimatione, secundum suasiones et iniqua consilia illius talis animæ meæ. Coetus namque Pharisaicus erat vel esse debebat anima mea, id est, its plebem vivificare vel regere, sicut corpus vel omnia membra corporis vivificat vel vegetat anima, utpote magistri vel sapientes, Legem et Prophetas scientes, imo et totam clavem scientia tollentes. Talis anima mea conturbavit, ut ad scientiam non possem introire, et intelligere quadrigas Aminadab, quod testimonium eis perhiberent Lex et Prophetæ (*Luc. XI*). In quo, vel unde dilectus Aminadab? Quo pertinuit ut tali in re vocaretur Aminadab? In eo nimirum, quod unus idem Dilectus. Rex est et Pontifex magnus, et in se

uno personam utramque conjunxit, videlicet sacerdos et regis, secundum typum vel similitudinem illius viri Aminadab qui, cum esset de tribu regia, scilicet de tribu Juda, dedit filiam suam in coniugium homini sacerdoti Aaron de tribu Levi, sicut in Exodo scriptum est. « Accepit autem Aaron uxorem Elisabeth, filiam Aminadab, sororem Naason, quae peperit ei Nadab et Abiu et Eleazar et Ithamar. (Exod. vi). » Et ille quidem Aminadab filiam suam semel datam illi Aaron ad semetipsum non reduxit aut reducere debuit, iste autem Aminadab, iste Dilectus et primogenitus, sacerdotium suum, quod semper ante Mosen et Aaron primogenitorum fuit, pro tempore autem et propter quamdam dispensationem, de qua multa essent dicenda, praestitum est tribui Levi; sacerdotium, inquam, suum exsultando, et quadrigis jam dictis viam suam currendo, repetit et ad se reduxit, in omnibus spontaneus, sponte iucarnatus et natus, sponte passus, et in ipsa passione sua ipse Sacerdos et ipse Hostia sponte factus, secundum hoc ipsum nomen Aminadab, interpretatur enim *populi mei spontaneus*. Non solum autem sacerdotium suum ita repetit et ad se reduxit, verum etiam ad antiquam speciem formamque pristinam revocavit, sicut in spiritu praedixerat David: « Juravit Dominus et non poenitebit eum, tu es Sacerdos in æternum secundum ordinem Melchisedech (Psalm. cix). » Igitur « anima mea conturbavit me, » ait, « propter quadrigas Aminadab, » videlicet malo zelo ipsa turbata et confusa præ invidia, causam suam quasi dolendam declamans, eo quod cursores sive aurigas quadrigarum istarum audisset dicentes: « Quoniam Jesus Nazarenus hic destruet locum istum, et mutabit traditiones quas tradidit nobis Moses (Act. vi), » et multa his similia, seu ante, seu postquam cursum suum perfecit iste Aminadab. Voces autem ejusdem Amiadab currentis in quadrigis suis erant hujusmodi: « Revertete, revertere Sunamitis, revertere, ut intueamur te. » Tu, inquit, o Sunamitis, id est, captiva vel despecta, tu, o fides, veri sacerdotii dignitas, propter carnales cærenomias pene oblivioni tradita, ita ut nesciat neque recognitet Synagoga quia non per legem, sed per te, scilicet per fidem, justificatus est pater ejus Abraham, sicut scriptum est: « Credidit Abiham Deo, et reputatum est ei ad justitiam (Rom. iv, Gen. xv), » revertere, et iterum dico revertere, et tertio dico revertere, et quarto dico revertere, videlicet secundum istas quadrigas meas. Nam et ad hoc natus, et ad hoc passus sum, ut tu revertaris, et resurgens, atque ascendens in cœlum, reversionem tui inclamare non destiti. Cumque revertaris, tu mihi es Sunamitis, quæ vel me vel Patrem meum Antiquum dierum calefacies secundum similitudinem hanc. « Et rex David senuerat, habebatque ætatis plurimos dies. Cumque operiretur vestibus, non calefiebat. Dixeruntque ergo ei servi sui: Quæramus Dominum nostro regi adolescentulam virginem, et stet coram rege, et soveat eum, dormiat.

A que in sinu ejus, et calefaciat dominum nostrum regem. Quæsierunt igitur adolescentulam speciosam in omnibus finibus Israel, et invenerunt Absach Sunamitem, et adduxerunt eam ad regem, etc. (III Reg. 1). Haec denique, sicut et alia sunt per allegorian dicta, et inter omnia quæ in figura continentur sunt estimanda (Galat. iv). Vestimenta enim quibus cum operiretur rex David tenex non calefiebat, carnales cærenomias sunt quæ ille antiquus dierum Deus cum sibi offerrentur non delectabiliter accipiebat, imo dicebat: « Nunquid manducabo carnes taurorum, aut sanguinem bircorum potabo?» (I Cor. xix, Psalm. xlix.) Et multa his similia. Porro Sunamitis, puella speciosa, sola digna est stare coram Deo rege, et in sinu ejus dormire, ipsumque caleficere, id est, bene calentem charitatis ejus gloriam, scilicet remissionem peccatorum, obtinere. « Tu ergo, Sunamitis, revertere, ut intueamur te, » id est, unde justificatus est Abraham, inde justificari sperent omnes qui volunt esse vel veraciter dici filii Abraham, scilicet non ex lege, sed ex fide, et non intuebimur te, nos gaudebimus super te. Notum hoc debet esse amicis, imo adolescentularum multitudini, et idcirco dico eis:

CAP. VII. — « Quid videbitis in Sunamite nisi choris castrorum? » Quid, inquam, aliud? Nunquid sanguinem victimarum? Nunquid circumcisionis cauterium? Nihil omnino 418 nisi chorus castrorum, id est, laudes sive cantiones præstantium sive cantantium, quod suavissimum, quod vere est pulcherrimum. « Immola Deo sacrificium laudis, si ipse Psalmista, et redde Altissimo vota tua (Fest. xlix). » Laudando chori præstantur, præstantio castra laudant, et omnino est justitiae Dei subjici, non suam velle statuere justitiam (Rom. x). Nihil aliud videbitis, aut videre desiderabis, sed et, si quis vestris, o amici, auditoribus ostendere voluerit, vos cum Spiritu sancto, spiritu consilii econtra dicetis: « Vixum est enim Spiritui sancto et nobis, nihil ultra imponere vobis oneris quam haec necessaria, ut abstineatis vos ab immolatis simulacrorum, et sanguine, et suffocato, et fornicatione, et ea quæ vobis fieri non vultis, aliis ne feceritis. A quibus custodientes vos, bene agetis (Act. xv). » Igitur hoc solum in Evangelio videndum atque providendum est secundum fidem Patrum, ut sint chori castrorum, chori in una fide, dicendo id ipsum (I Cor. 1), castra resistendo usque ad sanguinem contra peccatum: « Quam pulchri sunt gressus tui in calceamentis, filia principis. » Tibi dico, o Sunamitis, cui dixi revertere, et quæ jam revertaris, te appello filiam principis, et haec dico tibi, quia « pulchri sunt pedes tui in calceamentis. » Quæritisne, adolescentulæ, eur Sunamitem jam dictam nominem filia principis, vel cujus dicam filiam principis? Discite hoc ex amicis, et ex illo præcipue cujus in anima valde claruit illa reversio, quam inclinans dixi: revertere, revertere Sunamitis. Insigniter quippe reversa est anima illius de lege factorum ad legem si-

dei. Ille nos filiam principis cognoscere docet his verbis : « Scriptum est, inquit, quoniam Abraham duos filios habuit, unum de ancilla, et unum de libera. Sed qui de ancilla, secundum carnem natus est; qui autem de libera, per reprobationem. Quæ sunt per allegoriam dicta. Hæc enim sunt duo testamentoa (*Galat. iv.*), et cætera usque : « Itaque fratres jam non sumus ancillæ filii, sed liberæ, qua libertate Christus nos liberavit; state et nolite iterum jugo servitutis contineri (*ibid.*). » Libera illa cuius secundum Scripturam memini, Sara dicta est. Sara autem interpretatur princeps, et secundum hoc ipsum nomen et secundum suæ generationis modum allegorice designat illam quæ sursum est Hierusalem liberam, quæ est mater omnium secundum fidem, neque enim generat secundum carnem, sed secundum fidem; sicut contra ancilla Agar, secundum nomen suum, quod interpretatur aliena, et secundum suæ vel generationis vel conditionis modum, illam designat Hierusalem, quæ nunc est et servit cum filiis suis. Igitur filia principis, pulchra et speciosa Sunamitis, ipsa est fides vel generatio fidei, cui nunc dico : « quam pulchri sunt gressus tui in calceamentis, filia principis. » An non ancilla sive ancillæ filia discalceatis pedibus incedit? Plane discalceatis, et propter hoc ipsum servilis arguitur conditionis, quia nuditas pedum servilitatis est argumentum, exceptio si fiat propter Deum, juxta illud : « Solve calceamentum de pedibus tuis, locus enim in quo stas, terra sancta est (*Exod. iii.*). » Verum de calceamentis hic agitur non corporis, sed spiritus, in quo discalceatum esse vel discalceatam summa est ignobilitas, et plusquam servilis egestas. Idecirco ancillæ calcaneum serpens momordit; tu autem, o filia principis, bene calceata, caput serpentis contrivisti; tu maxime, o princeps et domina, singularis dilecta, et sicut jam dixi, « una columba mea, una genitrici suæ, » videlicet generationi liberæ, generationi non de carnis, sed fidei, quæ me virum non de carne viri, sed de Spiritu Dei conceperisti et peperisti patrem vel principem filiorum non carnis, sed fidei vel reprobationis. Juncturæ feminum tuorum, sicut monilia, quæ fabricata sunt manu artificis. » Laus ista, laus magna vituperationi illi opposita est, imo et acerbissima exprobationi illius ancillæ jam dictæ apud Ezechiem prophetam, dicentem ex ore Domini : « Et divisisti pedes tues omni transeunati, et multiplicasti fornicationes tueas. (*Ezech. xvi.*) » Divisio vel davaricatio pedum ipsa est disjunctio feminæ, valde vituperabile, nimis propter illud quod subintelligitur, videlicet propter multitudinem fornicationum. Et econtra junctura feminum ipsa est compositio vel continuatio pedum laudabilis, itemque propter illud quod subintelligitur, scilicet propter pudicitiae pulchritudinem, salvumque ac bene custoditum castitatis sigillum, maxime in te, o singularis et unica vel nobilissima Sunamitis; in te, o dilecta et dilectorum dilectissima, quæ prima sine exemplo juncturam feminum tuorum ita custodire proposuisti,

A ut virgo nulli unquam cogita vel cognoscenda viro, digna fieres conjungi tuæ integratatis auctori Deo. Quantum est hoc decus? Quanta honestas? Igitur juncturæ feminum tuorum sicut monilia, id est virginitatis tuæ integritas, perpesq[ue] pudicitiae custodia coelestibus præsidiis communita. Cujus est hoc opus? Cujus virtus? Nimirum Dei Altissimi. « Et hoc ipsum, ait quidam sapiens, sapientia est scire q[uod] od eontinentia donum Dei sit (*Sap. viii.*). Dico igitur non qualiacunque monilia, sed « monilia, quæ fabricata sunt manu artificis, » id est, quæ solus Deus facere et dare potest vel potuit. « Umbilicus tuus sicut crater tornatilis, nunquam indigens poculis. » Et ista laus tua, o libera Sunamitis, opposita est ancille vituperationi, quam apud jam dictum prophetam habemus his verbis : « Et quando nata es, non est præcisus umbilicus tuus, et aqua non es lauta in salutem (*Ezech. viii.*). » Quibus utique verbis luxuriæ superfluitatem vituperat, quia viris quidem in lumbis, feminis autem in umbilico luxuria est, testante Domino, qui de diabolo loquitur ad beatum Job : « Virtus ejus in lumbis ejus, et potestas ejus in umbilico ventris ejus (*Job xl.*). » Igitur « umbilicus tuus crater tornatilis, » quid est nisi ac si dicaret : Perfecta est in te virtus castitatis, et liberata es ab omni carnalis appetitu voluptatis? Parum quippe suisset ad laudem veræ virtutis dixisse, « juncturæ feminum tuorum, sicut monilia quæ fabricata sunt manu artificis, » nisi et istud adderetur, « umbilicus tuus crater tornatilis, nunquam indigens poculis; » quia videlicet illo præcedenti versiculo solum denegatur opus sive affectus carnalis commercii, isto autem sequenti appetitus quoque cogitationis, qui si inesset, nonquam veraciiter dicebatur « umbilicus » sic præcisus, imo et circumcisus, ut « crater tornatilis, » neque adderetur adhuc, « nunquam indigens poculis. » Quidnam est umbilico non indigere poculis, nisi non uri vel sitire per appetitum libidinis? Hinc enim per quemdam sapientem dicitur in mulierem malam : « Sicut viator sitiens ad fontes os suum aperiet, et ab omni aqua proxima bibet (*Eccli. xxvi.*). » Ergo tu, o Sunamitis, o filia principis, corde et corpore es casta, mente et carne integra et incorrupta, cogitatione et ope re munda. Ut autem perficiatur ista laus, dicendum quia locutione quoque utilis es atque pudica. Hoc est, quod nunc dico, ego dilectus tuus : « Venter tuus, sicut acervus tritici vallatus illis. » « Venter tuus, » venter interioris hominis, juxta quod quodam loco dixi. « Qui credit in me, sicut dicit Scriptura, flumina de ventre ejus fluent aquæ vivæ (*Joan. vii.*), » ipse est « sicut acervus tritici, » id est, nunquam indiget pane verbi Dei, imo abundat omni tritico quodcumque seminaverunt alii. Illuc illatum est omne quod prophetarum fides elaboravit. Exempli 419 gratia, ut Isaías qui dixit : « Et accessi ad prophetissam, et concepit et peperit filium (*Isa. viii.*). » Tu enim, o dilecta, tu es illa prophetissa ad

quam accessit omnis sanctus et fidelis propheta, ad quam tendebat et in qua completa est omnis sancta et fidelis prophetia.

Hinc « venter tuus sicut acervus tritici, » quod videlicet triticum prudenter congregasti, meditando in Scripturis, sicut dictum est quodam in loco : « Maria autem conservabat omnia verba haec, conferens in corde suo (*Luc. ii.*). »

Hujusmodi acervus bene est « vallatus liliis, » quia profecto pulchritudo castitatis, sicut claritudinem sensus ad intelligendum Scripturas efficit, ita et auctoritatem parat omni homini, ut dignus sit foris eloqui ea quae intus reposuit vel contulit verba Dei triticam Domini. « Duo ubera tua sicut duo hinnuli capreae gemelli. Collum tuum sicut turris eburnea. » Et ista laus liberæ opposita est vituperationi ancillæ, imo et ancillarum quæ ex una factæ sunt duæ. « Fili hominis, » ait Dominus ad prophetam Ezechielem, « duæ mulieres filiæ matris unius fuerunt, et fornicatæ sunt in Ægypto, in adolescentia sua fornicatæ sunt ibi, ibi subacta sunt ubera earum, et fractæ sunt mammæ pubertatis earum (*Ezech. xxiii.*). » Quanta injuria servilitatis in illa tali subactione uberum, talique fractura mammarum ? Et quantum decus libertatis hic secundum similitudines istas, videlicet hinnulorum gemellorum capreae aliae turris eburnea ! Ergo tu, o libera Sunamitis, tu maxime, cujus duo ubera sunt gemella, sœculis omnibus inaudita, virginitas atque secunditas, tu inquam, o dilecta singularis, libera es ab omni jugo peccati, secundum istas similitudines hinnulorum capreae aliae eburnæ turris. Quid est collum tuum, vel quale est collum tuum ? Utique non extentum, imo amabiliter demissum ; et haec est humilitas tua fortitudo magna, fortitude pulcherrima, vere « sicut turris eburnea, » quæ et aspectu amabilis et statura sit fortis. Cui fortis, cui amabilis ? Deo fortis, Deo amabilis ; diabolo autem terribilis, inaccessibilis. Quomodo ipsi Deo fortis ? Nimurum sicut ex ipsis comprobatur exemplis : « Quia si contra Deum fortis fuisti, » ait ipse ad patrem tuum Iudeum Jacob, « quanto magis contra homines prævalebis ? » (*Gen. xxxii.*) Ad Mosen autem : « Cerno, inquit, quod populus iste duræ cervicis sit ; dimitte me, ut irascatur furor meus contra eos, et deleam eos, faciamque te in gentem magnam (*Exod. xxxii.*). » Et non dimisit eum, imo tandem luctatus est, ut videns Deus quod eum superare non posset, diceret illi : Dimisi juxta verbum tuum. Quali fortitudine luctabatur iste vel ille ? Profectio humilitate, sicut et de isto Psalmista dicit : « Si non Moses electus ejus stetisset in confractione (*Psal. cv.*), » id est in nimia mentis humilitate in conspectu ejus, de illo autem propheta Osee, cum dixisset : « In fortitudine sua directus est cum angelo, et invalidus ad angelum, et confortatus est (*Ose. xii.*), » confessim fortitudinis ejus exprimens modum, subjunxit : « Flevit et rogavit eum (*ibid.*). »

Igitur, o dilecta, « colbum tuum, » quod est hu-

A militas tua, « turris eburnea, » id est fortissima est atque pulcherrima, quam respiciens Altissimas dedit tibi gemellos istos dulces hinnulos, duo ubera haec, virginitatem atque secunditatem, et ecce habes tria insignia haec, tertium quippe humilitas tua est. « Oculi tui sicut piscinæ in Esebon, quæ sunt in porta filiæ multitudinis. » In quo « oculi tui sicut piscinæ ? » Nimurum in eo quod non deficitur eis aquæ, et tu maxime præ cunctis mortalibus semper compunctionia corde dicere potes : « Fuerunt mihi lacrymæ meæ panes die ac nocte (*Psal. xli.*). » Propterea dixi « sicut piscinæ » non qualescumque, sed « piscinæ in Esebon, » id est in maxima compunctione. Esebon quippe interpretatur cingulum mœroris, unde et congrue nomen hoc magnitudinem significat compunctionis. « Quæ sunt in porta filiæ multitudinis ? » id est in prima portione terræ promissionis. Esebon quippe civitas fuit Seon regis Amorrhæi, qui regnavit in Esebon, et ipsa data est filiis Ruben in possessionem trans Jordanem. « Fili autem Ruben, ait Scriptura, et Gad venerunt ad Mosen et Eleazarum sacerdotem, et petierunt terram illam, præcepitque Moses Eleazarum sacerdoti, et Iosue filio Nun, et principibus familiarium dicentes : Si transierint filii Gad et filii Ruben vobissem Jordanem omnes armati ad bellum, date eis terram Galaad in possessionem (*Num. xxxiv.*). » Recete ergo dicitur, « quæ sunt in porta filiæ multitudinis ? » quæ prima fuit possessio gentis quæ in Ægypto multiplicata ingrediebatur terram promissionis.

C Hoc ad mysterium valde pertinet, scilicet piscinas taliter designare, quæ sunt in porta multitudinis ; » sunt enim prima experimenta supernæ dulcedinis bestiæ possessionis, ita ut jam veraciter dic possint terra promissionis, secundum magnum sacramentum Scripturæ dicentes : Cumque cepisset eam, videlicet Cariathsepher, quod interpretatur civitas litterarum, Othoniel filius Cevez, frater Caleph minor, dedit ei Caleph Axam filiam suam conjugem, quam pergentem in Iheron monuit vir suus, ut peteret a patre suo agrum. Quæ cum suspirasset, sedens in asino, dicit ei Caleph : « Quid habes ? At illa respondit : Da mihi benedictionem. Quia terram arenem dedisti mihi, da et irriguam aquis. Dedit ergo ei Caleph irriguum superius, et irriguum inferius (*Josue xv. ; Judic. i.*). » Secundum facti hujus similitudinem, irriguum superius accipit anima, cum se in lacrymis coelestis regni desiderio affigit, irriguum vero inferius accipit, cum inferni supplicia flendo pertimescit. Igitur in his verbis, « oculi tui sicut piscinæ in Esebon, quæ sunt in porta filiæ multitudinis, » hic sensus est mysticus, ac si dicetur : Oculi tui præ amore vel desiderio dilecti, quo langues et compungeris, fluunt lacrymis, et istæ lacrymæ piscinæ sunt in Esebon, id est aquæ manantes cingulo mœroris, ista compunctionis terra est irrigua aquis, principium quoddam supernæ dulcedinis et æternæ hæreditatis, sicut illa Esebon et terra trans Jordanem prima fuit possessio terra

promissionis, illi filii multitudinis, scilicet Israeli-
tice plebi, cuius multitudine non pauciores sunt
qui ascenderunt vel ascendunt, ut reprobationem
accipiant æternæ hæreditatis. « Nasus tuus sicut
turris Libani, quæ respicit contra Damascum. »
Vere ingenua, vere libera Sunamitis, nasum habens
egregium; at illa ignobilis ancilla nasum habet præ-
cicum, sed et aures ejus præcise sunt, sicut dictum
est per prophetam superius memoratum: « Pro-
pterea, o Ooliba, hæc dicit Dominus Deus: Ecce ego
suscitabo omnes amatores tuos contra te (*Ezech.*
xxiii), » et cætera usque, « Nasum tuum et aures
tuas præsident, et qui remanserint, gladio conci-
dent (*ibid.*). » Ut dictum ita et factum est. Nunquid
enim illa talis ancilla nasum habet aut aures? Si
nasum haberet, aliquid de longinquo sentiret, ali-
quid de futuro sæculo cogitaret aut desideraret. Si
aures haberet, non solum litteram attenderet, sed
et vivificantem in littera spiritum audiret. Nunc au-
tem solis præsentibus delectatur, neque audit eum
qui toties ad audiendum invitat, dicendo: « Qui ha-
bet aures audiendi, audiat (*Matth. xiii*). » Igitur ne-
que aures, neque nasum habet. Tu'autem, o libera,
nasum integrum nasum, ut jam dictum est, habes
egregium; quæ sano odoratu sentis et appetitu tra-
beris, « non eorum quæ videntur, sed quæ non vi-
denter (*II Cor. iv*), » secundum istud: « Est enim
420 fides sperandarum substantia rerum, argu-
mentum non apparentium (*Hebr. xi*). Quomodo tibi
est nasus ejusmodi? « Sicut turris Libani, quæ re-
spicit contra Damascum, » id est contra cruentum
upradictæ ancillæ filium. Damascus namque inter-
pretatur *bibens sanguinem*, et illum significat, de quo
Apostolus loquitur, dicens: « Sed quomodo tunc
is, « qui secundum carnem natus est persecutus
eum, qui secundum spiritum, ita et nunc (*Galat.*
iv). » Fortissimo spe ac discretionis naso opus
erat contra omnem ejusmodi falsum fratrem, lu-
dendo consequentem, persecundo ludentem (*Gen.*
xii), ne usquequaque illudat et si corpus lædit,
saltum animam non decipiatur. Et fortis utique est
nagus iste discretionis, sicut turris Libani, dum
rit spernendo visibilia et sperando invisibilia forti-
ter resistit, neque frangitur visibilium incommodis,
juxta illud: « Deduxisti me, quia factus es spes
mea turris fortitudinis a facie inimici (*Psal. lx*). »
Quomodo turris ista respicit contra Damascum? Ni-
mirum sensui ejus sensum habendo contrarium,
juxta illud: « Qui enim secundum carnem sunt,
que carnis sunt, sapiunt, qui vero secundum spi-
ritum, que sunt spiritus, sentiunt (*Rom. viii*). » Est
autem in respectu isto etiam manifestum Damasci,
idem filii ancillæ, opprobrium. Sicut enim interiori
homine Damascus ille perdidit omnem discretionis
et spiritualis intelligentiæ nasum, sic et exteriorius
quoque quendam perdidit nasum suum, nasum ma-
gnum, scilicet civitatem Hierosolymam, et nobile
templum, et cætera insignia quæ destructa sunt:
quibus ablati, ita ignominiosa facta est circumci-

A
sio carnalis, sicut naso præciso deformis efficitur
facies cujusque hominis, et idcirco quæ respicit,
ipsa etiam tam Damascum contemnit et dicit: Tu
ancilla superba cum filio tuo Damasco, quid face-
ret si vel tu nasuta, vel si ille nasus tuus esset, cum
nec saltem exteriorius nasum habens, pulchram te exi-
stimes? Quid, inquam, faceres, si templum tuum
et civitas tua permansisset? Bene igitur, o libera
Sunamitis, « nasus tuus contra Damascum respi-
cit » firmiter stans « sicut turris Libani. » — « Ca-
put tuum ut Carmelus, et comæ capitilis tui sicut
purpura regis juncta canalibus. » Carmelus *scientia*
circumcisionis interpretatur. Caput vero principale
est corporis, et pro corde accipitur quod principale
est interioris hominis, juxta illud; « His ergo fieri
incipientibus, levate capita vestra, » id est exhiba-
rate corda vestra, « quoniam appropinquit redemp-
tio vestra. » Igitur caput tuum ut Carmelus, id est
cor tuum *scientiam circumcisionis* habet, ut legiti-
time et sicut necessarium est circumcisione, quis-
quis secundum Deum et secundum fidem quæ in te
est, justificari vult. An non et Moses circumcisione
istam præscripsit, circumcisionem cordis? Cir-
cumcidite igitur, ait ipse in Deuteronomio, præ-
putium cordis vestri, et cervicem vestram, ne indu-
retis amplius. Quid est ista circumcisione, nisi per-
feta Dei dilectio? Nam et in alio loco, cum dixisset:
« Circumcidet Dominus Deus tuus cor tuum, et cor
seminis tui (*Deut. xxx*), » ita subjunxit: « Ut dili-
gas Dominum Deum in toto corde tuo, et in tota
anima tua (*Ibid.*). » Porro circumcisionis carnis.
scientiam veram in hoc habes, ut non dubites illam
cessare debuisse, ex quo venit, et manifestatum est
semen cuius venturi fidem habens Abraham (*Gen.*
xvii), « signum accepit circumcisionis, signaculum
justitiae fidei (*Rom. iv*). » Dixi de scientia circumcisionis,
quid dicam de scientia legis? Hoc nimurum
quod omnem illam, scilicet ceremoniarum legem
spiritualiter intelligis. Hoc est quod dico, « et comæ
capitilis tui sicut purpura regis, juncta canalibus. » —
« Comæ capitilis, » id est sensus cordis tui in medi-
tando vel cogitando mysteria legis Dei. Exempli
gratia, quid mysterii contineat vitulus inmaculatus,
jussus offerri pro peccato sacerdotis, qui peccaverit
et populum delinquare fecerit? (*Levit. iv; Levit. v*)
quid hircus de capris, quid capra et quid ovis, quid
turtur et quid pullus columbae, cunctus ritus sacri-
ficii, meditando, inquam, in his, et in cæteris hujus-
modi, « comæ capitilis tui, » id est sensus cordis tui
sunt, « sicut purpura regis, » videlicet cuncta refe-
rendo ad sacramentum passionis dilecti tui, qui
propter ipsum, quod passus est, rex constitutus et
gloria et honore coronatus, « sedet ad dextram ma-
jestatis in Excelsis? » (*Hebr. 1*.)

Et recte passio regis dicitur « purpura regis, »
non solum propter purpureum colorem sanguinis
quem in passione effudit, verum etiam propter pur-
puram derisoriam quam circumdederunt ei, proti-
nus tribus poenis passionum consummandum, scâ-

licet flagellandum, crucifigendum, lancea percutiendum. Nam illi quidem irridentes purpuram circumdederunt ei, tanquam regi, sed ille serio et purpuram admisit, et calatum pro sceptro suscepit in dextera (*Math. xxvii*), quia certissime per hæc liebat ut et in cœlo et in terra purpuram regni, et sceptrum acciperet imperii. Proinde purpura illa recte dicitur « iurata canalibus », quia sicut purpura eo magis tingitur et pretiosior sit, quo vicinius atque diutius juncta fuerit tinturæ canalibus, ita passio dilecti eo glorijsior est quo amplius præ cunctis sacrificiis processit secundum consilium divinitatis, cuius videlicet consilii arcana, quasi quidam canales sunt, per quos cucurrit pretiosissima hæc tinturæ purpurea qua dilectus iste, qui erat virginitate candidus, factus est morte vel passione sua, et permanet in æternum rubicundus, Deus vere gloriosus, et homo valde speciosus, et in utraque substantia rex unus semper et ubique victoriosus.

« Quam pulchra es, et quam decora charissima in deliciis! Statura tua assimilata est palmæ, et ubera tua botris. » Quid est in deliciis pulchram et decoram esse, nisi in abundantia gratiarum mansuetudinem summamque humilitatem cordis habere? Denique dona gratiarum et intelligentia Scripturarum sive sacramentorum cœlestium vere sunt deliciae, et humilitas cordis vera pulchritudo est, res decora et Deo amabilis virtus est. Hæc in te conjuncta sunt, o charissima, tales deliciae, talisque pulchritudo.

Quod enim dixit? « Statura tua assimilata est palmæ, et ubera tua botris. » Et ne dubium sit, cui palmæ dicam adhuc. « Dixi: Ascendam in palmam et apprehendam fructus ejus; et erunt ubera tua sicut botri vineæ, et odores tui sicut malorum, guttus tuus sicut vinum optimum. » Magna igitur humilitas, quam ista pulchritudo sonat: « Statura tua assimilata est palma, quia tale est ac si dicam: Mihi assimilata es omni habitu mentis tuae; mihi, inquam, assimilata es in eo quod in crucem ascendimis et humilijs corde. Hunç ergo ascensum meum futurum dixi, nec quisquam amicorum dubitaverit quin dixerim tibi. Si enim ipsis amicis dixi: « Ecce ascendimus Hierosolymam, et Filius hominis tradetur ad crucifigendum (*Math. xx*), et alia multa ad hunc sensum pertinentia; immo si et inimicis dixi: « Et ego si exaltatus fuero a terra, quonia traham ad meipsum (*Joan. xii*), quanto magis, charissimo, dixi aut dicere debui: « Ascendam in palmam et apprehendam fructus ejus, et erunt ubera tua sicut botri vineæ, et odores tui sicut malorum, guttus tuus sicut vinum optimum! » Hoc erat dicere: Exaltabor in crucem victoriosam, et moriendo morte fructuosa, operabor velociter salutem omnium credentium, et deinde doctrinam tuam, doctrinam legalis atque evangelica tempore opportuno palam prædicabitur, sicut in autumno dulces poteri comeduntur, et **421** bonus ubique diffunditur odor bonorum operum tuorum, et dulcissimum atque delectabile mihi erit eloquium tuum sicut vinum optimum. Tu au-

A tem ad hæc: « Dignum dilecto meo ad potandum, labiisque et dentibus ejus ad ruminandum. » Et re vera, ut dicas, ita est. Sicut enim vinum optimum dignum regibus est ad potandum, « labiis et dentibus eorum ad ruminandum, » sic eloquium tuum dignum mihi est ad audiendum, cunctisque amicis et testibus meis ad prædicandum.

Quid faciemus, vel quo ibimus cum tantis istis dilectis deliciis? Nostri enim qui primi ad istas delicias vocati sunt, « venire nolunt, sed abierunt negligentes, aliis in villam suam, aliis vero ad negotiationem suam, reliqui vero tenerunt amicos nostros, et contumelia affectos occiderunt (*Math. xxii*). » Quid igitur faciemus? « Ego dilecto meo, et ad me conversio ejus. Veni, dilecte mi; egrediamur in agrum, commoremur in villis. Mane surgamus ad vineas, videamus si floruit vinea, si flores fructus parturiunt, si floruerunt mala Punica. Ibi dabo tibi ubera mea. Mandragoræ dederunt odorem in portis nostris. Omnia poma nova et vetera, dilecte mi, ser vavi tibi. »

Hæc « ego dilecto meo » locuta sum, « et ad me conversio ejus, » videlicet non improbando, immo propositum hoc habendo ut egredieremur; quippe qui jamdudum dixerat ad cives suos: « Amen dico vobis, quia nemo propheta acceptus est in patria sua (*Luc. iv*), » et hoc dictio pauca interlocutus « ipse transiens, per medium illorum ibat (*ibid.*), » significans utique transiturum se a suis civibus et egres surum in agrum, et commoraturum in villis. Itaque concordans proposito Dei, « veni, inquam, dilecte mi, egrediamur in agrum, commoremur in villis, » ut videlicet qui erant agrestes, sicut domestici, qui erant villani, sicut cives Dei, et juxta propheticum oraculum: « Lætetur deserta et invia, et exsultet solitudo, et floreat quasi lilium, germinans germinet, et exsultet lætabunda et laudans, et gloria Libani detur ei (*Isai. xxxv*); » gloria scilicet hæc, ut videant gloriam Domini, et decorem Dei nostri, cuius visione indignum se Libanus iste, id est populus Judaicus facit repellendo Verbum Dei. Illuc egrediamur, ibi commoremur, et ibi commorantes mane surgamus ad vineas sine dubio jam illic nostra commemoratione propagantes. « Videamus si floruit vinea, si flores fructus parturiunt, si floruerunt mala Punica. » Nam tunc « floruit vinea, » sed jam in villis ejusmodi de carne gentilium agrestium natu sunt aliqui, qui sint ad vitam æternam præordinati, sine dubio mox credituri; et tunc « flores fructus parturiunt, » si dociles inveniuntur ab bene operandum; tunc etiam « floruerunt mala Punica, » si inveniuntur in illis aliqui, quorum fides usque ad martyrium durare sufficiat, quod sine dubio futurum est. « Ibi dabo tibi ubera mea, scilicet nutriendo multitudem filiorum, quos in novam infantiam secunda tibi pariet gratia. Unde hoc ita certum, quod multitudo filiorum nasci debeat illic, ubi hanc sterilitas fuit? Videlicet tam ex Scripturarum testimoniis, quæ testantur ita debere fieri, quam ex

C

la Puniça. » Nam tunc « floruit vinea, » sed jam in villis ejusmodi de carne gentilium agrestium natu sunt aliqui, qui sint ad vitam æternam præordinati, sine dubio mox credituri; et tunc « flores fructus parturiunt, » si dociles inveniuntur ab bene operandum; tunc etiam « floruerunt mala Punica, » si inveniuntur in illis aliqui, quorum fides usque ad martyrium durare sufficiat, quod sine dubio futurum est. « Ibi dabo tibi ubera mea, scilicet nutriendo multitudem filiorum, quos in novam infantiam secunda tibi pariet gratia. Unde hoc ita certum, quod multitudo filiorum nasci debeat illic, ubi hanc sterilitas fuit? Videlicet tam ex Scripturarum testimoniis, quæ testantur ita debere fieri, quam ex

præsentibus experimentis, quia et mandragoræ dederunt odorem in portis nostris. » Mandragora malæ habet suave olentia, quæ et ἀνθρωπόμορφος appellatur, quod habeat radicem, formam hominis similantem, cuius cortex vino mistus, ad bibendum datur his quorum corpus propter curam secundum est, ut soporati dolorem minime sentiant, sterilibus quoque mederi fertur ut concipient. « Mandragoræ ergo dederunt odorem in portis nostris, id est experimenta præsto sunt, quod jam fieri debeat illud quod gentilati hactenus sterili spiritus propheticus promittit : « Lauda, inquiens, sterilis, quæ non paris; decanta laudem, et hinni, quæ non pariebas; quoniam multi filii desertæ magis, quam ejus quæ habet virum (Isai. lvi), etc. « In portis, inquam, nostris, id est dum adhuc sumus in finibus nostris, in finibus Judaicis, sensimus odorem hujusmodi. Venerat enim jam Æthiops euuuchus odorare in Hierusalem, et reverberatur sedens super currum suum, legensque Isaiam prophetam, cum ecce sentiens Spiritus sanctus odorem ejus, dixit ad Philippum : « Accede et adjunge te ad currum istum (Act. viii); sed et tunc eramus in portis nostris,

A quando odorem dederunt in conspectu Domini eleemosynæ Cornelii centurionis (Act. x). Ad quem odorem et illud pertinet, quod postmodum cuidam amicorum talis visio per noctem ostensa est : « Vir Macedo quidam erat, stans et deprecans eum, dicens : Transiens in Macedoniam, adjuva nos (Act. xvi). » His atque aliis modis, odorem dederunt mandragoræ in portis nostris, secunditatem significantes de loco sterilitatis. Nunquid autem ibi tantummodo ubera mea dabo tibi? Imo et omnia poma nova et vetera, dilecte mi, servavi tibi. » Quandiu parvuli fuerint hi, qui in loco ubi dicebatur : « Non plebs mea vos, nascentur filii Dei, viuentis (Osee i), quandiu, inquam, imbecilles erunt ad audiendum grandem sermonem, eisque lacte opus erit, non solido cibo (Hebr. v), tandiu dabo ubera mea, cum autem perfecti fuerint, et pro consuetudine exercitatos sensus habuerint ad discretionem boni et mali (ibid.), tunc cibum solidum tibi in illis, quia omnia nova et vetera, omnia Veteris ac Novi Testamenti sacramenta servavi tibi, conferens in corde meo (Luc. i), proferenda in tempore suo, in tempore opportuno.

LIBER SEPTIMUS.

422 Factum est, o dilectissima dilecti, factum est, ut dixisti : « Veni, dilecte mi; egrediamur in agrum, commoremur in villis. » Felix dies felicia nobis tempora hujus egressus vestri ad nos ab illis qui repulerunt vos, dicentibus amicis, et vestri consili consciis ad illos.

« Vobis quidem oportebat primum loqui verbum Dei, sed, quoniam repellitis illud, et indignos vos judicatis æternæ vitæ, ecce convertimur ad gentes (Act. xiii). » Nunquid vero non solum illud audierant dictum propheticum quod subjunxerunt, dicentes : « Sic enim præcepit nobis Dominus : Posuite in lucem gentibus ut sis salus meæ usque ad extremum terræ? (Isa. xliv.) » Imo et cætera quam multa hujus gratiae oracula, et istud secretissimum audierant et intellexerant quod tu hic, o gratia plena, dixisti : « Veni, dilecte mi, egrediamur in agrum, commoremur in villis. » O quantum gaudium, quanta exultatio illius sterilis et desertæ, quæ non habebat virum, quando certum de scripturis propheticis egressus vestri ad ipsam et suæ salutis audivit testimonium! « Audientes autem gentes, ait illa Scriptura, gavisæ sunt, et gloriosaverunt Verbum Domini, et crediderunt quotquot erant præordinati ad vitam æternam (Act. xiii). » Secundum illud gaudium præsentis loco loquitur ipsa exultans et letabunda et laudans.

CAP. VIII. — « Quis mihi det te fratrem meum sugentem ubera matris meæ ut inveniam te foris et deosculer, et jam ne nemo despiciat? Apprehendam

C te et ducam te in domum matris meæ, et in cubiculum genitricis meæ, ibi me docebis, et dabo tibi poculum ex vino condito, et mustum malorum granatorum meorum. » Ista admirativa percontatio, quis mihi det te, similis illi est, et unde hec mihi ut veniat mater Domini mei ad me (Luc. i); et ista exsultatio, inveniam te foris et deosculer, et jam nemo despiciat, similis est illi responso tuo, ad angelum : « Ecce ancilla, Domini, fiat mihi secundum verbum tuum (ibid.). » Similis namque est, vel quæ hæc dicit, sicut decet filiam similem esse matri. An non tu mater ejus, quæ vitam et salutem peperisti? An non filia tua hæc est, videlicet imitatione fidei? Si Abraham pater gentium, et Sara mater gentium recte dicitur et est (Gen. xvii), videlicet propter fidem, quanto magis tu, o fidelissima fidelium, mater es omnium nostrum? Propterea dicit ista valde attonita propter auditum supradictum magna gaudii multitudine : « Quis mihi det te fratrem meum sugentem ubera matris meæ? » Fratrem suum dicit dilectum suum, et describit eum dulci descriptione, « sugentem, inquiens, ubera matris meæ. » Cujus matris meæ, nisi virginis Marie? Propterea de patre nihil dixit, quia videlicet in fratre isto, ut conciperetur vel nasceretur, fieret que filius naturæ vel carnis nostræ, vir nihil patravit. Totum quod, frater noster est, de matre est. Matris ubera suxit, sed non de patris radice fluxit. Mater ista, mater est; quia caro ista, caro nostra; et fides ista, fides tua, o Maria, fides nostra est. Non

se capit intus magnitudo gaudii, intus in corde credentis, et felicitatem suam admirantis, quod Deus Filius Dei, frater ejus factus sit, frater ejus, o mater, ex te, cuius ubera suxit. Erumpit et clamat : « Quis mihi det te fratrem meum sugentem ubera matris meae, » et adjicit, « ut inveniam te foris et deosculer, et jam me nemo despiciat? » Despiciebatur enim, utpote sterilis et deserta sine viro, id est sine Deo in hoc mundo : Despiciebatur, inquam, et dicebatur præputium, ut Apostolus ait, ab ea quæ dicitur circumcisio in carne manufacta, et erat aliena ita a conversatione Israel (*Ephes.* ii). « Inveniam ergo te, inquam, foris et deosculer, et jam me nemo despiciat, » videlicet cum possim dicere illud verissimum, quia multi filii deserta magis, quam ejus quæ habet virum. O frater vineæ, o sugens ubera matris meæ, quid est invenire te foris, quid est te deosculari? Invenire te foris, est exire ad te extra castra, qui sicut extra portam passus es, ita « extraneus fratribus tuis et peregrinus filiis matris tuæ factus es (*Psal.* lxviii), » teque deosculari, improprium tuum venerari, et sacramenta pietatis tuæ familiariter cognoscere est. Nam in quantum illa cognoscimus et diligimus, in tantum te amabilem amantes deosculamur. Quis fructus, quod emolumenatum hujusce inventionis, hujusce deosculatio- nis? « Apprehendam te, inquit, et ducam in domum matris meæ, et in cubiculum genitricis meæ, ibi me docebis. » Quomodo fiet hoc, videlicet cum tuis fuero potita osculis, cum tu mibi tua mysteria revelaveris, habebo ego hactenus sterilis, habebo ex te filios innovatae juventutis, quos te faciente ordinabo mihi lectores atque lectrices, cantores atque cantatrices, sacerdotes sive pontifices, propheticæ atque apostolicæ gratiæ appropinquantes, et constituam ex eis scholas legentium atque choros canentium; adhibeo mihi tubas prædicantium, et lingua interpretum ut mibi explicent Scripturas quæ de te sunt et quæ hactenus intus in una lingua latuerunt. Atque ita ordinata castrorum acie irrumpam « domum matris meæ in cubiculum genitricis meæ, » ubi hactenus « requiescunt bestiae, et habitant dracones sive struthiones, et pilosi saltant et respondent ululæ (*Isa.* xiii), » dum colitur adulter Jupiter, cæterorumque non deorum, sed dæmonum terræ phalanges, protractisque foras omnibus, inducam te illuc, ut et in domo matris meæ et in cubiculo genitricis meæ, scilicet et in palatiis regum, et in templis quondam dæmonum nomen tuum invocetur. « Ibi me docebis, » palam et cum libertate vocis, more tuo, quemadmodum dixisti : « Ego palam locutus sum **423** mundo, et in occulto locutus sum nihil (*Joan.* xviii). » — « Et dabo tibi poculum ex vino condito, et mustum malorum granatorum meorum. » Quid enim aliud vel majus dare possum? Hoc ut daret, invenit et ille qui dixit : « Quid retribuam Domino pro omnibus quæ retribuit mihi? Calicem salutaris accipiam, et nomen Domini invocabo (*Psal.* xv). » Et est sensus : Prius bona pro malis, deinde bona pro

A bonis Dominus mihi retribuit. « Quid retribuam ei? » Hæc deliberans, ad id veni, cum aliquid majus non possim : « Calicem salutaris accipiam, et nomen Domini invocabo. » Hoc est, quod nunc dico. Et dabo tibi poculum ex vino condito, id est, sacrificium offeram sacratum, et vere sanctum invisibilis passionis tuæ sacramento. Nec solum istud faciam, verum etiam mustum dabo tibi « malorum granatorum meorum, » id est, pretiosam in conspectu tuo mortem sanctorum martyrum tuorum qui quantuplices ex me tuæ mortis imitatores erunt. Hoc erit tibi poculum, quod non erit sanguis brutorum animalium. Hinc enim vel tu vel Pater tuus, Deus deorum Dominus, locutus est : « Nunquid manducabo carnes taurorum, aut sanguinem hircorum potabo? Immola Deo sacrificium laudis, et redde (*Psalm.* xl ix), » etc. « Læva ejus sub capite meo, et dextera ejus amplectabitur me. » Q vos filii vel filiæ, magna quidem et ardua res est, fratrem meum taliter introducere in domum matris meæ, et in cubiculum genitricis meæ, et multas proinde pressuras habemus tolerare, sed nolite pertimescere. Ipse ubique præsens, dupli consolatione consolabitur me. Nam « læva ejus sub capite meo, et dextera ejus amplectabitur me. » Læva ejus, id est, temporalis interdum prosperitas, ne in laboribus deficiam, sustentabit me, neque tentari dimittet supra id quod possum sustinere, et dextera, scilicet spes retributionis, æternæ non incerta, fortius atque abundantius beneficabit atque delectabit me. Fiet mihi jam in isto saeculo consolatio hæc, ut ipsi reges vel principes militentur in famulatum, in illa vero dextra, ubi immortalitas regnat, ipsum visura sum ego visione æterna in decore suo (*I Cor.* x), fratrem meum, dilectum meum, Regem regum, et Dominum dominantium, jamque tantum bonum prægustare cupio per contemplationis studium. « Adjuro vos, filiæ literas, ne suscitatis neque evigilare faciatis dilectam, donec ipsa velit. » Hoc sciens ipse frater meus, quia solus meditor vel meditari cupio amplexus dextre ejus : Ne, inquit, suscitatis neque evigilare faciatis dilectam, donec ipsa velit. Ne, inquam, suscitatis, videlicet eo modo quo Martha suscitare solebat Mariam sororem suam. Mariam namque sedens ad pedes dilecti, audiebat verba oris ejus. Hoc erat requiescere. At illa quæ satagebat circa frequens ministerium (*Luc.* x), volens eam suscitare : Domine, inquit, non est tibi curæ, quod soror mea reliquit me solam ministrare? Dic ergo illi ut me adjuvet. Cunctis filiabus ejusmodi, quæ corporale ministerium sive actualeri vitæ nesciunt discernere; quantum distet a dignitate contemplationis, dictum hoc esse nemo dubitet, ne suscitatis neque evigilare faciatis dilectam, donec ipsa velit. Nam illa, quæ « optimam partem elegit, » quæcumque studet Verbo Dei, ipsa est dilecta : Cæteræ quæ « sollicitæ sunt et turbantur erga plurima, » sicut Martha illa, filiæ sunt. « Quæ est ista, quæ ascendit de deserto, deliciis s. fluens, innixa super dilectum suum? » Ab isto ver-

siculo usque ad finem decantatio clarissima, circa illam versatur de gentibus electam atque dilectam, cuius electio fratris gratiae est, fructus sive effectus Evangelicæ prædicationis, ex quo fieri coepit, o dilectissima dilecti, illud quod dicebas : « Veni, dilekte mi, egrediamur in agrum, commoremur in villis. » Hunc tantum egressus vestri fructum admiratur electio ex Iudeis, quæ parva numero per Evangelium venit et dicit : « Quæ est ista quæ ascendit de deserto, delicii affluens, innixa super dilectum suum ? » De deserto, id est, de agro et de villis, quos vos, o dilecte et dilecta, cum consilio supradicto egredi atque commorari voluistis. « Quæ est ista ? » Ubi erat ubi latebat ? Mira res. Nobis nulla erat, nusquam erat, sed illi erat, in illo erat, de quo veraciter dictum est : « Quod factum est, in ipso vita erat (Joan. xvii), » et de quo dicit alius quidam amicorum : « Qui vocat ea quæ non sunt, tanquam ea quæ sunt (Rom. iv). » Qualis enim est, qualis ascendit ? Delicii affluens innixa super dilectum suum. » Jure miremur, quantis vel qualibus deliciis affluit. Delicii gratiarum, quæ manifestantur ad utilitatem (I Cor. xi), videlicet sermone sapientiæ, sermone scientiæ, fidei, gratia sanitatum, operatione virtutum prophetia, discretione spirituum, generibus linguarum, interpretatione sermonum. Quomodo autem vel ad quid innixa super dilectum suum ? Nimirum ut non timeat timorem hominum, ut non deficiat in tribulationibus, quæ illam invenerunt, sive inventura sunt, tribulationibus atque persecutionibus ini- micorum visibilium atque invisibilium, paganorum, iudeorum, hæreticorum, et spirituum malignorum. Quomodo enim inter hæc omnia subsisteret, nisi innixa esset super dilectum suum ? Nunquid innixa deberet esse super semetipsam, aut super quemlibet aliud ? Tunc utique caderet, stare non posset. Nunc autem dicit : « Dominus illuminatio mea et salus mea, quem timebo ? Dominus protector vitæ meæ, a quo trepidabo ? Si consistant adversum me castra, non timebit cor meum. Si exsurget adversum me prælium, in hoc ego sperabo (Psal. xxvi). » Hoc dicere et facere, nimirum est innixam esse super dilectum. Quomodo factum est istud ? Quomodo talis et taliter ascendit ? « Sub arbore malo suscitavi te, ibi corrupta est mater tua, ibi violata est genitrix tua. » Dilectio ex Iudeis, nunquid quasi nesciens admirationis ? Nunquid causam nescis cur ista talis taliter ascendere debuerit ? Ego causam dico tibi quia mater tua, genitrix tua me dereliquit, me abnegavit virum suum, regem suum, et idcirco aliam duxi, dato illi libello repudii, et hæc est quæ taliter ascendit. Ubinam hoc accidit ? Sub arbore malo, ubi te suscitavi, sub ligno crucis, ubi te redemi. Propterea dixi sub arbore malo, id est, sub arbore afferente fructus suos, quia videlicet lignum crucis non sterile lignum fuit, sed fructus attulit vitæ et salutis. Ibi te suscitavi, sed mater tua Synagoga, genitrix tua, gens Judaica ibi corrupta est, dicendo, « Non habemus regem nisi Cæsarem, » ibi violata est, clamando : « San-

A quis ejus super nos et super filios nostros (Joan. xix; Matth. xxvii). » Propterea, repudiata illa, ista talis ascendit, et sicut ait quidam ex vobis : « Cæcitas contingit in Israel, donec plenitudo gentium subintroeat, et sic omnis Israel salvus fiat (Rom. xi). » Nunc audi quid dicat ista quam tu miraris, ista mulier fortis, de qua veraciter dictum sit : Confidit in ea cor viri sui, et spoliis non indigebit (Prov. xxxi). « Pone me ut signaculum super cor tuum, ut signaculum super brachium tuum, quia fortis est ut mors dilectio, dura sicut infernus æmulatio. Lampades ejus, lampades ignis atque flamarum. Aquæ multæ non potuerunt extinguere charitatem, nec flumina obruent illam. Si dederit homo omnem substantiam dominus suæ pro dilectione, quasi nihil despiciet eam. » Quid, rogo, ista petit, ut jam dictum est, mulier fortis, nisi ut confidat in ea cor viri sui ? Quid enim est dicere, « pone me ut signaculum super cor tuum, ut signaculum super brachium tuum, » nisi ac dicat : Confidat in me cor tuum, roboretur ex adjutorio meo brachium tuum ? Et, o dilecte, quid est præsenti loco cor tuum, 424 et quid brachium tuum, nisi Scripturæ veritatis, quæ scriptæ sunt secundum cor tuum, et memoria mirabilium tuorum, ex quibus cognoscitur quam magnum, quam forte sit brachium tuum ? Pone me ut signaculum super illud cor tuum, pone me ut signaculum super illud brachium tuum. Quam ob causam ? Nimirum ob triplicem, quæ contra me latrant, insaniam videlicet Iudaicam, paganicam, hæreticam. Prompta sum, expedita sum, devota sum econtra fortiter defendere illud cor tuum, protegere illud brachium tuum sicut imperiale signaculum, sicut fidele testimonium, mira fortitudine miranda duritia quam nullus possit effingere. Fortitudinem meam dico dilectionem, duritiam meam dico æmulationem. Cur hoc ? quia « fortis est ut mors dilectio, » dura sicut infernus æmulatio. Quid est hoc dicere, nisi ac si dicatur : Zehum magnum habet dilectio, iram intolerabilem habet æmulatio ? Attende, amici, quod dicitor, animadvertisse diligenter quod agitur et actum est hactenus, ex quo ascendit de deserto, deliciis affluens mulier ista fortis, et innixa super dilectum suum, quæ istud poscit, ut confidat in ea cor viri sui.

D Quis unquam portare potuit zelum dilectionis, quem habet circa cor dilecti sui, iram æmulacionis quam habet erga brachium dilecti sui ? Sicut mors, sicut infernus, ita nulli parcit et omnibus est immensis, quicunque male sentiunt de Scripturis veritatis, quæ scriptæ sunt secundum cor viri sui, dilecti sui, qui male prædicant de brachio fortitudinis, quo salutem generis humani operata est omnipotentia viri sui, dilecti sui. Nonne, cum in remittendis peccatis piissima sit, illos duntaxat, qui loquuntur extra vel contra Verbum veritatis, mortificat, et inferno addicit illorum animas ? Quidpiam tolerare potest, quod cordi dilecti sui, id est, Scripturæ veritatis contrarium est ? Tolerare non potest. Illos qui in hoc sunt, eliminat et anathematis gladio cruciatur.

Non inexperta loquimur. Nulla re magis offenditur, nullo malo exacerbatur amplius. quaelibet anima habens spiritum dilectionis, quam si audiat de Scripturis quidpiam contra sensum cordis hujus amici, contra honorem brachii hujus dilecti. Quam forte natura sit mitis, statim ad rem istam sit intractabilis, et videtur adversariis motus ejus quasi motus mortis, et ira ejus quasi ira infernalis, sicut de Mose constat, qui, cum esset mitissimus omnium hominum qui morabantur in terra, ubi causa poposcit, sic immitis factus est quasi mors, sic durus quasi internus, ita ut diceret : « Qui Domini est, jungatur mihi (*Num. xii; Exod. xxxii.*) » et durissimo ejus imperio occideret unusquisque fratrem et amicum et proximum suum, cecideruntque una die viginti tria millia. Et ille materiali quidem gladio, et alii post eum complures, ut Elias et fortissimus David probaverunt, quia vere fortis est ut mors dilectio, vere dura sicut infernus æmulatio. Ista vero dilectissima spirituali gladio sævit propter dilecti sui cor et brachium, persistens fortiter tanquam inviolabile signaculum. Nam de materiali gladio non habet præceptum sive dilecti sui consensum, quando audivit eum dicentem : Converte gladium tuum in locum suum, satis est, sinite usque hoc (*Matth. xxvi; Luc. xxi.*). Lampades ejus, ait, lampades ignis atque flammarum. Cujus ejus ? Dilectionis sive æmulacionis. Lampades dilectionis, lampades ignis, lampades æmulacionis, latmpades flammarum. Sicut ignis, dum concitatus fuerit, generat flamمام : Sic dilectio, dum aliquid percepit non secundum cor hujus viri, non secundum sensum hujus dilecti, parit æmulacionem, lucentem pariter et urentem, amicos illuminantem, inimicos urentem. Quid si fortis fuerint inimici ? Quid si habuerint turbas populorum, gladios quoque regum atque imperatorum, sicut aliquando habuerunt ? Nihilominus confidat in ista cor viri sui, qua nihilominus fortis erit ut mors dilectio, dura sicut infernus æmulatio, imo et amplius tunc lampades istæ ardebunt atque lucebunt, lampades iguis atque flammarum. Hinc est quod dicit : « Aquæ multæ non potuerunt extinguere charitatem, nec flumina obruent illam. » Audivimus, vidimus aquas multas, id est, inundantes persecutio[n]es popularium, et flumina, scilicet persecutio[n]es principum fortium, quæ, cum vehementer inundarent, non potuerunt extinguere sive obruere charitatem, neque compescere ejus æmulacionem, ut saltem de uno Verbo dogmatis fidelissimi reticeret, exempli gratia, illo quod dicitur ὁμούσιον. Pro nihil fuit huic dilecta omne damnum, et ipsa mors, quam inferre haeretici potuerunt. Hoc est quod dicit : Si dederit homo omnem substantiam domus sue pro dilectione, quasi nihil despiciet eam. Tanta illi inest dilectio Verbi, ut in comparatione talis marginæ, quam intus retinuit quasi nihil despiciat omne, quod foris auferri potuit : « Ecce mulierem fortem vidistis et audistis. » Non ex semetipsa tantam sibi fortitudinem inesse confidit, sed ex eo, qui solus est

A vera fortitudo fortium, sicut vidistis eam ascendenter, innixam super me dilectum suum. Non, inquam, ex ipsa fortitudo hæc, sed ex providentia nostra, secundum pium nostræ sollicitudinis consilium, quod habuimus super eam, sicut sequentia indicant : « Soror nostra parvula est, et ubera non habet. Quid faciemus sorori nostræ in die quando alloquenda est? Si murus est, ædificemus super eam propugnacula argentea. Si ostium, compingamus illud tabulis cedrinis. » Hujusmodi consilium super illam habuimus Pater et Filius et Spiritus sanctus pro magna re, pro magno negotio (*Matth. x.*), quia videlicet sic se habebat, et sic habet tempus vel status rerum ejus, ut vix nata, vix super pedes suos consistens, jam esset alloquenda, jam deberet duci ante reges et præsides, et reddere rationem de fide nostra, de profundissimis operum nostrorum Sacramentis contra Judæos in lege gloriaptes, contra philosophos sapientia sua et eloquentia tumentes, sub gladiis judicum inter mille genera mortuum. Hoc utique mirandum est illis, qui rem sciunt mirari sicut dignum est. Præterea consilio, habito dicebamus : Soror nostra parvula est, et ubera non habet. Quid faciemus sorori nostræ in die qua alloquenda est? Vere enim qua die primum alloquenda erat, quando primum sub Nerone et cæteris persecutoribus lis in judicio contra illam proposita est de fide quam suscipiebat, parva numero, parvula sensu, id est, simplex erat, ubera scilicet legem et prophetas, non habebat. Dicebamus ergo : Si murus est, ædificemus super eam propugnacula argentea. Si ostium, compingamus illud tabulis cedrinis. In civitatibus vel domibus aliud est murus, et aliud ostium. Similiter in dilecta ista, in corpore isto, quod est Ecclesia, aliud est quasi murus, aliud quasi ostium. Hoc ex illius temporis statu clarissimum potest, quando primum dilecta hæc alloquenda erat, sicut jam dictum est. Alius namque ita fortis erat, ut tormenta vel opprobria sustinere posset, et hic utique murus erat, juxta illud : « Ego quippe, ait Dominus, dedi te hodie in civitatem muniram, et in columnam ferream, et in murum æreum, et bellabunt adversum te, et non prævalebunt, quia tecum ego sum. » Alius in hac parte infirmior quidem erat, et forte persecutio[n]es fugiens latere volebat, sed habebat gratiam aliquam, verbi gratia sacerdotalis officii gratiam, scientiamque 425 catechizandi rudes, et baptizandi credentes. Hic nimirum ostium erat, quia, sicut per ostium in civitatem vel in domum introit, ita per tale ministerium credentes Ecclesiae incorporantur. Igitur, « si murus est, ait, ædificemus super eam propugnacula argentea, » id est, si digne potest stare vel permanere pro fide in agone certaminis, suggeramus illi quæcumque necessaria sunt veritatis testimonia ut non minus respondere sciat, quam si legisset legem aut prophetas juxta illud. « Cum steteritis ante reges et præsides, nolite præmeditari qualiter respondeatis, ego enim dabo vobis os et sapientiam,

qui non poterunt respondere et contradicere omnes adversarii vestri (*Matth. x.*). Item : Non enim vos estis qui loquimini, sed spiritus Patris vestri, qui loquitur in vobis. Nonne sic et factum est ? Nonne si rite consideres confessiones et responsa martyrum, in illis duntaxat exemplaribus, quæ fideliter ac simpliciter sine fuso humani ingenii scripta sunt, ubi responsa illorum; ut dicta, sic excepta sunt ; nonne, inquam, responsa illorum nobis propugnacula et non qualiacunque, sed propugnacula argentea sunt ? Casta namque et castigata sunt, multumque nitoris ac splendoris habent, juxta illud : « Eloquia Domini, eloquia casta, argentum igne examinatum (*Psal. xii.*) ». Si ostium est, compingamus illud tabulis cedrinis, id est eum qui non tantæ est fortitudinis vel tolerantiae ut tormenta passionum sustinere possit, attamen illius est officii sive devotionis, ut viam vel introitum fideliter faciat voluntibus introire in regnum Dei, baptizando sive catechizando illos Verbo Dei, faciamus, ut sit memoriam imputribilis atque suavis secundum similitudinem cordi, ligni odoriferi atque imputribilis, juxta Davidem illud : « Justus ut palma florebit, sicut cedres Libani multiplicabitur (*Psal. xci.*) ». Sunt enim multa dona gratiarum, quæ valeant et sufficiere possint illis, qui etiam si cupiant, palmam martyrum suorum attingunt. Quid ad hæc illa ? « Ego murus, et ubera mea turris, ex quo facta sum coram eo, quasi pacem reperiens. » Et est sensus : Primo quidem tempore, cum jam alloquenda essem et de nostra fide secundum charitatem tuam respondere inciperem, parvula eram, sicut dicas, dilectæ mi, et ubera non habebam ; sed nunc et murus sum, et ubera sunt mibi, non qualiacunque, sed sicut turris. Processa namque temporis venerunt scriptores mei, confortati sunt interpres mei, legemque ac prophetas totumque Vetus pariter ac Novum Testamentum in linguis, maxime Græcam et Latinam, de uno Hebraicæ linguae repositorio transtulerunt, et ecce spiritu et littera fortiter instructa sum habens etiam de meis, qui mihi nati sunt filii, doctores et explanatores luculentos utriusque Testamenti. Properea dixi : « Ego murus et ubera mea sicut turris. » Non autem hoc ex me, sed ex gratia dilecti. Properea et istud subjunxi : « Ex quo facta sum coram Dōto quasi pacem reperiens, » id est ex quo per fidem accepi peccatorum remissionem. Nam ex tunc proper ipsum quod et credidi, pacem reperi, et reconciliata sum Deo per mortem dilecti mei, filii sui, et ex eo proficiens atque succrescens, istam quoque gratiam consecuta sum ut nihil mihi desit, de Scripturis utriusque Testamenti, « et ecce ubera mea sicut turris, » quia nihil contra possunt pagani, Iudei, heretici. « Vinea fuit pacifico in ea, quæ habet populos. Tradidit eam custodibus. » Vir assert pro fructu ejus mille argenteos. Hoc dilecta ad gratiam et gloriam de semetipsa dicit, et dilectus continuo respondens ait : « Vinea mea coram me est. Mille tui pacifici, et ducenti his qui custodiunt fru-

A ctus ejus. » Ad causam dilectionis hujus, quæ hoc ipsum loquitur, multum pertinet, meminisse et de narrare in quo plantata fuerit vinea dilecti sui, scilicet utrum in fide an in operibus, de qua vide licet vinea et lex et prophetæ in Evangelio suo multa loquitur ipse dilectus. Propterea nunc dicit : « Vinea fuit pacifico in ea, quæ habet populos. » Quænam illa est, quæ habet populos ? Fides an lex ? Non utique lex, sed fides. In fide vinea Domini plantata est, non in lege, quemadmodum et Apostolus dicit : « Non enim per legem promissio Abrahæ aut semini ejus, ut haeres esset mundi, sed per justitiam fidei (*Rom. iv.*) ». Et subinde : « Ideo ex fide, ut secundum gratiam firma sit promissio omni semini Abrahæ, non ei qui ex lege est solum, sed ei qui ex fide B est Abrahæ, qui est pater omnium nostrum, sicut scriptum est, quia patrem multarum gentium posuit ante Deum, cui credidisti (*ibid.*) ». Item de eodem : « Qui contra spem in spem credidit, ut fieret pater multarum gentium, secundum quod dictum est ei, sic erit semen tuum sicut stellæ cœli, et non infirmatus est fide (*ibid.*), » etc. Ergo quæ habet populos ipsa est fides, quia per fidem Abraham pater populorum, pater multarum gentium factus est. Quid igitur, o æmula mea, o Synagoga sive carnalis circumcisio contra me gloriaris, quasi de operibus legis, quod sola tu sis vinea Domini ? Ante legem fuit vinea Domini, plantata in fide, et tu in pravitate conversa es, plantatio autem illa permanet. « Ego autem, ait plantator ipse, plantavi te vineam elec tam, omne semen verum. Quomodo conversa es in pravum vinea aliena ? » (*Jer. ii.*) « Quid igitur lex ? Propter transgressiones, ait Apostolus, posita est (*Galat. iii.*) ». Hinc et alius propheta : « Vinea facta est dilectio in cornu filio olei, et sepivit eam (*Isa. v.*), » etc. « In cornu facta, » id est in fide plantata est, quia fidei firmitas illa per cornu designatur, de qua Apostolus, « ideo ex fide, ut secundum gratiam promissio firma sit omni semini Abrahæ (*Rom. iv.*) ». « Sepivit autem eam, » quid est, nisi hoc ipsum, quod lex propter transgressiones posita est ? (*Galat. iii.*) Itaque nihil dubium remanet, quin pacifico, id est dilectio, et ipse est enim pax nostra, qui fecit utraque ubum (*Ephes. ii.*), » vinea facta vel plantata fuerit, non in lege, sed in fide ; et idcirco non novo consilio defenditur dilecta haec, scilicet Ecclesia ex gentibus, quod ex fide absque operibus legis justificetur. « Tradidit eam custodibus, » id est patriarchis, ducibus, judicibus, sacerdotibus, prophetis atque regibus, et sicut Isaías dixit : « Turrim quoque et torcular, » id est templum et altare, « ædificavit in medio ejus, et exspectavit ut facheret uvas, et fecit labruscas (*Isa. v.*) ». Ita « conversa est in pravum vinea aliena (*ibid.*) ». Quæ deinde dicit : « Vir assert pro fructu ejus mille argenteos ; vinea mea coram me est ; mille tui pacifici et ducenti bis qui custodiunt fructus ejus, » ex opposito illius quæ « in pravum conversa est, » melius intelliguntur. « Et fodi eam mihi, ait in Osea

Dominus, quindacim argenteis et coro hordei, et dimidio edro hordei, et dixit ad eam : Dies multos exspectabis me, nec fornicaberis et non eris viro; sed et ego exspectabo te (*Osee* iii), » etc. Sacramentum in numeris istis absconditum est pulcherrimum, hic in *ccc* argenteis, illuc in *xv* argenteis et coro hordei et dimidio coro hordei, cuius videlicet sacramenti haec summa est, quod ista et virgo sit et viro conjuncta, illa autem neque virgo neque viro conjuncta. Hujus namque virginitatem unitas milrena, conjunctionem vero sive nuptias binarius centenus significat. Arithmeticci sive abacista melius norunt quod dicitur, et qua ratione unitas virgo prouuntetur; usu habent in suis tractatibus quod videlicet in semetipsa multiplicata nihil creat, quia semel unus, unus est, quod nulli alii numero contingit. Nam cæteri numeri in semetipsos ducti, alias creant, ut bis duo, quatuor, et ter tria, novem. Porro nuptias hujus centenus designat binarius, et hoc felicissimum **426** est, quia dilecta haec quæ ex fide est, semper viro conjuncta est, et semper virgo permanet. Econtra illius viduitatem semel et corruptiōnem illud mystice designat, quod premium ejus neque in unitate mansit, neque ad binarium pervenit, cum dicitur : « Fodi eam mihi quindecim argenteis et coro hordei, et dimidio coro hordei (*ibid.*). » Si argenteos attendas, neque decem sunt argentei, quæ esset unitas decena, neque viginti, quæ esset binarius decenus; sed sunt quindecim, in quo vide-licet numero plus unitate, minus est binario. Similiter neque unus tantum corus hordei, neque duo sicut cori, sed corus et dimidius hordei, plus mo-
nade, minus binario. Itaque et illi hoc infelici-
ssimum est, quia neque virgo est, neque virum habet. Nunc breviter ad litteræ hujus seriem recurramus : « Vinea fuit pacifico in ea, quæ habet populos, » id est omnis plantatio quam plantavit dilectus vere pacificus, per quem « Deo reconciliati sumus (*Rom.* v), » in tida plantata est Abrahæ, per quam ille omnes hæreditavit populos. « Tradidit eam custodi-
bus, » commisit eam rectoribus; « vir affert pro fructu ejus mille argenteos, » id est quivis operarius fidelis ac virtuosus, Scripturarum peritus et ore fa-
cundus, cunctas fidelis sermonis copias impedit prædicando, ut percipiat tempore suo quidpiam de fructu ejus. Omnes argentei ejus mille, id est omnes sermones ejus consonant in una fide, quia sicut jam supradictum est, numeros iste milrena unitas est, quod arithmeticis non incognitum est. Ad haec ille « Vinea mea coram me est. » Et est sensus : Ego non sum mutatus; sed ubi plantavi, ibi quero; et habeo vineam meam, scilicet non in lege, sed in fide. Si enim « qui ex lege (*Rom.* iv), » hæredes sunt, exinanita est fides, abolita est promissio, et esset mutabilitatis quæ in Deum non cadit. O tu quicunque es, qui in hac vinea mille argenteos, de quibus jam dictum est, expendis, « mille tui paci-
fici, » id est pacem, videlicet remissionem peccato-
rum facientes vel acquirentes sunt tibi, « et ducenti

Abis qui custodiunt fructus ejus, » videlicet in eo ut virginali conjugio in cœlestibus nuptiis quas his si-
gnificat binarius centenus, cum dilecto et dilecta in sempiternum perfruantur. « Quæ habitas in hortis, amici auscultant, fac me audire vocem tuam. » Qui dicat, manifestum est. Dilectus enim dilecta dicit, « quæ habitas in hortis. » Quibus in hortis habitat dilecta, nisi in amoenitate Scripturarum, in dele-
ctatione virtutum pulchre florentium, bene oleum, semper virentium? « Fac me, inquit, audire vocem tuam. » Quomodo? Nimirum ita sicut scri-
ptum est : « Narrabisque filio tuo in die illo, dicens: Hoc est quod fecit Dominus mibi. In manu enim for-
eduxit me de Ægypto. Et erit quasi signum in manu tua, et quasi monumentum ante oculos meos [ludos], et ut lex Domini semper sit in ore tuo (*Exod.* xiii;
Deut. vi). » Nam te veraciter egredi eduxi de Ægypto, de tenebris hujus sæculi, de servitute peccati in terram illam fluentem lac et mel, ut habitares in hortis istis, in omnibus Scripturarum sacramenta, ubi veraciter sunt fontes et rivi lactis et mellis, fluentes de Spiritu Dei et hominis Iesu Christi dilecti tui. « Fac » igitur, ut dixi, « fac me audire vo-
cem tuam, » ita ut lex Domini « semper in ore tua sit, nunc prædicando, nunc orando, nunc psallen-
do. His namque modis libenter audio vocem tuam, et ut amplius sapienter ac sollicite id facias, ecce dico tibi, « amici auscultant, » etiam illi, quos non vides corporalibus oculis, sancti scilicet angelii, juxta illud : « In conspectu angelorum psallam tibi (*Psalm.* cxxxvii). » Quid tandem, o dilecta, dicas?
« Fuge, dilekte mi, assimilare capreas hinuiloque cervorum super montes aromatum. » O vocem di-
gnam auditu dilecti, vocem de corde fidei et mente humili! Hoc enim est quod anima quilibet fidelis et sapiens dicere consuevit : « Domine, non sum digna ut intres sub tectum meum (*Math.* viii), » non sum digna ut in me ostendas frequens aliquod præsentiae vel visitationis tue miraculum. « Fuge, inquam, dilekte mi. » Non quero in præsenti vita gloriam, sed desidero gratiam; non quero clarita-
tem miraculorum, sed opto remissionem peccato-
rum. « Fuge, inquam, dilekte mi, » et saltus hu-
Djusmodi similes saltibus capreas aut hinuiloque cer-
rum effice, non super me, sed « super montes ar-
omatū, » super præcela merita sanctorum atque perfectorum. Qui sancti atque perfecti sunt, et cas-
sam præsentem habent, ut necessario miracula
stant, illorum est aliter dicere. Exempli gratia, He-
lissei prophetæ, qui meritorum bene conscient, et causam habens præsentem, propter quam oportet
miracula facere : « Oro, inquit ad Heliam, ut fiat spiritus tuus duplex in me (*IV Reg.* ii), » et ita factum est : duplicita enim quam Helias, iste miracula operatus est, ut aliquos de populo revocaret ab im-
pietate Jezabel, et a peccatis Hieroboam, qui pec-
care fecit Israel. Sed et in hoc « fuge, dilekte mi, » ut semper sis incomprehensibilis. Nam istud con-
cedendum est tuis majestati, ut non possis compre-

hendi, semperque sis desideratus ac desiderabilis, nosque lateat, quandiu sumus in hoc corpore, quam magna sit multitudo dulcedinis tuæ, quam abscondisti timentibus te (*Psalm. xxx.*) . Fuge cautus nobis ac providus, ne unquam dum vivimus, nos comprehendisse arbitremur, sequentes ut comprehendamus. Montes, montes aromatum, ecce super vos dilectus, et assimilatus capreae hinnuloque cervorum. Dicat autem ad quemdam unus ex amicis sapiens admodum, si etiam scivisset afflictum vel percessum legitime consolari. Voca ergo si est qui respondeat tibi, et ad aliquem sanctorum convertere. O montes sancti, causam singulorum et omnium nostrum in uno illo, in quem hoc dictum est, recognoscimus, et idcirco quod illi ab animo indiscretu[m] datum est consilium, nos discrete suscipimus, et sequi desideramus. Ille enim, videlicet Job, quod interpretatur dolens, et in eo quod Satan exterrit eum ut tentaret (*Job 1*), et in eo quod tentatus fidelis inventus est omnium (*Ecclesiastes. xliv.*), qui volentes vivere in Christo persecutionem patiuntur (*II Timothy. iii.*), dolores et gemitus, et sub-

A sequentes consolationes in semetipso præmonstravit, et in responsis suis ab illis duntaxat cognoscitur, quicunque pro causa pietatis, seu foris visibiliter, seu intus invisibiliter ab invisi[bi]libus inimicis tribulatur. Ad quem igitur vestrum convertemur? In quo ex omnibus vobis fugientem dilectum citius consequemur et comprehendemus? O B. Maria, mons montium, virgo virginum, sancta sanctorum, ad omnes quidem convertimur montes aromatum, et vocamus ut respondeant nobis, et hoc est quod unusquisque nostrum dicit: « Levavi oculos meos in montes, unde veniet auxilium milii (*Psalm. cxx.*), sed ad te præcipue convertimur, ad te præcastoris oculos nostros levamus, tuum præ omnibus auxilium suspiramus. Per sanctum uteri tui sacramentum, et illum qui animam tuam pertransivit (*Luc. xx.*), gladium, obtine ut videamus ipsam illuminationem montium æternorum, scilicet dilectum et ex dilecto dilectum, simulque dilectionem amborum, id est Patrem, et Filium, et Spiritum sanctum Deum unum, vivum et verum, cuius regnum et imperium permanet in secula seculorum. Amen.

B

Finis libri septimi, et ultimi in Cantica cantorum.

R. D. D. RUPERTI

ABBATIS TUTIENSIS

IN S. JOB COMMENTARIUS.

PROLOGUS.

(5) Hunc B. Job male, ut ait Hieronymus (5), quidam existimant de genere suisse Esau, cum scriptum sit in initio voluminis: « Vir erat in terra Hrs. » Siquidem Hus primogenitus fuit Nachor, sicut in Genes[is] scriptum est: « Nunitatum est Abrahæ, quod Melcha quoque genuisset filios Nachor : Hus primogenitum, et Bz: fratrem ejus. » Sed et Philo scribit (6) hunc Dina filia Jacob suisse maritum. Porro de genere Bz secundi, ut predictum est, filii Nachor, Balaam ille divinus extitit, ut Hebræi tradunt, qui in hoc libro dicitur He[liu]s (in vulgata eliu) Buzites, primus vir sanctus et prophetae Dei, postea per inobedientiam ei desiderium numerum, dum Israel maledicere cupit, divini vocabulo nuncupatus. Nec mirum illum usque ad exitum filiorum Israel de Ægypto vixisse, videlicet CXL annos, post mortem Joseph, quippe cum et ipse Job eodem tempore vixerit potuerit, qui quando percussus est, tam ipse, quam et amici ejus seniores illo erant, sicut testatur idem Helius cum dicit: « Junior sum tempore, vos aulem antiquiores », etc. Nam ponamus omnino eodem tempore suisse percussum quo mortuus est Joseph anno suo CX. Certe, quando percussus est, annorum erat CXXXVI, nam post percussionem CXL annos vixit, et tunc demum annorum CCCLXXVI illum obiisse haec ipsa Scriptura refert. Nihil igitur repugnans aut contrarium incurrit, quin et B. Job juxta Philonem maritus Dina fuerit, et Belui qui contra illum loquitur, idem ipse Balaam extiterit. Simulque et illud sciendum quod et ipse hoc librum hunc scribere potuerit, nec tamen haec antiquior Scriptura putanda sit, quam Scriptura legis Mosi. Nam, cum supra quam duplices annos Mosi iste habuerit, Moses quippe CXX, hic autem, ut prædictum est, CXXXVI annos vixit, plane et natu prior et obitu posterior quam Moses esse potuit.

Et hic liber apud Hebreos fers totus, scilicet ab eo loco ubi ait: Pereat dies in qua natus sum, usque ad illud: Et ago parentiam in savilla et cinere, hexametris versibus compositus est, dactylo, spondaeoque currentibus. Verumtamen propter linguae idioma crebro et alias pedes recipit, non earundem syllabarum, sed eorumdem temporum. Interdum quoque rhythmus ipse dulcis et tinnulus fertur numeris loge solutus, quod metrī magis quam simplex lector intelligunt. Subjacet autem maxime Ethicæ, id est, morali doctrina quāquam et sepe tractet de physica, et multa continet de theorica, quæ in sacris litteris habetur pro-

(5) Hieron. in trad. Hebr. in Genes.

(6) De antiquitatibus.